


ଅକ୍ଷରୀ-ସଂଗ୍ରହ

দেড় টাকা

তৃতীয় প্রকাশ

All rights reserved to Messrs. G. D. Chatterjea & Sons.



শ্রীদিলীপকুমার রায়

শ্রীতিভাজনেষু—

বিগত যুদ্ধের বাজারে রংয়ের কারবার ক'রে খাঁরা অবস্থা কিরিয়েছেন
> সুকুমার সেন তাঁদের অন্ততম। তিনি হাল আমলের ধনাঢ্য
ব্যক্তি। পুত্রসন্তান নেই। দুইটিমাত্র কন্যা, একরুস্তে দুটি সুল—
অগ্নিমা আর ললিতা।

মেয়েমহলে অগ্নিমার নাম কম নয়। ত্রীলোকের ব্যক্তিত্বাত্ম্য
যে কি রুস্ত এ খাঁরা অগ্নিমাকে দেখেনি তাঁদের পক্ষে বোঝা
কঠিন। কলেজে তার জুড়ি নেই। ভালো প্রবন্ধ রচনার খ্যাতি
তার অসামান্য, চিন্তাধারা তার নতুন, ষ্টাইলে সে যথেষ্ট অগ্রগামিনী।
মেয়ের মধ্যে মেয়ে অগ্নিমা।

সুকুমার সেনের মেয়ে সুতরাং তার পক্ষে অসম্ভব কিছু নেই।
বিবাহ সম্বন্ধে সে উদাসীন, উদ্বিগ্নও নেই আয়োজনও চোখে
পড়ে না। এই অগ্নিমা দেবী একদা প্রস্তাব এনে বসলেন, মেয়েদের
একটি শিক্ষাকেন্দ্র গ'ড়ে তোলা হোক। মেয়েদের সাধারণ
অশিক্ষা, চরিত্রগত দৌর্বল্য, আর্থিক অধীনতা ইত্যাদির সম্বন্ধে
তাঁর মৌলিক গবেষণা শোনে নি এমন মেয়েই ছিল না। শিক্ষার
আলো বিকীরণ ক'রে এই বহুযুগের অন্ধকার বিদূরিত করতে হবে।
পুরুষের মুখাপেক্ষী হয়ে থাকাকাটা কিছু নয়।

উদ্যোগপর্বে যে মেয়েটির সাহায্যের প্রয়োজন সকলের চেয়ে
বেশি হয়ে দাঁড়াল তার নাম মৈত্রেয়ী। মৈত্রেয়ী অগ্নিমার বাল্যবন্ধু।
বাল্যবন্ধুত্বের অর্থটা সুস্পষ্ট। সুল থেকে সমানে হুজনে কলেজে

তরুণী-সঙ্ঘ

উঠে এসেছে। সুখ দুঃখের সঙ্গী মৈত্রেয়ী, পথচার মনের খবর
সে জানে, সে জানে তার হৃদয়ে প্রবেশ করার পথ। একই
গাড়ীতে তারা যায় কলেজে, পালাপার্বণে একত্র বিদেশে যার
হাওয়া বদলাতে। বাতাসের সঙ্গে যেমন সূর্য্যকিরণের সম্পর্ক,
নদীর সঙ্গে যেমন তরঙ্গের, ফুলের সঙ্গে পোকের—তেমনি
সবীচ ছিল অচ্ছেদ্য, অঙ্গাঙ্গী। অণিমার চারিত্র্য ছিল স্ত্রী,
মৈত্রেয়ীর—মাধুর্য্য। তাদের নিয়ে স্কুলে হোতো কোলাহল, কলেজে
হর কানাকানি।

বাগানবাড়ীর বড় হলুটায় একদিন জনকয়েক মেয়েকে নিয়ে
সভা বসলো, প্রস্তাব পাস হয়ে গেল, কমিটি তৈরি হলো।
প্রস্তাব আনলে মৈত্রেয়ী। বলা হলো, এই শিক্ষাকেন্দ্রের অর্থ
বিভাগ নয়, পাঠাগার। -আপনাদের সকলের সমবেত সাহায্যে
এর প্রতিষ্ঠা, এর রক্ষণাবেক্ষণে ও উন্নতির জন্ত আমরা যেন বাইরের
সাহায্য গ্রহণ না করি। দেশের সমগ্র নারীসমাজকে সর্বাংশে
উন্নত করতে গেলে এরূপ একটি শিক্ষাকেন্দ্রের অশেষ প্রয়োজন।
আমাদের উৎসাহ ও পরিশ্রম যদি আন্তরিক হয় তবে জয়ের আশা
সুদূরপর্য্যন্ত নয়।

উচ্ছ্বসিত প্রশংসায় সবাই করতালি দিয়ে মৈত্রেয়ীর প্রস্তাব
সমর্থন করলেন। তারপর এলো অণিমার পালা। উঠে দাঁড়াতেই
করতালি ও হর্ষধ্বনি। মাথার উপরে পাথর হাওয়ায় উড়ছে

তরুণী-সভা

তার চুল, গৌরবগর্ভিত ছুটি চক্ষু। ধীরে ধীরে মৃদুকণ্ঠে আপন বক্তব্য সবিনয়ে নিবেদন করতে লাগল। কথা বলে সে কম কিন্তু তার সেই স্বল্পভাষণটুকু আত্মপ্রত্যয় ও বুদ্ধিমত্তায় উজ্জল এবং সুন্দর। তারপর একে একে সবাই বললেন। প্রতিভা দেবী বললেন, বিজয়া সিংহ বললেন, বললেন তিলোত্তমা ঘোষ। তারপর সভানেত্রীর অভিতাষণ, পরিশেষে সভানেত্রীকে ধন্যবাদ দান।

অতঃপর সভাভঙ্গ।

পাঠাগারের নাম রাখা হোলো 'তরুণী-সভা।' অদম্য উৎসাহভরে ওর কাজ চলছে। সভ্যসংখ্যা বেড়েই চলেছে দিন দিন। চাঁদা ওঠে নিয়মিত। চাঁদার খাতার আয় দেখলেই বুঝতে পারা যায় তরুণী-সভ্যের অকালমৃত্যু ঘটবেনা সহজে। মেয়েরা শ্রদ্ধা করেছেন এই প্রতিষ্ঠানকে, সম্মান করেছেন অণিমা আর মৈত্রেরীর চরিত্রনিষ্ঠাকে। এই দুটি মেয়ের ক্রিয়াকলাপ সংবাদপত্রে বড় বড় হরপে ছাপা হয়েছে।

প্রথম নম্বর চাঁদা আদায়ের ভার পড়েছে শিবানীর ওপর। মেয়েদের প্রথম দাবি অন্তরমহলে। সেদিন হাতে একটা সেলাই নিয়ে শিবানী তার দিদি আর জামাইবাবুর আশে পাশে গুন গুন করে ফিরছিল। এমন সময় বাড়ীতে একজন অতিথির আগমনের আভাস পাওয়া গেল।

তরুণী-সভা

সদর দরজায় গাড়ী এসে দাঁড়াতেই একটা কলরোল উঠল। ছোট ছেলেমেয়েরা ছুটে এলো, তাদের পিছনে পিছনে আর সবাই। আজ দশ বছর পরে তাদের ছোটকাকা ফিরলেন বিলেত থেকে। শিবানীও জানত তার দিদির দেবর নীলমই আসছেন, আবালবৃদ্ধবগিতা রয়েছে তাঁর প্রতীক্ষায়। এই অদৃষ্টপূর্ব ব্যক্তিটিকে নিয়ে এ বাড়ীতে নানা গল্প ও আলোচনা, তর্কবিতর্ক ও মনোমালিন্য। আগন্তুক সকলের নিকটেই কিছু রহস্যময়।

আড়াল থেকে দেখা গেল মোটর থেকে একজন বয়স্ক যুবক লাফ দিয়ে নেমে পড়ল। বলিষ্ঠ, সুরূপ ও হাস্যমুখ। মাথার চুলগুলো ঘন রেশমের মতো—অগোছাল, উচ্ছ্বল; চোখ দুটো অস্থির, অস্থির হলেও সুদৃশ্য। চঞ্চল ভঙ্গীতে কোথাও জড়তা নেই, কোথাও নেই সঙ্কোচ। থাকবার কথাও নয়। যেমন ক্ষুদ্র তেমনি চকিত। নিমেষমাত্র তাকে দেখেই শিবানীর যেন ধাঁধা লেগে গেল। ছুটে পালাল ভিতরে।

আগন্তুকের নাম ভবেশ। বৌদিদি বাইরে গিয়ে দাঁড়িয়ে ছিলেন, ভবেশ তাড়াতাড়ি কাছে এসে দাঁড়াল। পায়ের ধূলা নওয়াটা তার অভ্যাস থেকে সরে গেছে, তাঁর হাত ধরে একটা প্রবল ঝাঁকানি দিয়ে ভবেশ বললে, বাপরে, বাপ, তুমি চর্যানক ভারি কৈ হয়ে গেছ দেখছি। চিঠি পেয়েছিলে ত বৌদি?

বৌদিদি বললেন, জিনিসপত্র কই গো? কোথায় এসে উঠেছ?

ভরণী-সভা

উঠেছি একটা হোটেল। আর একটু আগেই আসতুম বৌদি, ভারি ব্যস্ত করে রেখেছে ওরা। কেবল ছুটোছুটি। কেমন আছ বলো। এরা তোমার ছেলেপুলে ত ? এই বাবু, তোমার নাম কি রে ?

ছোট একটা ছেলেকে ছোঁ দিয়ে ভবেশ কাঁধে তুলে নিলে।

বৌদিদি বললেন, চেনাই যায় না ভাই তোমাকে। একেবারে সায়েব বনে গেছ। কী ছেলে বাবা, একটুও মারাদয়া নেই। সেই কুড়ি বছর বয়সে বিনা টিকিটে জাহাজে পালিয়েছিলেন, আর আজ এই দেখা! খানি খাও ত ?

ভবেশ হা হা করে হেসে উঠল।

তারপর দুঃসাহসের গল্প শুরু হলো। সবাই এসে বৈঠক বসালেন ভিতর মহলে। ছোটরা রুদ্ধনিশ্বাসে শুনতে লাগল গল্প। জাহাজ থেকে সমুদ্রে ঝাঁপিয়ে সঁতার কেটে পালানো, বস্ত্র বরাহের সঙ্গে লড়াই, দস্যু দলের গ্রাস থেকে আত্মরক্ষা, অরণ্যে পথ হারানো—প্রকাণ্ড একখানা উপন্যাস। বৌদিদি বললেন, কী কঠিন ছেলে তুমি, কত রাত ভেবে ভেবে আমাদের ঘুম হয় নি।

ভবেশ বললে, বিপদ নিয়েই আমার আয়ু বৌদি। বুদ্ধি আর শক্তির পরীক্ষা চিরকাল। কখনো হার, কখনো জিৎ।

বাড়ীখানা প্রাবিত হতে লাগল আদরে অভ্যর্থনায় আর

তরুণী-সজ্জা

উল্লাসে। পাশের ঘরে একান্তে শিবানী হাতের সেলাইটা রেখে শুক হয়ে বসে রইল।

ভবেশ বললে, শাকের তরকারি রেঁধো বৌদি, আর মোচার ঘণ্ট, আর ডুমুর ভাজা, বুকলে? পেটের মধ্যে আমার পশুপক্ষীর বাসা, এবার বসে বসে দিনকতক বনজঙ্গল খাই। ওঘরে কে বসে বৌদি?

বৌদিদি সেদিকে একবার ফিরে বললেন, গেছ ওকে? ও যে আমার ছোট বোন। শিবানী।

দিদির দেবরের গল্প নিয়ে আত্মবিস্মৃত ছিল শিবানী। বিভ্রান্ত হয়ে শুনে চলেছিল তার ইতিবৃত্ত। এবার নিজের নামটা শুনে তার চমক ভাঙল। বিব্রত হয়ে সে মাথা হেঁট করে সেলাইটা তুলে নিলে। যেন সে কাজ নিয়েই ব্যস্ত, গল্পের দিকে মন দেবার সময় নেই তার। সে তরুণী-সজ্জার মেয়ে।

কিন্তু দিদির ডাক শুনে তাকে বাইরে এসে দাঁড়াতে হোলো। ভবেশ মুখ তুলে তার প্রতি চেয়ে হেসে বললে, সেই এতটুকু মেয়ে দেখে গিয়েছিলুম, রোগা ছরস্তু মেয়ে। ডাক নাম খুকি, না বৌদি?

বৌদিদি বললেন, হ্যাঁ। ছরস্তু কি আর এখনই কম? আজকে ক্লাব, কালকে ফীর্ট, পরশু একজিভিশন, এই ঠিকই ত আছে। আজকাল শুনতে পাচ্ছি সুকুমার সেনের মেয়েদের সঙ্গে লাইব্রেরী চালানো হচ্ছে।

তরুণী-সজ্জ

সেটা কি ব্যাপার ?

গলা পরিষ্কার করে শিবানী বললে, তার নাম তরুণী-সজ্জ ।
মেয়েদের প্রতিষ্ঠান ।

বৌদিদি হেসে বললেন, মেয়েদের স্বাধীন করার ওটা নাকি
একটা যত্ন । ওঁরা বিয়ে করবেন না, অশিক্ষা দূর করবেন ।
উপার্জনের পন্থা বাৎলানো হয় সেখানে ।

ভবেশ বললে, তাহ'লে তুমিও বিয়ে করবেনা, কেমন খুকি !

শিবানী বললে, ও নামে আর ডাকবেননা ।

হা হা করে ভবেশ হেসে উঠল । বললে, তা বটে । ডাকা
উচিতও নয় । ডাকতে গেলেও বাধবে ।

শিবানী নিশ্চ হেসে দিদির পাশে কুটনো কুটতে ব'সে গেল ।
তারপর বললে, আপনাকে কিন্তু আমাদের লাইব্রেরীর জন্মে টাকা
দিতে হবে ।

টাকা ? না দেখেই দেবো ?

বেশ, একদিন দেখিয়ে আনব । মোটা টাকা দেবেন ত ?

বলা কঠিন । সেটা নির্ভর করবে তোমাদের কৃতীত্বের ওপর ।

—এই ব'লে ভবেশ আর এক দফা হেসে নিলে । হাসিটা তার
ভালো, বেশ একটা ছরস্তু প্রাচুর্যের আভাস পাওয়া যায় । এর নাম
পুরুষ । পুরুষ দেখেনি শিবানী জীবনে ।

বৌদিদি বললেন, মা ছিলেন, আজ তিন বছর হোলো তিনিও

তরুণী-সভা

নেই। আমার ওখানে শিবানী থাকতে চাইল না, আনলুম আমার এখানে। এখান থেকেই কলেজ যায়। মেয়ে ধরেছে, বিয়ে করবে না।

ভবেশ বললে, তাই নাকি? বাঙালী মেয়ের মুখে নতুন কথা। বৌদিদি বললেন, তা বললে কি আর হয় তাই। স্বাধীন মেয়েরাই কি আর বিয়ে করে না?

শিবানী লজ্জায় রাঙা হয়ে আলুর খোসা ছাড়াতে লাগল, কথা বললে না।

ভবেশ বললে, বেশ ত, আরো দু পাঁচ বছর পড়াশুনো করুক না বৌদি?

তারপরে কি বিলিতি মতে বিয়ে হবে?

মন কী, নির্বাচনের অধিকার নিজের হাতেই থাক।—বলে ভবেশ আবার এমন ক'রে হাসল যে, শিবানীর পক্ষে আর ব'সে থাকা সম্ভব হোলো না। মুখখানা লুকিয়ে সে ছুটে পালাল অন্তরের দিকে।

তারপর আবার গল্প শুরু হোলো। কত রাজ্যের কথা, কত দুর্দান্ত কাহিনী। আরব দেশের গল্প, বরফের দেশের ইতিহাস, স্বাধীন জাতির বিচিত্র বিবরণ, যুদ্ধের চিত্রকথা, মেয়েদের আন্দোলন। এ বাড়ীটার ভিতরে যেন একটা তীব্র আলোকরশ্মি এসে পড়েছে। পাশের ঘরে ব'সে শিবানীর চোখ দুটো বেশার আচ্ছন্ন হয়ে

শিবানী-সভা

এলো। তাদের সকলের আবাণ্য বিশ্বর অবেশ। এর হাতে
যেন সমগ্র পৃথিবীর আধুনিক সভ্যতাটা বন্দী। লোকটা
যেন দিগ্বিদ্য।

বিকেল বেলায় দিকে শিবানী ছুটে ছুটে ~~সেই~~ সেসব
বাড়ীতে এসে হাজির। রুদ্ধশ্বাসে সংবাদটা ~~সব~~ বরকার।
অনিমা আর মৈত্রয়ী তখন আপিসের কাজ নিয়ে ব্যস্ত। আসন্ন
সন্ধ্যার রাঙা আলো এক বলক এসে পড়ছে তাদের পিঠের দিকে।

শিবানী বললে, একজন নতুন ডোনর পাওয়া গেছে অনিমা।

অনিমা বললে, মেয়ে না পুরুষ।

না, মেয়ে নয়।

পুরুষ? কেমন? তোমার কে হন?

আত্মীয়।

মৈত্রয়ী এবার মুখ তুলে বললে, বয়স্ক ব্যক্তি?

শিবানী একখানা চেয়ার টেনে নিয়ে বসে বললে, বিলেত থেকে
ফিরেছেন, এখনো বিয়ে করেন নি।

আই-সি-এস নাকি?

না।

অনিমা আর মৈত্রয়ী হুজনেই চুপ। কিন্তু ফস ক'রে শিবানী
এক সময় ব'লে বসল, লোকটি বেশ ভালো। অন্তত আমার তাই
মনে হোলো।

তরুণী-সভা

অগ্নিমা বললে, ভালো বলেই ভাবনা। যাই হোক, বিলেত-
ফেরতা যখন, তখন নিশ্চয়ই সচরিত্র। কত দেবে বল ত ?

তা জানিনে ভাই। কিছু দিতে হবে তাই বলেছি।

এক টাকা দিয়ে ঘোল আনা আদায় করবে না ত ?—মৈত্রেরী
হেসে বললে।

শিবানী বললে, তোমরা যদি সুবিধে দাও করবে বৈ কি।

অগ্নিমা বললে, সুবিধে দিতে হয় না, ওরা নিজেরাই ক'রে নেয়।
নদীর জলের মতন তটকে অলক্ষ্যে ক্ষইয়ে ফেলে, যখন জানা যায়
তখন আর উপায় থাকে না। আত্মরক্ষা করার শক্তিকে দেয় ঘুণ
ধরিয়ে। ওরা ষে সোনার হরিণ। কিন্তু ডোনেশনু। যে দিতে চায়
তাকে বিক্রম করো না শিবানী, টাকা দিতে পারে পুরুষই।

মৈত্রেরী বললে, মেয়েরাও ত টাকা দেয় অগ্নিমা।

মেয়েরা দেয় বিপদের দিনে, পুরুষরা দেয় গঠনের কাজে।
স্থায়ীত্বের দাম বোঝে ওরা। ভদ্রলোকের নাম কি শিবানী ?

শিবানী বললে, ভবেশ।

ও, তোর মুখেই ত শুনেছি তাঁর নাম।

এমন সময় ঘরের ভিতর মৃগাল এসে দাঁড়াল। কুমারী হলেও
সে মাথায় ঘোমটা দেয়, ওটা নাকি ওর ব্যক্তিত্বকে গাণ্ডার্যামণ্ডিত
করে। টেবলের ধারে এসে দাঁড়াতে দেখা গেল, ঘোমটার ভিতরে
তাঁর এলো খোঁপাটা কাঁধের পাশে ভেঙে পড়েছে।

তরুণী-সভ্য

জামার ভিতর থেকে সে একটা মণিব্যাগ বা'র করলে। হাত
টুকিয়ে টেনে আনল পাঁচটা টাকা। বললে, এটা জমা ক'রে নাও,
বিজ্ঞয়াদি পাঠালেন।

মৈত্রেয়ী বললে, তিনি যে এলেন না ?

তাঁর কাকাবাবু এসেছেন, কথা কইতে ব্যস্ত।

আমাদের সেই মাষ্টারমশাই ?

হ্যাঁ।

টাকাটা অণিমা জমা ক'রে নিলে। তারপর বললে, শ্রীমতী
মৃগালিনীকে আজ এত চনমনে দেখাচ্ছে কেন ?

মৃগাল হেসে বললে, সব কারণগুলো প্রকাশ্য নয়। কিন্তু
আজকে আর দাঁড়াব না, কাজ রয়েছে বাইরে। শিবানী, আসবি
নাকি ?

শিবানী বললে, কোন্ দিকে যাবে তুমি ?

মৈত্রেয়ী চট ক'রে বললে, মৃগাল আজকাল দিক্‌ভ্রান্ত।

কিন্তু উদ্ভ্রান্ত নই। ব'লে হেসে মৃগাল বেরিয়ে গেল।

* *

শীতের দিন। খোলা জান্নার ভিতরে ও বাইরে ধীরে ধীরে
অন্ধকার দল পাকিয়ে চলেছে। ঘরটা নিস্তরু। আলোটা এখনো
জালিয়ে দিয়ে যায়নি। টাইমপিস্ ঘড়িটায় টিকটিক শব্দ হচ্ছে।
খাটের উপরে বিজয়া, তার একান্তে কাকাবাবু। তিনি মাষ্টার-
মশায় নামে পরিচিত। দুজনেই নিস্তরু।

উভয়ের মধ্যে আত্মীয়তা কিছু নেই। গ্রাম সম্পর্কে কাকা
ও ভাইবি। ভদ্রলোকের বয়স চল্লিশ পার হয়েছে। সদালাপী,
সুপুরুষ। বিবাহ করেন নি, করবেনও না। অবস্থা আগে ছিল
ভালো, এখনো দিনকালের তুলনায় মন্দ নয়। গ্রামে বহু পরিবারের
সুখ দুঃখের সঙ্গে জড়িত ছিলেন, সুশিক্ষিত বলে তাঁর সুনাম এখনো
অক্ষুণ্ণ। লোকটি পরোপকারী। তারপর এলেন শহরে, কিন্তু
তুললেন না গ্রামের কথা। অর্থাৎ গ্রামের স্কুল, মন্দির, বারোয়ারি,
লাইব্রেরী—এরা তাঁর অকুপণ প্রসাদে এখনও বঞ্চিত হয় না।

গ্রামের মিত্র পরিবারের বড় মেয়ে এই বিজয়া। বিজয়ার নিত্য
সংবাদ তিনি রাখেন।

হঠাৎ স্তব্ধতা ভাঙল। বিজয়া বললে, মৃগালকে আজ তাঁরা
সেখে গেলেন। বুঝলেন কাকাবাবু, মৃগালকে আজ তাঁরা—

তরুণী-সভা

বেশ, বেশ। ব'লে মাষ্টারমশাই একটু বড়ে উঠলেন, বললেন, এবার একটা তারিখ ঠিক ক'রে ফেল মা, এই শীতেই—ঘটা করেই বিয়ে হোক, কি বলো মা ?

আবার অনেকক্ষণ নীরবে কাটল। বিজয়া নেমে গিয়ে সুইচ টিপে আলো জ্বাললে। বললে, কিন্তু মৃগালের বক্তব্যটা কি শুনেছেন কাকাবাবু ?

তিনি মুখ তুলে চাইলেন।

বিজয়া বললে, তরুণী-সভ্যের পাণ্ডা, বিয়ে করতে চায় না।

অর্থাৎ, যাকে বিয়ে করবে তাকে বাজিয়ে নেবে, এই ত ? বেশ, আমিও তাই বলি। আহুক সেই বামুনের ঘরের গরুকে ধ'রে।

বিজয়া পরিচ্ছন্ন কণ্ঠে হেসে উঠল। কিন্তু কিয়ৎক্ষণ পরে সে একসময় বললে, আচ্ছা কাকাবাবু ?

কি মা ?

ধরুন, এ পাত্রকে বিয়ে করতে মৃগাল যদি সত্যিই রাজি না হয় ?

কিন্তু পাত্র যে ভালো। এত বড় ডাক্তার, ভদ্র চরিত্র, সুপুরুষ—অবশ্য মৃগালকে আমি অল্পদিনই চিনি, জানিনে ঠিক কেমন পাত্রকে তার ভালো লাগবে। এর সঙ্গে যদি না হয়, অন্য পাত্রও আনতে পারব।

বিজয়া নতমস্তকে চুপ ক'রে রইল। কিন্তু একেবারে চুপ

তরুণী-সভা

ক'রে থাকতেও আজ তার অস্বস্তি বোধ হচ্ছিল। মুখ তুলে
আবার বললে, কাকাবাবু, আচ্ছা একটা কথা জ্ঞানি মানেন ?

কি বলো ত ?

লোকে ছেলের দিকটাই দেখে, দেখে না মেয়ের দিকটা
মৃগালের মতামত শুনে আপনি রাগ করবেন ত কাকাবাবু ?

রাগ করব ?—মাষ্টারমশায় হেসে বললেন, তুমি চিনলে না
আমাকে। মেয়েদের মতামতের স্বাতন্ত্র্য যদি থাকে আমি খুসি
হয়ে শুনি।

বিজয়া স্মিতমুখে বললে, আমি জানি পাত্রকে বিয়ে করা
মৃগালের মত নয়।

পাত্র কি তার অযোগ্য ?

অযোগ্য নয় একথা মৃগাল বেশ জানে। কিন্তু কাকাবাবু,
কোনো পাত্রকেই মৃগাল বোধ করি বিয়ে করতে চাইবে না।

বিয়ে ত করবে সে ?

বিজয়া খানিকক্ষণ নীরবে রইল, তারপর এক সময় মুখ তুলে
বললে, হ্যাঁ, বিয়েতে তার অমত নেই।

মাষ্টারমশায় হেসে বললেন, আমার বয়েসটা ত দূরে এসে
পড়েছে যে পেছন দিকে দূরে আর কিছুই দেখতে পাইনে, বাপসা
দৃষ্টি, সহজ কথাটা সোজা ক'রে বুঝতে পারাটা—আচ্ছা দেখি মা,
একটু ভেবে দেখি আজকের মতন।

তরুণী-সঙ্ঘ

সেদিনকার মতো বিদায় নিয়ে মাষ্টারমশাই ধীরে ধীরে উঠে চলে গেলেন। সন্ধ্যা উত্তীর্ণ হয়ে গেলে তাঁকে আর কোথাও পাওয়া যায় না, নিজের নির্জন ঘরখানা প্রতি মুহূর্তে তাঁকে আকর্ষণ করতে থাকে। বাইরেও যেমন তিনি শাস্তিপ্রিয়, অন্তরেও তিনি তেমনি নিভৃত।

পথটা কম নয়, মস্তুর পদক্ষেপে তিনি বাড়ীতে এসে পৌঁছলেন। অত বড় বাড়ীর যে দিকটায় তিনি থাকেন সেদিকে কেউ পা মাড়াতে সাহস করে না। ভয়ে নয়, পাছে মাষ্টারমশায়ের নিঃসঙ্গ তপস্বী কোথাও ক্ষুন্ন হয়। মা আছেন, ভাই আছেন, তাঁরা সংসারী মানুষ—কিন্তু তাঁরা যেন বিদেশী মানুষ, যেন আলাপই আছে, আত্মীয়তা নেই। এদিকে আসাটা যেন তাঁদের অভ্যাসের বাইরে।

রাত অল্পই হয়েছিল। সবেমাত্র গায়ে একখানা র্যাপার জড়িয়ে মাষ্টারমশায় টেবুল ল্যাম্পটি জ্বালিয়ে বিছানায় বসে একখানা বই পুঁলেছেন, এমন সময় দরজার বাইরে শব্দ শোনা গেল। আলো পার হয়ে ওদিকে অন্ধকারে তাঁর দৃষ্টি প্রসারিত হোলো না, বইয়ের দিকে মুখ ফিরিয়েই তিনি বললেন, চন্দর বুঝি? ঠাকুরকে ব'লে দিয়ে রাতে আমি কিছু খাবো না।

চন্দর নয়, আমি এলুম। আমি মৃগাল।

তরুণী-সভা

মাষ্টারমশায় মুখ তুলে দেখলেন, মৃগাল ততক্ষণে ভিতরে এসে দাঁড়িয়েছে। তিনি ব্যস্ত হলেন না, শুধু হেসে বললেন, এসো মৃগাল, এসো, এমন অসময়ে যে ?

দিদিমাকে এনেছি সঙ্গে, তিনি ওবাড়ীতে বসে গল্প করছেন।

বিছানার একটা দিক দেখিয়ে মাষ্টারমশাই বললেন, বসো এখানে, গল্প শুনতে বুঝি ভাল লাগল না ? গল্প শোনার বয়স তোমার এখনো পার হয়নি ?

মৃগাল হেসে উঠল—অত ছেলেমানুষ আমাকে মনে করবেন না। আমি তেইশ বছরের বুড়ি।

তাই নাকি ? তবু তুমি খুসি হবে এমন কিছু নেই আমার কাছে। এ বইগুলো কি জানো ত ? শ্রীঅরবিন্দর গীতার ব্যাখ্যা, আর এখানা বিবেকানন্দের জীবন চরিত।

আপনি যে আগে সাহিত্য আর দর্শন পড়তেন ?

সে আগের কথা। এখন সব গুটিয়ে এনেছি এক জায়গায়। এখানা রোঁমা রোলার 'শ্রীরামকৃষ্ণ'।

রবিবাবুর বই পড়েন না ?

পড়তুম। কিন্তু এখন আত্মার আনন্দ আর চাইনে এখন চাই নির্বাণ।—মাষ্টারমশায় হাসলেন।

গীতায় কি নির্বাণের কথা পাবেন ?

মাষ্টারমশাই হাত বাড়িয়ে সূইচটা টিপে মাথার কাছে আলোটা

তরুণী-সভ্য

জ্ঞানলেন। তারপর হেসে বললেন, সে জন্মে গীতা পড়িনে, খুঁজে বেড়াই পথ, হাতড়ে বেড়াই বিশ্বাস পাবার জন্মে।

মৃগাল একবার এদিক ওদিক তাকিয়ে বললে, আপনি এমনি ক'রে একলা থাকেন? বাবা রে, কোথাও টু শব্দটি নেই। এখানে থাকেন কেমন ক'রে?

মাষ্টারমশাই আবার হাসলেন। বললেন, চিরকালের অভ্যেস ছাড়তে পারিনে। তোমাদের তরুণী-সভ্য চলছে কেমন? শোনা যাচ্ছে তরুণী-সভ্যের সভ্যারা চিরদিনের জন্য কৌমার্য ব্রত নিচ্ছেন, একি সত্যি?

অনেকটা সত্যি বটে, আপনাকে বুঝি বিজয়াদি বলেছেন?

হ্যাঁ বলেছেন যে শ্রীমতী মৃগালও তাঁদের দলভুক্ত।

মৃগালের মুখখানি রাঙা হয়ে উঠল।

মাষ্টারমশাই বললেন, তুমি এসে ভালই করেছ মৃগাল, ভাবছিলুম চন্দরকে দিয়ে তোমার কাছে খবর পাঠাবো। বিজয়ার কাছে আজ তোমার কথাই হচ্ছিল।

মৃগাল মাথা হেঁট ক'রে বললে, আমিও আপনাকে সেই কথাই বলতে এসেছিলুম।

কি বলো?

মৃগাল একবার দরজার দিকে তাকিয়ে মুহূর্তে বললে, আমার বিয়ের জন্মে আর আপনি চেষ্টা করবেন না।

তরুণী-সঙ্ঘ

মাষ্টারমশায় বলিলেন, তুমি কি ভাবছ, তার জন্তে আমার খুব প রিশ্রম হবে ? তোমায় বিয়ে দেওয়ার পরিশ্রমটা আমার আনন্দের মৃগাল ?

মৃগালের কণ্ঠে হঠাৎ একটু দৃঢ়তা ফুটে উঠল। বললে, তা হোক, কিন্তু আপনি আজ থেকে নিরস্ত হোন। বিজয়াদিকেও আমি ব'লে এসেছি।

তুমি কি এখন সত্য সত্যই বিবাহ করতে চাও না ?

মৃগাল নীরবে মাথা হেঁট ক'রে রইল। উত্তর না পেয়ে মাষ্টার-মশায় বললেন, কত ছেলেমেয়ে দেখলুম, দেখতে দেখতে চুল পাকল। কিন্তু মাঝে মাঝে এক এক জনকে দেখে চমকে উঠি, ধ্যান ধারণা যায় বদলে। তখন মনে করি জানতে বুঝি কিছুই পারিনি। ভেবেছিলুম তোমার মত শাস্ত আর নিরীহ মেয়ে বুঝি আর দেখিনি, এখন মনে হচ্ছে অন্য কথা।

কি বলুন ত ? মৃগাল হেসে বললে।

মনে হচ্ছে এক জায়গায় তুমি ইম্পাতের ততন কঠিন, ইচ্ছা-শক্তিটা তোমার দৃঢ়, মতামতটা অটল। তোমাকে বুঝতে পারা গেল না মৃগাল।

বোঝবার চেষ্টা করলেন কই ?

তা করিনি বটে। হ্যাঁ, এ আমার ক্রটি। ওপরটা দেখেই ভেতরটা চিনতে চেয়েছি। আর কি জানো মৃগাল, মেয়েদের স্নেহও

তরুণী-সত্ত্ব

করি, ভালও বাসি কিন্তু বিচার ক'রে দেখিনে। স্নেহটা বিচারের পথ বন্ধ করে।

দুজনেই নীরব, কথা নেই কারো মুখে। কিন্তু মাষ্টারমশাই ভাঙলেন সেই নীরবতা। বললেন, কিন্তু মৃগাল বিয়ে করবে না কেন, বললে না ত ?

বিয়ে করব না এমন কথা ত বলিনি ? আপনিই কি সে কথা শুনতে চান ? বহু লোক নিয়ে আপনার কারবার, অনেক মানুষের মধ্যে আপনার গতিবিধি, আমার কথা শোনবার সময় কই আপনার ?

এই কি তোমার ধারণা ?

এই আমার বিশ্বাস। আপনাকে সবাই সমীহ করে, আপনার চারদিকে ভয়ের গণ্ডি। সবাই থাকে আপনার আশ-পাশে, আর আপনি থাকেন অনেক দূরে। তার মধ্যে আমি কি আসব আপনার কাছে ভিক্ষে চাইতে ? মৃগালের কণ্ঠস্বরটা সহসা ভারাক্রান্ত হয়ে এল।

মাষ্টারমশায় বললেন, ভিক্ষের মানে মৃগাল ?

ভিক্ষেই ত। আমি গরিব, তাই ব'লে কি কাঙাল ? সবাইকে আপনি যা দান করেন আপনার সে দান আমি ছুঁতেও চাইনে।

বিচিত্র ভাষা ! জীবনে কোথাও মাষ্টারমশায় তিরস্কৃত হয়নি। তিনি হেসে বললেন, কি আশ্চর্য্য, আমি শুনতে চাই

তরুণী-সজ্জ

এক কথা, তুমি বলতে চাও আর এক কথা। কি অপরাধ তোমার কাছে করলুম বলো ত ?

মৃগাল কথা বলতে পারল না। বলতে গেলে ভাঙা গলার আওয়াজ বেরিয়ে পড়তে পারে।

মাষ্টারমশায় বিছানার উপর আড় হয়ে পড়ে বললেন, যাদের চুল পাকছে তারা জ্ঞান সঞ্চয় করে বটে কিন্তু সেই পরিমাণে বুদ্ধি হারায়। বুদ্ধির খেলা যৌবনে। আচ্ছা বলো মৃগাল, তোমার চরিত্রটা বুঝতেই আমার বাকি, তারপর না হয় বানপ্রস্থই নেওয়া যাবে। ব'লে অতি স্নেহে ও মমতায় তিনি মৃগালের একটি হাত ধরলেন।

হাতে কোনো উত্তাপ নেই, কোনো ভাষা নেই। এমন হাতের স্পর্শ মেয়েদের ছুচোখের বিষ। হাতটা মৃগাল ছাড়িয়ে নিলে, তারপর উঠে দাঁড়িয়ে এক রকম অস্বাভাবিক কণ্ঠে বললে, বলতে আমার একটুও দ্বিধা নেই, বলব বলেই আসি, কিন্তু বলবার সুযোগ না পেয়ে চ'লে যাই। বলে সে দ্রুত বেরিয়ে চলে গেল।

*
* *

ভোর বেলা থেকে তরুণী-সজ্জের অপিসটা জম্জম্ করছে। কলেজের আজ ছুটি, অণিমা আর ললিতার কোনো তাড়া নেই। মৈত্রয়ী সকাল বেলাতেই এসে হাজির। নন্দরাণী ওধারে সবে-মাত্র ইংরেজী দৈনিক কাগজখানা খুলে বসেছে। দেশে আইন অমান্ত আন্দোলন চলছে, এদিকটার নন্দরাণীর বিশেষ ঝোঁক। বীর সত্যগ্রহীদের খবরগুলো পড়তে পড়তে সে অভিভূত হয়ে পড়ে। এধারে সুনন্দা। সুনন্দার মন আজ ভালো নেই, কিন্তু সকাল বেলাতেই মন খারাপের সংবাদটা প্রকাশ হয়ে পড়ল বন্ধুদের কাছে বিজ্ঞপ শোনবার একটা আশঙ্কা আছে। মুখখানা কোনোমতে লুকিয়ে সে চুপ করে বসেছিল।

কিন্তু বেলা সাড়ে নটা নাগাৎ সুনন্দা উঠে দাঁড়াল, তার সঙ্গে উঠল শিবানী আর নন্দরাণী। নন্দরাণী একা কোনোদিন আসেনা, এবং ফিরে যাবার সময় সঙ্গী তার একজন চাই। চাই কলেজে যাবার সময় পর্য্যন্ত চাকর তার সঙ্গে যায়।

সুনন্দা মাষ্টারি করে। দরিদ্র গৃহস্থের মেয়ে সে। বাবা তার অকর্মণ্য। ছোট ভাই বোনগুলি তারই মুখ-চাওয়া। বর্তমানে মাষ্টারি করে কিন্তু প্রাইভেটে তার বি-এ পরীক্ষা দেবার একটা

তরুণী-সজ্জ

মতলব আছে। মেয়ে খুব পরিশ্রমী। তরুণী-সজ্জের উপযুক্ত মেয়ে।

সাদে দশটার সময় সে বেরিয়ে পড়ল বাড়ী থেকে। বাড়ী তার কাছেই। কিন্তু বাড়ী থেকে বেরিয়ে কিছুদূরে এসেই তাকে থমকে দাঁড়াতে হলো। পিছন থেকে ডাক পড়েছে।

—শোনো সুনন্দা, তোমাকে যে দেখিনি অনেকদিন। সংসার এখনো এত নিষ্ঠুর হয়নি, শোনো সুনন্দা—

জাগাতন করলে বটে তাড়াতাড়ির সময়। মুখে বিরক্তি প্রকাশ করে সুনন্দা বললে, আমার বেলা হয়ে যাচ্ছে।

তা ত' যাচ্ছেই বলে একটি যুবক তার দিকে এগিয়ে এল, হেসে বললে, তোমার অনেক কাজ, তোমার ইস্কুল, জীবন সংগ্রাম। সত্যি, একটু সাবধানে পথ হেঁটো কিন্তু, আঁচলটা একটু সামলে। জানই ত, এটা বড় রাস্তা, ট্রাম বাস—কত কি বিপদ ঘটতে পারে।

সুনন্দা বললে, আপনি কি বলতে চান বলুন।

বলতে? কিছু না। তোমাকে দেখে হঠাৎ আনন্দ হোলো, ইচ্ছে গেল একটু বিজ্ঞপ করা যাক। বলবার এমন কিছুই নেই, এই কেবল দেখা হয়ে গেল তাই। কিন্তু এত তাড়া কেন বলো ত? কি যে বলেন আপান তার ঠিক নেই।

হ্যাঁ, মাষ্টারী করা ভালো, টাকা পয়সা নৈলে কি আর স্বাধীন

ভরুণী-সভ্য

হওয়া চলে? আজকাল স্বাধীন মেয়ের খুব ডিমাও, না, সুনন্দা? বাস্তবিক, আমি আজও বুঝতে পারলুম না সুনন্দা, মেয়েরা স্বাধীনতা চায়, না পছন্দসই বর চায়।

চলতে চলতে ঘুবকটি আবার বললে, এদেশের ছেলেগুলোর কথা আর বলো না সুনন্দা, ঘষে মেজে না নিলে ভদ্র সমাজে তাদের বা'র করা কঠিন।

সুনন্দা এবার ঠোকা দিলে। বললে, সে ত' আপনাকে দেখলেই কতকটা বুঝতে পারা যায়।—এই বলে সে আর দাঁড়াল না, ফুটপাথ থেকে নেমে হাত বাড়িয়ে একখানা চলন্ত বাস দাঁড় করালো, এবং আর কোনোদিকে ক্রক্ষেপ না ক'রে হাতল ধ'রে উঠে পড়ল।

যাক, নিশ্চিন্ত। সীট-এ ব'সে স্বস্তির নিশ্বাস ফেললে সে। বাঁচা গেল এ যাত্রায়। ও-লোকটার জন্তু ওই পথটা দিয়ে আসা দিন দিন তার পক্ষে কঠিন হয়ে উঠেছে। লোকটাকে দেখলে ভয় করে, মনের মধ্যে একটা গোলমালও বাধে, আবার আঘাত দিলে কিছু বলতেও তার মুখে আসে না, অথচ এমনি করেই প্রথয় পেয়ে গেছে। আলাপ ছিল, এমন কি, ঘনিষ্ঠতাও ছিল। চার্ম আছে লোকটার, আপাত ব্যবহারটাও খুব খারাপ নয়, মন-ভোলানো কথাও বলে, লোকটা শিক্ষিত। শিক্ষিত বলেই ওকে ভয় করে। ভদ্র বলেই বিপজ্জনক।

কারণটা সুনন্দা জানে। মাঝে মাঝে ওর চরিত্রের ভিতর

তরঙ্গী-সত্ত্ব

থেকে বস্তু হিংস্র পশু উকি মারে, ভদ্রতার পাশিণ্ড যায় ধসে।
কুটিল সাপের কথা তখন সুনন্দার মনে পড়ে, মনে পড়ে চতুর
শৃগালের কথা।

স্কুল এসে পড়েছে, সে উঠে পড়ল। কন্ডাকটর চেন্ টেনে
হাঁকল—একদম বাঁধকে, জেনানা—

জেনানা শব্দটা সুনন্দার ভালো লাগেনা। সে কি যুঁচ ম্যান
মুক নারী-সাধারণেরই একজন? সে ত স্বচ্ছন্দেই নামতে পারে
চলন্ত বাস থেকে যে কোনো ছেলের মতো। নামেনা কোনোদিন
অবশ্য, কারণ লোকেরা কী মনে করবে! বাস্তবিক, লোকের ভয়
না থাকলে ওই লোকটাকে তখন বেশ ছুঁকথা শোনানো যেতো।
ছেলেরা যতই শিক্ষিত হোক, কিন্তু মেয়েদের রক্তের ভিত্তরে থাকে
একটি সহজ সংশিক্ষা, নৈলে পথের মাঝখানে দাঁড়িয়ে ভদ্রকন্টার
আঁচল নিয়ে বিক্রপ—একি শুভ্র সমাজের যোগ্য!

পুরুষ মাত্রই চরিত্রহীন। এই সেদিনের কথা। সারকুলার
রোড দিয়ে আসবার সময় এক ছোকরা তার পিছু নিয়েছিল। পিছু
পিছু এলেই যেন মেয়েদের মন জয় করা যায়। কুদ্রতার চেয়ে
দৈন্তটাই বড়। আর একদিন, চায়ের দোকানের দ্বার দিয়ে
আসবার সময়, ভাবতেও মাথা কাটা যায়, এক ছোকরা অশ্লীল
গান ধরে দিলে।

স্কুলে এসে সুনন্দা দেখলে ঘণ্টা পড়ে গেছে। কিঞ্চিৎ ক্লাসে

তরুণী-সত্ত্ব

কাষ্ট পিরিয়ড তার। মেয়েগুলো তাকে দেখে চোঁচিয়ে উঠল, দিদিমণি, নোমোস্কার।

হয়েছে, থামো। ব'লে সুনন্দা নাম সহ ক'রে আসতে গেল। ক্রাসে এসে সে বধন দাঁড়াল, মেয়েগুলো তখন কিছু ঠাণ্ডা হয়েছে। এখনো অনেকেই ফ্রক পরে, যারা সাড়ী পরে তারা পরে কানে ছল, মাথায় আঁটে ক্লিপ। প্রসাধনের প্রতি মেয়েদের প্রকৃতগত পক্ষপাতীত্ব, মন তাদের বড় সচেতন।

রোল কলের পর টাঙ্ক দেখা হলো। যারা দেখাল না তাদের মধ্যে নীলিমা একজন। মেয়েটা এই সেদিন ভর্তি হয়েছে। লাষ্ট বেঞ্চে বসে থাকে, পড়া জিজ্ঞেস করলেই ভ্যাকু ক'রে কেঁদে কেলে। কে একটা দুর্বিনীত মেয়ে সেদিন বাড়ী থেকে এক চিম্টি হলুদবাটা এনে অলক্ষ্যে তার সাড়ীতে মাথিয়ে দিয়েছিল। বলেছিল, তোর বুঝি আজ গারে হলুদ হয়েছে ?

অপমানে আর লজ্জায় নীলিমার কী কান্না।

ঘণ্টা তিনেক পরে সুনন্দা টিফিন ঘরে চলে গেল। জনতিনেক লেডি-টিচার বাক্যালাপ করছিলেন। আলাপগুলি ঘরোয়া। সলিলাদি শয়ন কক্ষে কি রকম ভাবে রান্না-বার্না করেন, করুণাধির বোনঝির বিয়েতে কে কি দিয়ে মুখ দেখেছে, অমুকের ভয়ির মুখ চোখ ভাল—ইত্যাদি। সুনন্দা তাঁদের কাছ থেকে একটু দূরে গিয়ে বসল।

তরুণী-সভা

স্কুলের বি গিয়েছিল বাসায়, এতক্ষণে এল। বললে,
দাদিমণি, আপনার একখানা চিঠি, এই নিম্ন।

চিঠি সকলেরই আসে। চিঠি খুলে পড়ছে সে, ওখান থেকে
ককণাদি কোতুলী হয়ে বললেন, কাকার থেকে এলো
বুঝি ?

না।

মামার ওখান থেকে ?

না।

মায়াদি একটু হেসে বললেন, বন্ধুর চিঠি তাহলে ?

হ্যাঁ।

সলিলাদি' চট ক'রে বললেন, বোধ হয় তরুণী-সভ্যের বন্ধু ?
মেয়ে বন্ধু ত ?

মেয়ে নয়—ব'লে উত্থিত হ'য়ে সুনন্দা উঠে গেল।

তারপর অন্ধ আর বাংলা পড়িয়ে কোনোক্রমে ছুফটা কাটল।
আর মন বসে না। মন না বসলেও পড়াতে হয়, জীবন সংগ্রামের
প্রশ্ন। মা নেই, দরিদ্র পিতা, ছোট ছোট ভাই বোন। কিন্তু
যাক সে কথা। ঘড়ির দিকে সুনন্দা তাকাল। তিনটে খাজে।
ঘড়ির কাঁটা ঘেন আর নড়তে চায় না। বন্ধ হয়ে যায়নি ত ?
চিঠিখানা ঘেন তীরের মতো তাকে এসে বিঁধেছে। শিকারী
বোঝেনা হরিণীর বুকের যন্ত্রণা। নিষ্ঠুর, সব নিষ্ঠুর।

তরুণী-সঙ্ঘ

দিদিমণি, হাতী মানে এলিফ্যান্ট কেন ? হাতীর ত চারটে পা আছে, না দিদিমণি ?

বিস্ফারিত বিষয়ে সুনন্দা তার দিকে চাইলে। হাতী মানে এলিফ্যান্ট কেন ? তাই ত, সে যেন স্বপ্ন দেখছে। কেন, কে জানে ! কিছুই জানা যায় না, সবই দুজের, সমস্তই জটিল।

প্রশ্নকারিণীটি বসে পড়ল। ক্লাসে গোলমাল চলছে। একখানা বেঞ্চ এই নিয়ে বিবাদ বেধেছে, কার হাতের সোনার কুড়ির দাম বেশি, কার খাতায় গান লেখা ধরা পড়েছে—কিন্তু সুনন্দার মনে হচ্ছিল, নির্জন, সে এখন নিতান্তই একা। বাল্যকাল থেকেই সে একা। কোথায় একটি গোপন দস্ত তার আছে, একটি আত্ম-স্বাতন্ত্র্য বোধ, যার জন্ত সে কাউকে গ্রাহ্য করেনি, বশুতা স্বীকার করেনি।

স্কুল থেকে বেরিয়ে একা পথে নেমে সে আবার চিঠিখানা খুলে পড়ল। প্রথম সম্ভাষণ থেকে নাম সহ পর্যন্ত যেন গায়ে একটা জ্বালা ধরিয়ে দেয়। সুন্দর ভাষা, পরিচ্ছন্ন বিষয়-বস্তু, বুদ্ধিতে উজ্জ্বল বচন-বিচার। কিন্তু এই চিঠির সঙ্গে যার জীবন লিপ্ত, সেই জানে এর শাণিত তীক্ষ্ণতা, এর মার্জনাহীন নির্দয় প্রয়োগ। সুনন্দা ধীরে ধীরে চলতে লাগল।

ফিরবার সময় আসে অন্য পথ দিয়ে। কিন্তু বাসার কাছাকাছি এসে সে হঠাৎ মোড় ফিরল। ফিরবে না সে এখন, ফিরলেই

তরুণী-সভ্য

তাকে গুরে পড়তে হবে। সেই জান্না, সেই একলা আকাশ, সেই নিরবচ্ছিন্ন ভালো না লাগা। শরীরে শক্তি নেই, মনে নেই আনন্দ, —তবু সময়ের রথের চাকা তাকে ধলে পিষে চলতে থাকবে।

দুখানা বাস চলে গেল। তৃতীয়খানাকে থাকিয়ে সে উঠল। একটা লোক সম্মানে তাকে জায়গা ছেড়ে দিয়ে ম'রে গেল। মেয়েদের প্রতি এই অতি সম্মান বিসদৃশ, দৃষ্টিকটু, নৈশ্চের উপরে যেন ভদ্র আ'রণ জড়ানো। সুনন্দা নির্বিকার হয়ে বসে রইল। পাড়ী ছুটছে। নগরীর মুখর কোলাহল, জনশ্রোত, যানবাহনের শব্দ—তাদের দিকে চেয়ে সুনন্দার চোখের উপর চিঠির ভাষাটা যেন এসে দাঁড়াল। ত'তে শটু'ক্তি, ব্যঙ্গ, পৃথিবীতে যেন সবাই ভালো, সকলের মন ...এ'রা পরা, কেবল সেই ধারাপ, সেই ইতর। যার কাছে সব চেয়ে ভালো কথা শোনবার, তার কাছেই গুনতে হয় সকলের চেয়ে যা অশ্রাব্য। মনে পড়ে প্রথম দিনকার কথা। কত সৌজন্য আর ভদ্রতা, কত পালিশ। সেদিন জানা ছিলনা, এদের পিছনে ছিল পুরুষ-চরিত্রের অখণ্ড বর্ধরতা, অলঙ্কার অহঙ্কার।

একটা পথের মোড়ে নামতেই পিছন থেকে ডাক ...এই সুনন্দা, এদিকে কোথায় রে ?

সুনন্দা মুখ ফেরালে। বন্ধুর কাছে গিয়ে হাত ধরে বললে, তোর ওখানেই যাচ্ছিলুম শৈবলিনীদি ! ছেলে কেমন আছে ?

ভরসী-সভা

আজ একটু ভালো। আয়।—তুই বন্ধুতে চল।

কাল তুই প্রেসে মনে বাসনি কেন রে?—সুনন্দা বললে।

শৈবলিনী বললে, ভয়ের জন্ত নয় ভাই। ছ-মাস খেটেছি, আরো না হয় ছ-মাস...কিন্তু ওঁর ভাই শরীর খারাপ, ছেলের মেয়েরা কষ্ট হয়—এবারে কার কাছে রেখে যাবো?

সুনন্দা বললে, আমাদের ইচ্ছে ছিল না যাবার, দূরে দূরে ছিলুম। বিজয়াদি নাকি আর্কেক রাস্তা পর্যন্ত গিয়ে পালিয়ে এসেছিল।

শৈবলিনী বললে, মাঝনাকি ইস্কুলের মেয়েদের দিয়েছিল এগিয়ে...যদি মার-ধোর হয়। সরলাদিকে জগৎবাবু যেতেই দেননি। বলেছেন, এবার যদি জেলেরা তবে আমি আফিস খাবো।

তুজনেই হেসে উঠল। জগৎবাবু আর সরলার জেলের ইন্টারভিউর কথা সকলেরই মনে আছে। আফিস-রুমে বসে স্বামী স্ত্রীর গলা ধরাধরি করে সে বড়ী কায়া! জেল-গেটের ফাঁক দিয়ে তাদের বিরহ-মিলনের সুপূর্ণ দৃশ্য দেখে কুমারী মেয়েরা হেসে লুটিয়ে পড়েছিল। বাস্তবিক, সরলাদির মতো মেয়েদের স্বদেশী করা উচিত নয়। জেল কর্তৃপক্ষের হাসাহাসি করে।

কথায় কথায় তুজনে এসে দাঁড়াল শৈবলিনীর বাড়ীর বরজায়। একখানা প্রাইভেট মোটর দাঁড়িয়ে। দেখা গেল, শৈবলিনীর স্বামী আফিস থেকে ফিরেছেন। সুনন্দার সঙ্গে তাঁর নমস্কার

তরুণী-সত্ত্ব

বিনিময় হোলো। তিনি বললেন, গাড়ী পাঠিয়েছেন অশুভা দেবী,
আপনিও যাচ্ছেন ত ?

সুনন্দা বললে, হ্যাঁ, আজ তার ছেলের অন্নপ্রাশন, কিন্তু আমার
আজ কাজ রয়েছে জামাইখাবু।

গেলে কিন্তু অশুভা আহ্বান দ করত। শৈবলিনী বললে।

আজকে না শৈবলিনীদি, আর একদিন।

গাড়ী দাঁড়িয়ে, সূতরাং আর দেরি চলেনা। শৈবলিনী
কাপড় বদলাতে গেল ঘরে।

যথাসময়ে স্বামী স্ত্রী গাড়িতে উঠলে সুনন্দা বিদায় নিলে।
খানিকক্ষণ সময় তার কাটল, এখন তাকে অনেক দূর যেতে হবে।
বন্ধুর সঙ্গে দেখা হয়ে মন একটু হাল্কা হয়েছে।

চিঠি লিখে যে লোকটা এমন অপমান করেছে, স্নেহ-মমতার
মূল্য যে লোকটা জীবনে দিতে শেখেনি, তার কাছে ভিখারিণীর
মতো আর সে যাবেনা। যাক আজ একটা ভয়ানক আত্ম-অপমান
থেকে সে বেঁচে গেল। বাঁচালো শৈবলিনী। শৈবলিনীর কাছে
সে কৃতজ্ঞ। চলন্ত ট্রামে উঠে সুনন্দা ভাবতে লাগল, তার জীবন-
জোড়া হঠকারিতা। কেবল তার কণিক উদ্বেজন ইম্পাল্‌স্ !
সে অত্যন্ত ইম্পাল্‌সিভ। রাজনীতি, পিকেটিং, প্রসেসন, ফ্যাগ
ওড়ানো, জেল খাটা—সব করা হয়েছে, কিন্তু তৃষ্ণি হয়নি। যা
কিছু সে ছুঁয়ে এসেছে, কিছুই ওপর তার মমত্বা জন্মায়নি ;

তরুণী-সভা

কিছু একটা দুর্লভকে সে খুঁজে বেরিয়েছে, গভীরকে খুঁজেছে, খুঁজেছে অনির্বাচনীয়কে।

ঘরের ভিতরে তার ভালো লাগেনি—সুনন্দা ভাবছিল, তাই বাইরে স্বাধীনতার জন্ত সে চেষ্টা করে বেড়িয়েছে। ঘরে অসুস্থ বন্ধন, বাইরে যন্ত্রণাদায়ক তৃষ্ণা। সুনন্দার সংসার কি সে কামনা করেছিল? কে জানে! আর্থিক স্বাধীনতা? অবাধ চলাফেরা? কিন্তু এদের মধ্যে মনের খোরাক কই?

কন্ডাকটরের কাছে টিকিট নিয়ে সে আবার নীরবে বসে রইল। তার খেয়ালই হোলো না যে, ট্রান্সফর টিকিট নিতে হবে।

টার্মিনাসের কাছাকাছি এসে সে নেমে পড়ল। কি একটা স্বদেশী সভা উপলক্ষ্যে হৈ চৈ ক'রে লোকজন চলেছে। মেয়েরাও যাচ্ছে, জেলের পরিচিত কোনো কোনো মেয়েকেও দেখা গেল। তাদের নেশা আজো কাটেনি, দেশকে স্বাধীন না ক'রে আর তাদের বিশ্রাম নেই—সুনন্দা সবাইকে এড়িয়ে চলল অন্তপথে। আজ যদি তাকে কেউ সভামঞ্চে দাঁড় করিয়ে দেয় তবে সে চীৎকার ক'রে ওই মেয়েদের উদ্দেশ্য করে বলতে পারে, তোমাদের সব মিথ্যে, তোমরা হৃদয় খোঁজবার জন্ত বেরিয়েছ, স্বাধীনতার জন্তে নও। জানি, তোমরা কী চাও!

এমিকে কোথায়? মিটিং কখনে?

তরঙ্গী-সঙ্গ

অত্যন্ত পরিচিত কণ্ঠ, হ্যা, অতি পরিচিত। মনে হোলো ছিজলেশহীন রুদ্ধ কক্ষের মধ্যে একটা শব্দ যেমন বহুক্ষণ ধরে ধ্বনিত ও প্রতিধ্বনিত হতে থাকে তেমনি ক'রে সেই কণ্ঠের সুনন্দার মেহের মধ্যে ঘুরে ঘুরে বেড়াতে লাগল। কিন্তু সে নিমেষ-মাত্র, পরক্ষণেই সে মুখ ফেরালে, এবং একটা সুবকের আপান-মস্তক চোখ বুলিয়ে কম্পিত কণ্ঠে বললে, আমি...আমি আশা করিনি তোমার সঙ্গে দেখা হবে।

তার চোখে অশ্রু এসে দাঁড়াল হঠাৎ।

সুবকটি বললে, তুমি নয়, আপনি। এটা রাস্তা।

দুজনে জনতা কাটিয়ে একটু নিরিবিলা পথে এলো। দুজনে পাশাপাশি, কাছাকাছি। সুনন্দার শরীরের সমস্ত রক্ত সুবকের উপর উঠে উত্তেজনায় ছুটোছুটি করছে। বললে, আমি আশা করিনি...অপ্রত্যাশিত দেখা তোমা—আপনার সঙ্গে! আমি ভাবতেই পারিনি যতীনবাবু।

যতীন বললে, আমিও তাই ভাবছি।

সুনন্দার গলা বন্ধ হয়ে এসেছিল। বললে, আচ্ছ দুপুরবেলা আপনার এই চিঠি। আমি—আমি কী অস্ত্রার কাছাকাছি যে এমন চিঠি আমার লিখতে হবে?

আবার এলো তার চোখে জল।

যতীন বললে, পথের মাঝখানে বেশি কথা বলা চলেনা! কিন্তু

তরুণী-সঙ্ঘ

তোমার কি ধারণা আমি ভালোবেসেছিলুম ?—ব'লে সে এক-প্রকার নির্দয় হাসি হাসলে—ভালো আমি কাউকেই বাসিনে ! যাকগে, আমাকে যেতে হবে এখনি, কাজ আছে ।

পা বাড়াতেই সুনন্দা বললে, এমন সময় তোমার নেই যে আমার বাসা পর্য্যন্ত যাও ?

না । একা তুমি বেশ যেতে পারবে ?

এই ব্যবহার কি ঠিক হোলো ?

হ্যাঁ । তোমার সঙ্গে বন্ধুত্ব করেছিলুম সুনন্দা । বন্ধুত্ব মানে প্রেম নয়, মনে রেখো ?

নয় ? মেয়ের সঙ্গে বন্ধুত্বের কি আর কোনো অর্থ আছে ? সুনন্দা বাসার পথ ধরল । সন্ধ্যার আর দেরি নেই ।

পথ-বাট বেন তখনো ছলছে, দুধারের বাড়ীগুলো বেন জীবন্ত জন্তুর মতো লাকালুকি ক'রে বেড়াচ্ছে । বন্ধুত্ব মানে প্রেম নয় ! তবে কী ?

আবার সেই সকাল বেলাকার সুরেশের সঙ্গে দেখা । সুনন্দা ফিরে তাকাল । লোকটা বললে, আঁচলটা সামলে সুনন্দা ।

সুনন্দা চোখ রাঙিয়ে বললে, অসভ্যতা যদি করেন আপনি, আমি পুলিশ ডাকব । কুকুর কোথাকার !

তরুণী-সজঘ

আহা, রাগ কর কেন ? বলছি যে, পথ চেয়ে হাঁটো, অনেক
রকম বিপদ ঘটতে পারে। দেশ-কাল খারাপ !

আপনার উপদেশ দেবার দরকার নেই।

বেশ, দেবোনা। কিন্তু পৃথিবী শু আর মরুভূমি নয়, কিছু
কিছু পাওয়া যায় বৈ কি। হতাশ হোয়োনা সুনন্দা !

সুনন্দা পিছন ফিরে তরুণী-সজঘের আফিসের দিকে চলতে
লাগল।

*
* * *

তরুণী-সজ্জের যে দুতিনটি মেয়ের সম্প্রতি বিবাহ হয়েছে তাদের মধ্যে সুমিত্রা একজন। বিবাহটা অসবর্ণ। অনেকদিন থেকেই সুমিত্রার গতিবিধিটা সন্দেহজনক হয়ে উঠেছিল। এই নিয়ে অণিমার দলের পক্ষ থেকে নানা কটাক্ষ, মৈত্র্যের নানা ব্যঙ্গ-বিদ্রোপ সুমিত্রাকে সহ্য করতে হয়েছে। কিন্তু বিবাহটা বন্ধ হয়নি, পাত্রের সঙ্গে সুমিত্রার ছিল পূর্বরাগ—মিলনের জন্য তাদের পরস্পরকে অনেকখানি স্বার্থভাগ করতে হয়েছে। অর্থাৎ ভালোবাসাটা আর্থিক অস্বচ্ছল্যের মুখ চেয়ে চলেনি।

সেদিন দোতালার বারান্দায় সুখোমুখি দুখানা ইজিচেয়ারে স্বামী স্ত্রী বসেছিল। সুমিত্রার হাতে একখানা বাংলা মাসিকপত্র, এবং শ্রীশের হাতে জলন্ত একটা সিগারেট। দুজনেই অনেকক্ষণ থেকে চুপচাপ। সুমিত্রার মনোযোগ মাসিকপত্রের দিকে নেই এবং শ্রীশ তার সিগারেটের ক্রমবিলীয়মান ধূমকুণ্ডলীর দিকে মাঝে মাঝে লক্ষ্য করছিল। পশ্চিম দিকে রক্তরাগময় সূর্য্য দেবতা ধীরে ধীরে অস্তে নামছেন। বাতাসটা নিঃশব্দ হয়ে এসেছে।

নীরবতা ভাঙলে শ্রীশ। বললে, আজ নিয়ে কদিন হোলো আমাদের বিয়ে হয়েছে সুমিত্রা ?

তরুণী-সভা

ধামো।—কাগজখানা সরিয়ে উত্থাপিত কর্তে স্মৃতি বসলে, রোজ এক কথা ভালো লাগে না। বিয়ে যেন কেবল তুমিই করেছ।

শ্রীশ হেসে বললে, রাগ করো কেন? এক মাস এখনো হয়নি তাই বলছি। তোমার মেজাজ আজকাল বড় রুক্ষ হয়ে উঠেছে স্মৃতি।

স্মৃতি আবার মাসিকপত্রের দিকে মনোনিবেশ করলে। কিন্তু সে কেবল মুহূর্ত মাত্র। পরক্ষণেই সে পুনরায় বললে, আমল কথাটা তোমার স্মৃতি জানি। বললে তুমিও রাগ করবে।

রাগ করব কেন, বলই না।

স্মৃতি বললে, আত্মীয়দের ত্যাগ করে তুমি দুঃখ পাচ্ছ।

সে কথা বলাই বাহুল্য। যাদের সঙ্গে অচ্ছেদ্য সম্বন্ধ তাদের ত্যাগ করে দুঃখ পায় না কে?

অনেকেই পায় না। কিন্তু যাদের ওপর এত টান তাদের জাতিতে দিয়ে এমন দুঃসাহসিক বিয়ে না করলেই পারতে?

সিগারেটের ধোঁয়া ছেড়ে শ্রীশ সোজা হয়ে বসল। বললে, বিয়ের আগে তুমি কিন্তু এমন কথা কোনোদিন বলোনি। আজ চার বছর তোমার সঙ্গে আমার আলাপ। তুমি বরাবর ভালই বেসেছ কিন্তু আঘাত করতে শিখেছ এই অল্প কদিন মাত্র।

মাসিকপত্রটার উপরে চোখ রেখে এক সময় স্মৃতি বললে,

তরুণী-সঙ্ঘ

তোমার কেবল বাজে কথা। তোমার কথা শুনেই মনে হয়, বিয়ে ক'রে যেন তুমি আমাকে কৃতার্থ করেছ। যেন দাতা আর গ্রহীতার সম্পর্ক।

এমন সময় ঠাকুর এলো চা ও খাবার নিয়ে। ছুজনের মাঝখানে টিপাইয়ের উপর সেগুলি রেখে সে স'রে দাঁড়াল। সুমিত্রা মুখ তুলে বললে, তোমার কি আজ না গেরেই চলবে না ঠাকুর ?

ঠাকুর মাথা চুলকে বললে, অনুখের চিঠি মা, না গিয়ে থাকি কেমন ক'রে। রাত নটার গাড়ি। এ বেলায় রান্না হয়ে গেছে।

শ্রীশ হেসে বললে, এ বেলায় রান্না না হয় হোলো কিন্তু কাল থেকে কি হবে হে ?

সুমিত্রা বললে, এমন আলা আমার নয় না। সেদিন আলু সেদ্ধ করতে গিয়ে আমার হাতটা গেল বললে। রান্না করা আমার অভ্যেস নেই বাগু।

তোমাকে রান্না করতে বলছিলাম আমি।

বলচ না কিন্তু কাজে ঘটবে তাই। যেখান থেকেই হোক লোক ধ'রে আনো।

বেশ। ঠাকুর, এসো ত আমার সঙ্গে ?—ব'লে চেয়ার ছেড়ে উঠে শ্রীশ হন হন ক'রে চলে গেল।

পিছন থেকে সুমিত্রা বললে, চা খেয়ে গেলে কি দোষ হতো ?

তরুণী-সঙ্ঘ

শ্রীশের কাণে সে কথা গেল না। বোঝা গেল এ তার রাগ।
এ রাগ তারই ওপর, একথা বুঝতে সুমিত্রার এক মুহূর্ত্ত লাগল না।
কিন্তু কী বা করা যায়, রাখা করা তার অভ্যাস নেই। চায়ের
পেরালাটা ভুলে নিয়ে সুমিত্রা অল্প অল্প চুমুক দিতে লাগল। এমন
রাগারাগি আজ নতুন নয়।

সূর্য্য গেল অস্তে। লাল আভাটুকু ধীরে ধীরে গেল মিলিয়ে।
শুরুপক্ষের চাঁদ দেখা দিল। আজ তরুণী-সঙ্ঘে একবার যাবার
কথা ছিল, অনিবার ডাক। একটা জরুরী সভার আয়োজন
হয়েছে। কিন্তু আকাশের দিকে একান্ত দৃষ্টিতে চেয়ে সুমিত্রা নীরবে
বসে রইল। এই চক্র তাদের জীবনের একটি প্রধান সাক্ষী।
চার বছর আগে থেকে আজ পর্যন্ত তাদের পরম্পরের জীবনের
প্রগতিকে যে অবিরত লক্ষ্য করে এসেছে সে ওই চক্র। বাস্তবিক,
ছেলেমানুষী করেছে তারা অনেক। কত কল্পনা, কত স্বপ্নজাল,
কত রঙীন আশা সৃষ্টি করেছিল তারা দুজনে। সুখময় দিন
সেগুলি সন্দেহ নেই। মাঠে, নদীর ধারে, রেলপথে, দেশ-দেশান্তরে
তাদের একত্র ভ্রমণের বিচিত্র কাহিনী স্মরণ করলে এখনো আনন্দে
প্রাণ দুলাতে থাকে। সেদিন ভালোবাসাটাই ছিল বড়। পরিণতির
চিন্তাটা ছিল মনের অগোচরে। বোঝা যায় না কোন্টা সত্য—
আজকের এই অভাব অভিযোগের কলহময় সংসার, না সেদিনের
দায়িত্বজ্ঞানহীন অবিশ্রান্ত আনন্দোচ্ছলতা।

তরুণী-সঙ্ঘ

খানিক রাতে শ্রীশ ফিরে এলো। রান্নার লোক পাওয়া গেল না। দু একজন যা জুটলো তাদের দাবি মেটানো এই ক্ষুদ্র পরিবারের পক্ষে সম্ভব নয়। এদিকে ঠাকুর রাত আটটা নাগাৎ বিদায় নিলে।

ইতিমধ্যেই সুমিত্রার মনটা নরম হয়ে এসেছিল। পিছন থেকে এসে শ্রীশের পিঠের উপর একখানা হাত রেখে সে দাঁড়াল। মৃদু হেসে বললে, কী রাগ তোমার, চাঁ পর্যন্ত তখন খাওয়া হোলো না। এখন রাগ পড়েছে ত ?

শ্রীশ বললে, না পড়লে চলবে কেন বলো। রান্নার জন্তে কি আর ভয় করি, আমি নিজেই রান্নাধন সুমিত্রা।

তুমি রান্নাধন? তা ভালো। কিন্তু আজকে যদি বিটাও চলে যায়, রান্নাধন করবে কে ? ঘরের কাজকর্মই বা কে করবে ?

ভারি কাজ। কেন, তুমি যদি না পারো আমিই করব ?

সুমিত্রা এবার না হেসে পারলে না। বললে, তুমি এসব করলে আমাকে টাকা রোজগার করতে বেরতে হয়। রাজি আছো ত ? হয়েছে এখন, খুব বাহাদুর, দয়া ক'রে এবার থাকে চলো।

শ্রীশ গম্ভীর হয়ে বললে, আজকের খাবারগুলো রেখে দিলে কেমন হয় ? ধরো কাল সকালে যদি রান্নাবান্না না হয়ে ওঠে ?

সুমিত্রা উচ্চকণ্ঠে হেসে উঠল, তারপর শ্রীশের গলা জড়িয়ে

তরুণী-সঙ্ঘ

চুষন ক'রে বললে, তোমার একটুও বুদ্ধি-শুদ্ধি নেই। আমিই
রাঁধব গো, আমিই রাঁধব। রাঁধতে রাঁধতেই রান্না শিখে
নেবো।

বাঁচলুম। ব'লে হেসে শ্রীশ উঠে দাঁড়াল। একটা ভয়ানক
সমস্তার-হাত থেকে সে ধেন মুক্তি পেয়ে গেছে।

আহারাদির পর রাতে তারা বারান্দার এসে বসল। বহু
নিভৃত রাতেই এমনি ক'রে তারা মুখোমুখি গল্প করেছে। কিন্তু
আজ যেটুকু পরিবর্তন তাদের হয়েছে সেটুকু কারো চোখে এড়ায়
না। বলা বাহুল্য, সেদিন বাধা ছিল অনেক; ভয়, বিধা, লোক-
লাঞ্ছনা, নানা বিক্রম ও বিপত্তি। তাই কণিক মিলনেও ছিল
গভীর আনন্দ; পরস্পরের সান্নিধ্য-লাভের উৎকর্ষায় তাদের প্রহর
গুণে দিন কাটত। আজ সেই নেশাটা আর নেই। মন এখন
নিশ্চিত হয়েছে, পাওয়ার বস্তু পাওয়া হয়ে গেছে।

সুমিত্রা বললে, ঘুম পায়নি তোমার ?

শ্রীশ বললে, আজ না হয় জেগেই রাতটা কাটিয়ে দিই। ঘুম
ত আছেই।

বেশ কথা। তবে কি বসে বসে যোগ-সাধনা করবে; তোমার
সখ দেখলে গা জ্বলে যায়।

শ্রীশ বললে, ঘুমটাই কি তোমার বড় হোলো সুমিত্রা ? আর
এই ব'সে থাকটা কি কিছুই নয় ?

তরুণী-সভ্য

সুমিত্রা বললে, বসে বসে ভালোবাসার কথা শুনতে হবে ত ?

শ্রীশ অবাক হয়ে তার দিকে চেয়ে রইল। তারপর নিশ্বাস ফেলে বললে, শোনালে কি তুমি রাগ করবে ?

রাগ নাই করলুম কিন্তু আর্ধেক রাতে সেই পুরনো কথাগুলো আওড়াতে তোমারই কি ভালো লাগবে ? অবস্থার গুণে অনেক কথার রঙই ফিকে হয়ে আসে।

হৃদনেই চুপ করে রইল। তাদের পূর্বকার অবিশ্রান্ত আলাপে কোথায় যেন একটি গভীর শ্রান্তি এসেছে। আর যেন সহজে কথা খুঁজে পাওয়া যায় না।

কিয়ৎকাল পরে সুমিত্রা বললে, কাল বেরোবার আগে কিছু টাকা রেখে ঘেঘো, পাওনাদারদের সব টাকা এখনো শোধ হয়নি। তাদের হিসেব শুনলে আমার বাপু মাথা ধারাপ হয়ে যায়।

এ কথাটা শ্রীশের মনেই ছিল না। পাওনাদার শুনলেই তার মন চমকে ওঠে। বৃহৎ পরিবার ও আত্মীয় পরিজনের ভিতরে সে মুহূষ, এবং সে পরিবার একায়বর্তী—সংসারের খুঁটি-নাটি, দেনা-পাওনা, চাল-ডালের হিসেব, এ সম্বন্ধে তার বিন্দুমাত্রও অভিজ্ঞতা নেই। মনে হোলো সে যেন একটা ভয়ানক গোলকধাঁসার মধ্যে পড়ে গেছে, কে যেন শক্ত দড়ি দিয়ে তাকে পিঠমোড়া করে বাঁধতে উচ্ছত হয়েছে, তার আর পালাবার পথ নেই।

তরুণী-সভা

স্বমোলে নাকি ? সাড়া দিচ্ছ না যে ?

শ্রীশ করুণ কণ্ঠে বললে, কত টাকা দিতে হবে ?

তা আমি জানুব কেমন ক'রে ? তারা এসে হিসেব দেবে।

তুমি হিসেব রাখোনি সুমিত্রা ?

হিসেব ত তারা রাখতে বলেনি। তারা কেবল টাকাই চায়।

শ্রীশ সবিস্ময়ে তার দিকে চেয়ে বললে, কিসের বদলে টাকা চায় সেটা জানতে হবে না ?

তা বটে, এ কথাটা সুমিত্রার মনে নেই। কিছুই সে ভাবতে পারছে না, কে' কি সববরাহ করেছে তার কিছুই খেয়াল নেই, কোন্টার কি দাম সে জানেই না, ক'জন পাওনাদার—সে হিসেবও তার করা নেই। ভয়ানক সমস্যায় তার মাথার ভিতরে সব গোলমাল হয়ে যেতে লাগল। ব্যস্ত হয়ে সে বললে, তুমি বাপু সামনে দাঁড়িয়ে সব দেনা মিটিয়ে দিয়ে যোগো। এই গোলমালে যে আমাদের পড়তে হবে এ আমি স্বপ্নেও জানতুম না।

কিন্তু টাকা পাবো কোথা ?—শ্রীশ বললে।

কেন, তোমার টাকা নেই ?

ছিল ত, কিন্তু সে টাকা যে সেই মাদ্রাজীটা কিনতে কুরিয়ে গেছে ! তখন ত কই পাওনাদারের কথা বলোনি।

চোখ কপালে তুলে সুমিত্রা বললে, তাহলে কি করবে ? অপমান করবে যে তারা !

তরুণী-সজ্জা

কিছুক্ষণ চিন্তা করে শ্রীশ বললে, কাল বাবার কাছ থেকে টাকা আনব।

সুমিত্রা বললে, বামুনের ছেলে হয়ে শূদ্রের মেয়েকে বিয়ে করেছ, জাত গেছে, তিনি এখন টাকা দেবেন কেন?

তা বটে। এ কথাটা শ্রীশের মনে ছিল না। ভয়ে তার চোখ দুটো বুজে এলো। সমুদ্রের ভিতরে সে যেন তলিয়ে যাচ্ছে। বাড়ী ভাড়া, দুধের কর্দ, মুদির হিসেব, কয়লাওলা, খোবা—সবগুলো যেন কালো কালো দৈত্যের মতো তার মাথার ভিতরে লাফালাফি করতে লাগল। কে যেন তার টুঁটি টিপে ধরেছে। আশ্চর্য্য, বিয়ের আগের দিন পর্য্যন্ত এই সমস্তগুলো তাদের পরম্পরের বিবেচনার মধ্যে প্রবেশ করেনি। মিলিত জীবনের সুখ কল্পনাটাই তাদের ছিল, কিন্তু তার স্থূল বাস্তব দিকটা নৃষ্টি এড়িয়ে গেছে। আজ সবাই যেন ভীষণ একটা ষড়যন্ত্র করে হিংস্র নখর প্রসারিত করে তাদের দিকে এগিয়ে আসছে। তার কাছে একটি আংটিও নেই, সুমিত্রার গায়ে নেই একটি অলঙ্কার। যা কিছু ছিল, অসবর্ণ বিবাহের মহান্ আদর্শ অনুসরণ করতে গিয়ে খরচ হয়ে গেছে। আদর্শের পিছনে ছোট্টার এই কি পরিণাম?

তরুণী-সজঘ

সুমিত্রার হাতের রান্না আজ প্রথম খেলে। হাঁ, রান্না বটে। পরম স্বস্তি ও পরমতর তৃপ্তিতে তরুণী একে একে গলাধঃকরণ করে এক সময় শ্রীশ উঠে গেল। অতঃপর সে তরুণীকে আর তার দেখা পাওয়া গেল না।

আধঘণ্টা পরে সুমিত্রা চীৎকার করতে করতে ছুটে এল। ভাত-মাখানো হাত, মুখে তরকারির দাগ, চোখে দুটো রাঙা। শ্রীশ ঘরের ভিতরে কাঁঠ হয়ে বসেছিল। তাকে দেখেই তীব্রকণ্ঠে সুমিত্রা বলতে লাগল, এমন ঠাট্টা আমার সঙ্গে? একটিও কথা বললে না, মুখ বুজে ধেরে এলে? এর নাম কি রান্না? ছাই, একেবারে পাঁচন! হুন নেই, হলুদের গন্ধ—ডালের মধ্যে ধনেবাটা তুমিই ত দিতে বলেছিলে... থু, থু, ওয়াক্...

ছুটে সে বসি করতে করতে বেরিয়ে গেল। একেবারে তোল-পাড় কাণ্ড। চোরের মতো শ্রীশ দরজার কাছে এসে দাঁড়াল। চৌকিয়ে, হাত পা ছুড়ে, কেঁদে, কটুক্তি করে সুমিত্রা একেবারে হাট বাধিয়ে বসল।

অতঃপর সেদিন থেকে দোকানের ধাবার এনে মুখা নিবৃত্ত করবার ব্যবস্থা হোলো।

কিন্তু এমন করলে সংসার চলে না। কোথায় যেন একটা বিক্রি ছন্দপতন ঘটে যাচ্ছে। গৃহস্থালীর মধ্যে শৃঙ্খলা নেই, আর-

তরুণী-সত্ত্ব

ব্যয়ের কোনো সামঞ্জস্য নেই। একজনের চোখে আর একজন অতি অকর্ষণ্য। দুজনের মেজাজই রুল, দুজনেরই দিন দিন ধৈর্যচ্যুতি ঘটছে। বিবাহের আনন্দ দেখতে দেখতে তাদের মলিন হয়ে এল।

তুমি আমাকে জেনে-গুনে জ্বল করেছ।—ক্রোধকম্পিত কণ্ঠে সুমিত্রা একদিন অহুযোগ ক'রে বসল।

শ্রীশ বললে, তুমি কি জানতে না মেয়েমানুষের ওপরই সংসার গোছানর ভার ?

তোমার ভার যে সংসার চালানো, তুমি তার কি করেছ ? বিয়ে করার পরের বিপদটা তুমিও কি জানতে না ?

সব কিছু আমার জানার কথা নয়।

আমারো নয়। যা খুসি তুমি করোগে। আমি ইচ্ছে করেই নিজেকে এমন বিপদে ফেলেছি আমারই দোষ। বলতে বলতে সুমিত্রার গলা ধ'রে এল।

তার কায়া দেখে শ্রীশ আরো চটে গেল। বললে, বিপদ তোমার একার নয় সুমিত্রা। আমি নিজে চলতে শিখিনি, তোমাকে চালাব কেমন ক'রে ?

চলতে যে শেখেনি সে বিয়ে করে কেন ? মনে ছিল না তোমার, কত খানে কত চা'ল ?

শ্রীশের মেজাজটাও আজ ভালো ছিল না। সেও কস ক'রে

তরুণী-সঙ্ঘ

বললে, আমার ওপর দোষ চাপিয়ে তুমি পাশ কাটিয়ো না সুমিত্রা।
তুমি আজকাল যে রকম কথা বলতে আরম্ভ করেছ এ কেবল
মেয়েমানুষের পক্ষেই সম্ভব।

সুমিত্রা কিয়ৎক্ষণ চুপ ক'রে রইল। তারপর বললে, তোমার
ধমকটাও নূতন, এমন আমি আশা করিনি। এখন বুঝতে পাচ্ছি
দূরের মাঠ দেখতেই ভালো, তার ওপর দিয়ে চলতে গেলে অনেক
খানা খোন্দল।

আমারো সেই কথা মনে হচ্ছে। চোখে ছিল রঙীন চশমা,
সেটা গেছে ধসে। এখন ভাবছি ভালোবাসার মরণ ঘটে বিয়ে
হ'লে। বিয়ের পর যেটা থাকে সেটা প্রেম নয়, তার নিষ্ঠুর
প্রতিক্রিয়া। বুঝতে পাচ্ছি ঠোকাঠুকি তোমার সঙ্গে চিরদিনই
চলবে।

রাগে গস গস ক'রে সুমিত্রা বললে, আমার ক্রটি যদি থাকে,
তোমার গলদও কম নেই মনে রেখো!

শ্রীশ কুককর্থে বললে, আছেই ত। এটা আগে চোখে পড়েনি
যে, আমাদের মধ্যে ফাঁকি ছিল অনেক, অনেক ক্রটি আর
ভুল—জীবনের রূঢ় বাস্তবতার দিকটা আমাদের দুই এড়িয়ে
গিয়েছিল, কেবল স্বপ্ন গেঁথেছিলুম শূন্যে, তাই এত বড় ভুল
ঘটল। তুমি দেখে নিয়ো সুমিত্রা, আমরা কোনোদিন শান্তি
পাবোনা।

তরুণী-সভা

সুমিত্রা মুখ ফিরিয়ে ব'সে রইল। অত দর্শনতত্ত্ব তার সব সময় ভালো লাগে না।

এমন সময় নিচে মেয়েদের গলার আওয়াজ শোনা গেল। অগ্নিমা আর মৈত্রেয়ী হাসতে হাসতে উপরে উঠছে। স্বামী স্ত্রী মিলে তাদের অভ্যর্থনা করতে এগিয়ে গেল।

*

* *

ভবেশের কাছে তরুণী-সজ্জের চাঁদা আদায় করতে শিবানীর দেরি হয়নি। সেদিন সকালবেলা শিবানী তাকে সঙ্গে ক'রে এনে মেয়েদের সঙ্গে পরিচয় করিয়ে দিলে। চাঁদার পরিমাণ দেখে সবাই খুসি। যাবার সময় সে শিবানীকে তুলে নিলে মোটরে। তাকে বাড়ী পৌঁছে দিয়ে এল।

বেলা দুটোর সময় আবার ভবেশ মোটর নিয়ে এসে হাজির। হর্গ বাজাতেই ছেলেমেয়েরা ছুটে এল। এবার সে সাহেব সঙ্গে এসেছে। বললে, কে কে আমার সঙ্গে বেড়াতে যাবে, হাত তোলো।

ছেলেমেয়েরা সবাই হাত তুললে, এবং আর অনুমতির অপেক্ষা না রেখেই সকলে গাড়িতে চড়ে বসল। ভবেশ বলে গেল, ঘণ্টা দুই বাবে আবার এদের ফিরিয়ে দিয়ে যাব বৌদি।

তাই হোলো, বেলা চারটে নাগাৎ আবার সবাই কিরে এল। কত ফুল, খেলনা, ছেলে-ভোলানা মোটর, জাপানী কাপড়, চকোলেট আর শিশুপাঠ্য বই তারা আনলে হাতে ক'রে। এবার শিবানীর পালা, কাপড় চোপড় প'রে সে প্রস্তুত হয়েই ছিল, ভবেশ তাকে তরুণী-সজ্জ পৌঁছে দিয়ে চ'লে যাবে।

তরুণী-সজ্জ

ভবেশ বললে, তুমি চলো বৌদি ।

বৌদি বললেন, উনি যে বাড়ী নেই, ছেলেমেয়েদের একলা রেখে... আর গেলেই হোলো ত, বেশ ক'রে একদিন আমাকে ভাই বেড়িয়ে এনো । শিবু, রাত হয় না যেন ফিরতে ।

ভবেশ নিজেই ড্রাইভ্ করবে । শিবানী বসল পাশে । ইতিমধ্যে তার লজ্জাটুকু গেছে ভেঙে, বেশ সহজ হয়েই সে বসল ।

গাড়ী ছুটতে লাগল । বেপরোয়া, বেসামাল । গতি তার ভয়ানক দ্রুত । ভয় নেই, কেউ চাপা পড়বে গ্রাহ নেই, কোথায় চলেছে লক্ষ্য নেই । শিবানীর মাথার চুল বাতাসে বিস্তৃত হয়ে গেল, বিপদের আশঙ্কায় সর্বশরীর ক্ষণে ক্ষণে রোমাঞ্চ হতে লাগল, দ্রুতগতির একটা অস্বাভাবিক নেশায় চোখ দুটো তার অল্পকালের মধ্যেই ভারাক্রান্ত হয়ে উঠল । এই মোটরের দুর্দান্ত গতির মতোই এই লোকটার জীবন দুরন্ত । দুর্কোথা এর চরিত্র, রহস্যময় এর গতিবিধি ।

শিবানী ?

গলা পরিষ্কার ক'রে শিবানী বললে, উ ?

কেমন লাগছে ?

বেশ ।

এখনই তোমাকে সজ্জ পৌছে দেবো, না একটু বেড়িয়ে নেবে ?

—ভবেশ বললে ।

তরুণী-সভ্য

শিবানী বললে, বেড়িয়ে যেতে পারি। কিন্তু একটু আশু.
চালান্ ভবেশবাবু, বিপদ ঘটতে পারে।

আশু আমি চালাতে পারিনে শিবানী।

আবার কিয়ৎক্ষণ চুপচাপ। হেলে-তলে বেকে মোটরখানা
বিদ্যৎগতিতে ছুটে চলেছে। বুঝি বা কোন্ সর্বনাশা মুহুর্তে
একটা বিপদ ঘ'টে বসে।

ভবেশ আবার ডাকলে, শিবানী ?

কি বলচেন ?

তোমাকে আমি কাঁধে নিয়ে ঘুরতুম, তুমি তখন এতটুকু।
মনে নেই ত ?

শিবানী বললে, না।

আমাকে মনে ছিল ?

একটু একটু ছিল।

ভবেশ বললে, আমিও তোমাকে নতুন ক'রে দেখতে চাই
শিবানী। এমন মেয়ে তুমি, বিয়ে ক'রে নষ্ট হয়ে যাযে ? বিদ্রোহ
করবে না ? স্বাধীন বুদ্ধি নেই, স্বাধীন মন ?

শিবানী দ্বিধাজড়িত কণ্ঠে বললে, কি করব ব'লে মন ?

বলতে হবে না, নিজেই খুঁজে নাও। মাথা উচু ক'রে দাঁড়াও,
প্রতিবাদ করো। নতুন পথ কাটো।

লোকটার ধারণা তীক্ষ্ণ কথার যন্ত্রণায় শিবানীর চোখ বুজে

তরুণী-সভা

এল। মনে হোলো, এ লোকটা তাঁরের কলা দিয়ে তার বুকের ভিতর খুঁচিয়ে নিদ্রিত রক্তকে জাগিয়ে তুলছে। সে যেন কি বলতে গিয়ে থেমে গেল।

বড় একটা রাস্তার উপর একটা হোটেলের সন্মুখে এসে মোটরখানা ঝাঁকানি দিয়ে থামল। দুজনে নামতেই চাপরাশি সেলাম ঠুকে স'রে দাঁড়াল। পিছনে পিছনে ভিতরে ঢুকে শিবানী দেখলে, জন চারেক ফিরিঙ্গী ও মেম হোটেলের একদিকে বিলিয়ার্ডস্ খেলছে। চারিদিকে কাঁচের আসবাব, সুন্দর রঙীন পানীয়, বিচিত্র আহার-সামগ্রী সুসজ্জিত, সম্ভ্রান্ত ঘরের স্ত্রী-পুরুষেরা এক একথানা টেবল্ নিয়ে বসে থানা খেতে খেতে বিশ্রান্তলাপ করছে—বর্ণের ঔজ্জ্বল্য, পোষাক পরিচ্ছদের আড়ম্বর—সমস্ত মিলে শিবানীকে বিহ্বল ক'রে তুললে। হঠাৎ একটা নতুন পৃথিবী যেন তার চোখের সন্মুখে উঠে দাঁড়াল।

ভবেশ তার হাত ধ'রে একটা পার্টিশনের মধ্যে চেয়ার টেনে বসালে। নিজেও বসলে। বয় এসে একথানা 'মেহু' দিয়ে গেল। ভবেশ বললে, কি খাবে বল ?

খাবার কথা শিবানী ভুলেই গেছে। এমন একটা বিষয়কর জায়গায় কি মানুষ খেতে আসে ? সে বললে, কিছু খাবো না আমি ভবেশবাবু।

তাই কি হয় ? আচ্ছা, আমিই অর্ডার দিচ্ছি।

তরুণী-সভা

অর্ডার মতো খাবার এল, পানীয় এল, পানাহার সবক্কে ভবেশের বাদবিচার নেই। আহাৰাদি ক'রে দাম চুকিয়ে বকশিস্ দিয়ে আবার তারা বাইরে এসে মোটরে উঠল।

পথ এবার বেশী দূর নয়, একটা সিনেমার কাছে গাড়ী এসে দাঁড়াল। শিবানীর আর কোনো ব্যক্তিস্বাতন্ত্র্য নেই, নিষেধ নেই, অনিচ্ছা প্রকাশের কোনো সুযোগ এবং তাগিদ নেই, সে যেন নিজেকে হারিয়ে ফেলেছে।

ফাষ্ট ক্লাসের টিকিট কিনে দুজনে ভিতরে ঢুকল। ছবি দেখানো শুরু হয়েছে। নিজের জায়গায় এসে তারা বসল। ভবেশের গ্রাহও নেই, হুঁসও নেই—এ যেন তার খেলা, এই বেপরোয়া খেলায় সে চিরকাল অভ্যস্ত।

ছবি শিবানী আরো কয়েকবার দেখেছে কিন্তু এমন ক'রে সে আর কোনোদিন দেখেনি। এর ঘটনা, চরিত্র, তত্ত্ব, রস—সমস্তটা যেন তার রক্তের সঙ্গে মিশে যেতে লাগল, পাথরের মতো নিশ্চল আর নিঃশব্দে সে ভবেশের একখানা হাত ডেপে বসে রইল। তরঙ্গে তরঙ্গে সে যেন ভাসছে।

রাত নটা আন্দাজ সে বাড়ী ফিরলে। ভবেশ দরজা পর্যন্ত এল কিন্তু ভিতরে আর ঢুকল না, সময় নেই, তাকে আবার কোন্ এক পাটিতে গিয়ে মিলতে হবে। শিবানীর হাতের উপর একটি চুষন দিয়ে শুভরাত্রি জানিয়ে মোটর নিয়ে চ'লে গেল।

তরুণী-সঙ্ঘ

ভিতরে গিয়ে দিকিকে খবর দিয়ে শিবানী উপরে উঠে এল। মাথাটা তখনো তার ঝিম ঝিম করছে। যেন ছুরকু ঝড় বয়ে গেছে। বিছানায় গিয়ে সে শুয়ে পড়ল, মনের পুঁজি তার সমস্ত খরচ হয়ে গেছে। উৎসাহ নেই, উত্তেজনা নেই—শক্তিহীন অবসাদে শ্রান্ত ও ক্লান্ত। বিছানায় সে এলিয়ে পড়ল। সে যেন যুদ্ধ ক'রে ফিরেছে।

রাত্রে সে ঘুমোতে চেষ্টা করলে, কিন্তু চোখ বুজতে পারল না। সমস্ত শহরটা—হোটেল, সিনেমা, মোটরের পথ, আলো, বিগত কয়ঘণ্টার এই উচ্ছৃঙ্খল জীবন—সমস্তটা যেন তালগোল পাকিয়ে তার মাথার ভিতরে মাতামাতি ক'রে চলেছে। পরিশেষে তার হাতের উপরে লোকটার বিষাক্ত চুষন—বাধা দেবার সামর্থ্য ছিল না, সাহস ছিল না—হাতের উপরটা এখনো জ্বালা করছে। গত দিনের সঙ্গে আজকের দিনের কী প্রভেদ! আজ তার স্বভাবটা পর্য্যন্ত যেন বদলে গেছে, নিজেকে আর চেনবার উপায় নেই, প্রকাণ্ড একটা ধাক্কায় তার প্রাণীর চুরমার হয়ে গেল, বাইরের ঝড় যেন ভিতরে ঢুকে তাকে বিপর্য্যস্ত, বিশৃঙ্খল আর ছয়ছাড়া ক'রে দিলে! গতদিনের শিবানী যেন সাগর তরঙ্গে ভেসে গেছে!

তিন চারদিন আর বিরাম রইল না। ধীরে সূস্থে ভাববার আর অবকাশ নেই, দিদি আর জামাইবাবুর অসুস্থতা নেবার সময়

ভরসী-সত্ত্ব

নেই—শিবানীকে ছুটে চলে আসতে হয়। ভরসী-সত্ত্বের কাজ পড়ে রইল, অণিমার দল তাকে ডাকাডাকি করে ব্যর্থ হোলো, কেউ করে গেল বিক্রম, কেউ কটুফ্রি—কিন্তু শিবানীর সময় নেই। একটা ভয়ানক নেশার সে আত্মহারা। শুধু কেবল সেই নয়, ভবেশের চারিদিকে গ্রহ-উপগ্রহের সংখ্যাও অনেক। আজ-কাল তার এদিকের বন্ধু বাফ্রী ছাড়াও জেসফ্ কোম্পানীর একজন ফিরিন্দী যুবক ও গোটা দুই এ্যাংল ইণ্ডিয়ান মেয়ে-টাইপিষ্ট জুটেছে। তাদের হাঁটতে বললে ছুটে চলে। শিবানী সকলের পিছনে পিছনে থাকে।

শিবানীর জামাইবাবু অঘোরনাথ একটু ক্ষুণ্ণ হয়েছেন, এত বড় মেয়ের অবাধ স্বাধীনতা তিনি পছন্দ করেন না। সব পাত্রেরই সকল বস্তু রাখা যায় না। মুখে কিছু বললেন না, কিন্তু ছোট ভাইয়ের আঙুল থেকে তাঁর এই সুশৃঙ্খল সংসারকে সামলাবার কথা ভাবতে লাগলেন।

কিন্তু অনেক দেরি হয়ে গিয়েছিল, শিবানীর ফিরবার আর পথ নেই। ভবেশের সঙ্গে না বেরুলে তার দিন কাটতে লাগে মা। পথ, জনসমারোহ, মোটরের ক্রতগতি, উগ্র আনন্দ, উজ্জ্বল জীবন স্রোত—এদের প্রতি তার ভয়ানক মোহ ধরেছে। এই লোকটার প্রচণ্ড আকর্ষণ সোণার হরিণের মতো তাকে টেনে নিয়ে যায়। এই স্বপ্নপুরুষকে দেখলে তার ভয় করে, গা কাঁপে, চোখে অন্ধকার

তরঙ্গী-সঙ্গ

নেমে আসে কিন্তু ছাড়াবার উপায় নেই, পালাবার পথ নেই।
নদীর উদ্ভাসে স্নেহে সে ভেসেছে, ভেসে যাওয়া ভিন্ন পরিভাষা নেই।
নিজের অসহায় অবস্থাটা উপলব্ধি করে চলন্ত মোটরে বসে পিছন
দিকে তার মাথাটা হেলে পড়ে।

শিবানী ?

শিবানী মুখ কুললে। গিয়ার-ছইল্টা ঘুরিয়ে ভবেশ হেসে বললে,
মাদা বোদি—ওঁরা রাগ করেছেন, না ?

হঁ।

এ অতি সত্য কথা শিবানী, ওদের দোষ নেই। আমার এ
হৃদ্যন্ত জীবন, এ ওদের সহিবে কেন ?

শিবানী চুপ করে ভবেশের মুখের দিকে তাকালে।

কিন্তু আমি তোমারই আশা করি শিবানী !

কি আশা করেন বলুন ?

আশা করি, তুমি বড় হবে। মানুষ হয়েও তুমি মানুষকে
ছাড়িয়ে যাবে।

শিবানী একপ্রকার হাসি হাসলে, যার রহস্য ভবেশের বোধগম্য
হোলো না। গাড়ী ছুটে লাগল। এত তার দ্রুত গতি, কিন্তু
শিবানী আর ভয় পায় না। আবেশে তার চোখ বুজে আসে।

সেদিনও একটা হোটেলে গিয়ে দুজনে ডিনার খেতে বসল।
রাত সাড়ে আটটা বেজে গেছে। ভিতরে মহাসমারোহে তখন

তরুণী-সত্ত্ব

জাজ মিউজিক শুরু হয়েছে। বিলোল বিশ্বস্ত আনন্দ, চারিদিকে প্রথর আলো, কাঁচের গ্লাসের আওয়াজ, পোবাক পরিচ্ছদের চমকপ্রদ পারিপাট্য, টাকার বনবনানি, সোডার বোতলের শব্দ, কলহাস্ত, ইসারা ও ইঙ্গিত—এবং তাদেরই মাঝখানে জোড়া জোড়া স্ত্রী-পুরুষের বলনাচ। নাচের তালে তালে বাজনা বাজছে। মাহুষের নিদ্রিত, গুপ্ত যৌবন-লালসাকে উন্মত্ত নেশায় খুঁচিয়ে জাগানই তাদের কাজ। শিবানীর গলা জড়িয়ে ভবেশ তাকে কয়েকটা নিবিড় চুম্বনে প্রাণিত ক'রে দিলে। শিবানীর চোখ বন্ধ হয়ে এল।

তারপর দিন-চারেক আর ভবেশের দেখা নাই। একবার দূরে গেলে তাকে ফিরে পাওয়া বড় কঠিন। শিবানী বাড়ীর মধ্যে পায়চারি ক'রে বেড়াতে লাগল। সমস্ত দিনমানের অশান্তি, সমস্ত দীর্ঘ রজনীর অস্বস্তি। সংসারের কাজ তার ভালো লাগেনা, পরম আশায় উদ্গ্রীব হয়ে সে প্রহরের পর প্রহর গুণতে লাগল।

বাধিনী স্বাদ পেয়েছে রক্তের। - তার ব্যাকুল ছুটে, চক্ষু বিশাল রাজধানীর লোককোলাহলের আনাচে কানাচে ভবেশকে খুঁজে বেড়াতে লাগল হায়রাণ হয়ে। চঞ্চল রক্তে ধরেছে আশ্বনের নেশা, অপরিণামদর্শী উচ্চ আশা শিরায় শিরায় রঙীন মদের মতো প্রবাহিত

তরুণী-সজ্জ

হচ্ছে, বিহ্বল ক'রে তুলছে তাকে। কিন্তু এই লোকটা, এই দারিদ্র্যজ্ঞানহীন ভবেশ, তাকে তার শাস্ত আশ্রয় থেকে শ্রোনপক্ষীর মতো ছোঁ মেয়ে তুলে নিয়ে উড়ে বেড়াচ্ছে, মারবে কি রাখবে তার ঠিকানা নেই।

কী যন্ত্রণাময় প্রতীক্ষা! মুহূর্তের পর আর মুহূর্ত কাটতে চায় না। সমগ্র পৃথিবী রুদ্ধ নিশ্বাসে তার পথের দিকে চেয়ে রয়েছে। এ শিবানীর কি হোলো? অন্তরে বিপ্লব উঠল মেতে, সামলাবে কেমন ক'রে? পারিবারিক জীবনের ছন্দকে ডিঙিয়ে যে-জগতে সে লাফিয়ে পড়েছে, এখান থেকে ফিরবার ত আর পথ নেই। সে ত বেশ ছিল! সুন্দর শাস্ত জীবন, ভবিষ্যৎ জীবনের সুখকল্পনা, তরুণী-সজ্জের কাজ, অবসর সময়ে লঘু সাহিত্য পড়ার আনন্দ, সকলের মেহের পাত্রী হয়ে থেকে গৌরব গর্ব—এমন কাম্য জীবন তার হারালো কেমন ক'রে? ক্ষণমাত্র খেলার পর যার যাবার সময় হয়, সেই ক্ষণিকের অতিথিকে সে আগে চিন্তে পারে নি কেন?

বাড়ীর মধ্যে একটা অত্যন্ত বিকক হাওয়া বিক্কু হয়ে উঠেছিল, এ-বাড়ীতে ভবেশের আর স্থান নেই। সে মানুষের সমাজের অনভিপ্রেত ধাতু দিয়ে গড়া, সে অসহনীয়। তাকে নিয়ে গল্প করা চলে, ঘর করা চলেনা। আপন বাসস্থানে আশুন লাগানোই তার কাজ। সেজন্য জীবনে তার আশ্রয় জোটেনি, বন্ধনহীনতাই তার স্বভাব ধর্ম।

তরুণী-সত্ত্ব

কিন্তু হোক সে অভিশপ্ত, পরিণামচিন্তাহীন, তবু তার অভ্যাসে শিবানীর চলবে না। যে উজ্জ্বল জীবনের সম্ভাবনার কথা সে শুনেছে, তার একটা সুস্পষ্ট নির্দেশ ও লোকটার নিকট থেকে বুঝে নিতে হবে। ওর ছায়া, ওর আশ্রয়, ওর প্রভাব আর পরিবেশ— এদের অবহেলায় ত্যাগ ক'রে শিবানী পথের কাঙাল হতে চায় না। ওর কাছে আছে শিবানীর উন্নতির গোপন তত্ত্ব।

বাড়ীর একটা শাসন তার উপরে উত্তত হয়ে ছিল, বিনা অনুমতিতে পথে যাওয়া আর চলবে না। তবু একদিন শিবানী বেরিয়ে পড়ল, শাসন সে মানবে না। পিছনের সমাজের বন্ধন, ছিঁড়ে তাকে বিদ্রোহ ক'রে বড় হতে হবে, আত্মোপলব্ধি ক'রে হবে আত্মপ্রকাশ। বড় রাস্তাটা ধরে চলতে লাগল সে দ্রুতপদে। বেলা দ্বিতীয় প্রহর উত্তীর্ণ। হাঁটা পথ সে বেশি জানে না, মোটরের পথটা তার মনে আছে। সাহস ক'রে একখানা ট্যাক্সি ডেকে চ'ড়ে বসল। কাপড়ের তলা থেকে জামাইবাবুর মণিব্যাগটা বের ক'রে দেখলে, অনায়াসে সে গোটা কতক টাকা এখনই খরচ করতে পারে। খরচে তার বড় আনন্দ।

ধর্মতলা ও চৌরঙ্গীর মোড়ে নেমে সে গাড়ি ভাড়া চুকিয়ে দিলে। চলতে লাগল বাঁ হাতি। শত সহস্র লোক চক্কর দৃষ্টি তার দিকে। আবার ফিরল বাঁ হাতি। ভয় আর সঙ্কোচ ছিল মনে, কিন্তু তার পাশেই ছিল উল্লাস। এমন একাকিনী আর

তরুণী-সঙ্ঘ

কোনোদিন নিজের সঙ্গে তার পরিচয় ঘটেনি। কত রাস্তা, দোকান, হোটেল ও সিনেমা সে ঘুরে বেড়াতে লাগল। মুখ রাঙা, চকিত চোখ, সর্ব্বাঙ্গ বস্মাক্ত—এবার সে চারিদিকে চেয়ে ভীত হয়ে উঠল। এই জনারণ্য ও অট্টালিকার জটলা, এদিকে কোথায় সে খুঁজে পাবে তার নিষ্ঠুর পলাতককে? পা দুটো ক্লান্ত হোলো, ফুরোলো উৎসাহ—এবার ত তাকে বাড়ী ফিরে যেতে হবে! কিন্তু এই মণিব্যাগ না ব'লে আনার কৈফিয়ৎ কি? অন্তঃপুরের মেয়ে সে, ভদ্রকণ্ঠা—কি বলবে সে জামাইবাবুকে? পা তার কাঁপতে লাগল।

হ্যালো শিবানী?

শিবানী মুখ ফিরিয়ে উন্মাদিনীর মতো ভবেশের হাত চেপে ধরল। মুখ থেকে তার একটা শব্দ বেরিয়ে গেল।

এখানে দাঁড়িয়ে? এসো, এই আমার হোটেল।

শিবানী রুদ্ধ কণ্ঠে বললে, কত খুঁজছি আপনাকে। আপনি—আপনি ছিলেন কোথায়?

ভবেশ তার হাত ধরে একটা বাঁকুনি দিয়ে হেসে বললে, ওপরে চলো।

তার পিছনে পিছনে একটি পরমাসুন্দরী ইংরাজ যুবতী হাসতে হাসতে এসে দাঁড়াল। শিবানী দেখলে তাকে, সে লক্ষ্য করলে শিবানীকে। ভবেশ তাদের মধ্যে পরিচয় করিয়ে দিলে।

তরুণী-সভা

দিনকনে লিক্‌টে চ'ড়ে উঠল স্তোত্রাঙ্গার। ঘরে চুকে বুবতীটি
হেসে শিবানীকে একটা চেয়ারে বসালে এবং ইংরেজিতে বললে,
দুই লোকটি তোমার বন্ধু বুঝি ?

শিবানী লজ্জার মাথা হেঁট করলে।

মেয়েটি আবার হেসে বললে, তোমার দুর্ভাগ্য !

ভবেশ ইতিমধ্যে পাশের ঘর থেকে একটা নতুন স্ম্যুট প'রে
এল। তারপর বললে, জিনিস-পত্র একটু পরে যাবে, কি বলো
মলি ?

মলি বললে, হ্যাঁ, তাড়াতাড়ি চলো। It is getting nearly
three thirty.

ভবেশ বললে, তুমি বুঝি আমার সঙ্গে দেখা করতে এসেছিলে ?
ভালই হয়েছে।

শিবানী শুক কণ্ঠে বললে, আপনি যাচ্ছেন কোথায় ?

আমরা এখন যাবো এরোগ্রেনে কলম্বো, তারপর সিঙ্গাপুর।
সেখান থেকে—

মলি বললে, তুমি যাবে ?

শিবানী কথা বলবার সময় পেলো না। ছোট একটা ব্যাগ
হাতে নিয়ে মলির হাত ধ'রে ভবেশ আবার নীচে নেমে এল।
শিবানী এল পিছনে পিছনে।

হেসে কৌতুক ক'রে ঠেলাঠেলি ক'রে যখন ভবেশ মোটরে

তরুণী-সঙ্গ

উঠে মলির পাশে গিয়ে বলল, তখন হঠাৎ শিবানী বললে, কবে ফিরবেন, বললেন না ত ?

ভবেশ মুখ বাড়িয়ে হেসে বললে, ঠিক বলতে পারি নে। দাদা আর বৌদিকে প্রণাম দিয়ে শিবানী।

আর একটি কথাও বলবার সময় পাওয়া গেল না। মলির ইঙ্গিতে ছস ক'রে মোটরখানা ছুটে বেরিয়ে গেল।

দূরে মিলিয়ে গেল মোটরখানা ধুলোয় অম্পষ্ট হয়ে। তপোবনের হরিণীর বৃকে তীরের ফলা বিঁধে রেখে পালিয়ে গেল রাজার ছলাল। শিবানীর নড়বার শক্তি রইল না। মোটরের শব্দ, ট্রামের ঘর্ঘর আওয়াজ, পথের গোলমাল, অসংখ্য মানুষের আনাগোনা— এদেরই একান্তে দাঁড়িয়ে নিরুপায় ও সর্বস্বাস্ত মেয়েটির দুই চোখ দিয়ে টস টস ক'রে অশ্রু নেমে এল।

*
* * *

তরুণী-সজ্জ থেকে বেরিয়ে বিজয়া সোজা বাড়ী এসে পৌঁছল। স্বামী এখনো এসে পৌঁছন নি, ছেলেমেয়েরা খেলা করছে। অপরাহ্নের রোদ স্নান হয়ে এসেছে।

ঘরে ঢুকে দেখা গেল মাষ্টারমশাই বসে রয়েছেন। বিজয়া বললে, আপনি আমার চিঠি পেয়েছেন কাকাবাবু ?

মাষ্টারমশাই বললেন, হ্যাঁ মা, চাকরের হাতে। আর শুনেছ বিজয়া, মৃগালের বিয়েতে একেবারেই মত নেই ?

ও একটা পাগল কাকাবাবু, মত ওর কোনোদিনই নেই।

থাকলেই কিন্তু ভালো হতো বিজয়া, আমি ছুটি পেতাম।

বিজয়া বললে, আজ সকালেও আমার কাছে এসেছিল, আবার আসবে বলে গেছে।—এই বলে সে মাষ্টারমশায়ের কাছে এসে বসল।

যে চেহারা আমি তার দেখলাম তাতে তুমিও স্বাক হয়ে যেতে বিজয়া। মেয়েদের মনের বাঁধন পুরুষের চেয়ে অনেক কঠিন। বিয়ের কথাটা সে হেসে অস্বীকার করে দিল। আচ্ছা, মৃগালের আসল কথাটা কি বলো ত ? এখনকার শিক্ষিত মেয়েরা কি বিয়েটাকে উড়িয়ে দিতে চায় ?

ভরলী-সজব

মোটাই না কাকাবাবু।—বলে বিজয়া মাথা হেঁট করে
রইল।

শুনতে পাই বিয়ের আগেই অনেক মেয়ের সঙ্গে অনেক ছেলের
ভাব হয়, ওই তোমরা যাকে বলে ভালোবাসা, এরকম একটা
কিছু ঘটনা মৃগাল ঘটায় নি ত?—বলে মাষ্টারমশাই হাসতে
লাগলেন—মৃগালের চেহারা দেখে আমি নিজের মতামত একটু
বদলেছি বিজয়া, ও মেয়েটি শতকরা নিরেনকই জন মেয়ের মধ্যে
পড়ে না।

বিজয়া বললে, মৃগাল আমাকে সব কথা বলেছে কাকাবাবু,
কিন্তু আপনার কাছে প্রকাশ করা বড় কঠিন।

তা হোলে বোলো না মা, সব কথাই শুনতে নেই, মেয়েমানুষের
মনের কথা অতি নিকট আত্মায়ের কাছেও প্রকাশ করা
চলে না।

কিন্তু আপনার কাছে বলতেই হবে যে কাকাবাবু।

আমার কাছে? কেন মা?

বিজয়া বললে, যে কথাটা অনেকদিন মৃগাল আপনার কাছে
প্রকাশ করতে পারে নি সে আপনাকে শুনতেই হবে, এই তার
অনুরোধ, এই তার দাবি। কী অবস্থায় পড়লে যে মেয়েমানুষের
মুখ কোটে তা আপনি জানেন কাকাবাবু।

কী সে, বলো ত মা?

তরুণী-সভা

মৃগালের বিয়ে হয়ে গেছে ।

মাষ্টারমশাই সবিস্ময়ে তার দিকে তাকালেন । বললেন, ও, তাই নাকি ? বেশ, বেশ ।

কা'র সঙ্গে হয়েছে তাও আপনাকে শুনতে হবে কাকাবাবু ।

মাষ্টারমশাই বললেন, নিশ্চয় শুনব । স্বামী-স্ত্রীকে আশীর্বাদ করতে হবে যে, বনো ।

এবারে রুদ্ধ নিশ্বাসে বিজয়া বললে, আপনিই তার স্বামী, কাকাবাবু ।

নিজের দিকে আঙুল দেখিয়ে চক্ষু বিস্ফারিত ক'রে মাষ্টার-মশাই বললেন, আমি ? হাঃ হাঃ হাঃ, হাঃ হাঃ হাঃ হাঃ । মেয়েমা দেখছি সাহিত্যের খোরাক হয়ে উঠল । মাথার যে দিকটার চুল পেকেছে তার ওপর একটু কলপ দিয়ে আসি, কি বনো মা ?

বিজয়ার বুকের ভিতর টিপ টিপ করছিল, কথা বললে না । মাষ্টারমশাই বললেন, মা লক্ষ্মী, চুপ ক'রে রইলে যে ? এ রকম ছেলেমানুষী কি তোমাকে মানায় ?

আমি ছেলেমানুষী করি নি কাকাবাবু, মৃগাল মনে মনে অনেক দিন থেকে আপনাকে—

মনে, মনে, মৃগাল, আমাকে—আবার উচ্চকণ্ঠে তিনি হেসে উঠলেন, এবং হাসি থামবার সঙ্গে সঙ্গে দেখা গেল, মৃগাল নিঃশব্দে চুপে ঘরে ।

তরুণী-সজ্জ

ভিতরের হাওয়াটা যেন থম থম ক'রে উঠল। মাষ্টারমশাই প্রথমেই কথা বললেন, মৃগাল, তুমি ত একটি অদ্ভুত স্বামী নির্বাচন করেছ দেখছি! একেবারে মৌলিক আবিষ্কার! তোমাদের তরুণী-সজ্জটা কি রসচক্র? ইতিহাসের সংযুক্তাও তোমার কাছে হার মানলেন। বেশ নতুন ঘটনা, কাগজে ছাপিয়ে দেবো নাকি?—সকৌতুকে তিনি হাসতে লাগলেন।

কেউ কোনো কথা বললে না, তিনি বলতে লাগলেন, ভাগি ছোট ছেলেমেয়েরা এদিকে কেউ নেই, এমন একটা মজার গল্প শুনলে তারা—

মৃগাল নতমস্তকে বললে, আপনি হয়ত আমাকে ঘৃণা করবেন এরপর।

ঘৃণা? তোমাকে? কী আশ্চর্য্য!

বিজয়া উঠে ঘর থেকে বেরিয়ে গেল। মাষ্টারমশায় বললেন, গল্প শুনতে বেশ আমোদ লাগে, এরকম আজগুবি কল্পনা কবে তোমার মাথায় ঢুকল মৃগাল? প্রথম দর্শনেই নিশ্চয় নয়!

আপনার বিক্রম আমার লাগবে না, আমি জানি আমি কী করেছি।

মাষ্টারমশায় কিছুক্ষণ চুপ ক'রে রইলেন, তারপর বললেন, জীবনে চমকপ্রদ কল্পনাকে ঠাই দিয়ো না মৃগাল, তোমার এখনো অনেক বাকি। আজ আমার সমস্তটা মনে পড়ছে, ঠিক কথাটা

তরুণী-সভা

আগে বুঝতে পারলে তোমাকে পূর্বেই সাবধান করে দিতাম—
এরকম ছেলেমানুষী করো না মৃগাল। তোমার এই পরিহাস
আমার সঙ্গে যাবে জানি কিন্তু তুমি নিজের মাথায় এমন করে
অভিশাপ নামিয়ে এনো না। ছি ছি, তোমরা আমার নেহের
বস্তু, এমন করে আমাকে লজ্জা দিয়ো না।

মৃগাল বললে, আমি জানি আপনি এমনি করেই আমাকে
বলবেন।

এর চেয়েও বেশি করে বলব যদি দরকার হয়। আশাকরি
দরকার হবে না, তার আগেই তুমি নিজের ভুল শোধরাতে
পারবে। তুমি দুটো তিনটে পাশ করেছ, নিজের কথাও তুমি
ভাবতে শিখেছ—এ সব চিন্তাকে প্রশ্রয় দেওয়া কি ভালো মৃগাল ?
হ্যাঁ, ভালো কথা, আর কোথাও যেন একথা প্রচার না হয়,
ইতিমধ্যে ওই পাত্রটির সঙ্গে সব পাকা করে ফেলি, তুমি যেন
বাধা দিয়ো না।

মৃগাল মুহূর্তে বললে, আমাকে এমন করে অপমান
করবেন না।

অপমান ত তোমাকে করি নি !

বিয়ের চেষ্টা করা মানেই তাই, হিন্দুর মেয়েকে কি আপনি
দ্বিচারিণী হতে বলেন ? আমি কি এতই হেয় আপনার চোখে ?—
বড় বড় অশ্রু ফোঁটা এইবার মৃগালের গাল বেয়ে নেমে এল।

তরুণী-সজ্ব

মাষ্টারমশায়ের দম আটকে এসেছিল। বে-মেয়ে ছিল তাঁর কর্মময় জীবনে একান্তে, আজ সেই যেন ছুরস্ত ঝড়ের মতো প্রবল হয়ে তাঁর সামনে এসে দাঁড়াল। তিনি উঠে দাঁড়িয়ে বললেন, বিশেষ যাবার সময় তুমি এরকম ব্যবহার না করলেই ভালো করতে মুণাল।

সাক্ষনেত্রে মুণাল বললে, কবে যাবেন বিদেশে ?

কাল কিম্বা পরশু, যাবো হরিদ্বারে, অনেকদিনের জন্তে।

আমিও যাবো আপনার সঙ্গে ?

আমার সঙ্গে ? তুমি ? তার চেয়ে আত্মহত্যা করে মুণাল।—ব'লে মাষ্টারমশায় উঠে ক্রতপদে বেরিয়ে গেলেন।

নিচে বাইরের ঘরের কাছে বিজয়া দাঁড়িয়েছিল, মাষ্টার-মশায়কে বেরিয়ে আসতে দেখে সে বললে, আমি পড়েছি বিপদে কাকাবাবু, কি করি আমাকে ব'লে দিন।

কেন মা ?—মাষ্টারমশায় দাঁড়ালেন স্থির হয়ে।

একথা এতটুকু মিথ্যে নয়, আপনি ছাড়া মুণালের আর কেউ নেই। এমন মেয়ে আজকাল হয় না। আপনার জীবনের সঙ্গে ও নিজেকে একেবারে মিলিয়ে মিশিয়ে বসে রয়েছে, আপনার উপযুক্ত হয়ে ওঠাই ওর সব চেয়ে বড় সাধনা। কী ভালই ও বাসে আপনাকে।

এ আমার শাস্তি বিজয়া—ব'লে মাষ্টারমশায় দরজা দিয়ে বেরিয়ে গেলেন। সন্ধ্যা ঘনিয়ে এসেছে।

তরুণী-সঙ্ঘ

কেমন ক'রে পথ দিয়ে চললেন, কত লোকের পাশ কাটিয়ে, কত মোড় ঘুরে, কখন এসে পৌঁছলেন বাড়ীতে, ধরে ঢুকে কেমন ক'রে আলো জ্বাললেন—এসব তাঁর কিছুই মনে নেই। ইজি-চেয়ারে হেলান দিয়ে বসে তিনি একটা গভীর নিশ্বাস ফেললেন। ঘরটা যেন তাঁর চোখের উপর ঢুলছে।

কতক্ষণ বসেছিলেন কে জানে, পায়ের শব্দে তাঁর চমক ভাঙল। বিস্মিত হয়ে দেখলেন, মৃগাল এসে দাঁড়িয়েছে। ভয়ে তাঁর কণ্ঠরোধ হয়ে এল। হঠাৎ বুঝতে পারলেন না, তিনি কি করবেন। ধৈর্য্য হারালেন না, কিন্তু সোজা হয়ে বসে বললেন, আবার এসেছ যে ?

মৃগাল বললে, হ্যাঁ, এসে ত অন্তায় করি নি।

কেন এলে বলো ত ?

বলতে এলাম, আপনার কোথাও যাওয়া হবে না।—ব'লে মৃগাল কাছে এসে দাঁড়াল।

মাষ্টারমশায় বললেন, তুমি কি আমাকে বেঁধে রাখতে চাও মৃগাল ?

যেতে আমি দেবো না আপনাকে।

তার কণ্ঠে সুস্পষ্ট দৃঢ়তা, গভীর আত্মপ্রত্যয়। মাষ্টারমশায় হাসলেন, বললেন, আমার মনেও বন্ধন নেই, বাইরেও বন্ধন নেই, তা জানো ত মৃগাল ?

মৃগাল বললে, আমার মনের কথা শুনে নিয়ে আমাকে আপনি

তরুণী-সঙ্ঘ

অশ্রদ্ধা ক'রে চলে যাবেন, এ আমার সহিবে না। আপনার কোথাও যাওয়া অসম্ভব।

তুমি যাও, যাও মৃগাল—ব'লে মাষ্টারমশায় হঠাৎ উঠে দাঁড়ালেন, বললেন, তুমি আজ চ'লে যাও, বাঁচাও আমাকে।—থর থর ক'রে কাঁপছিল তাঁর সর্বশরীর।

মৃগাল এক পাও নড়ল না, মেঝের উপর ব'সে প'ড়ে বললে, আপনাকে বাঁচাবো কিন্তু আমি যাবো কোথায়? আমি কোথাও যাবো না, এই পায়ে আমার জায়গা!

এ কি বিপদ মৃগাল? পা ছাড়ো। এমন নাটকের জন্তে আমি প্রস্তুত নই। তুমি যখন এসে পৌঁছলে তখন আমার জীবনে বেজে উঠেছে ধ্বংসের বাজনা। যাও তুমি।

মৃগাল উঠে দাঁড়িয়ে চোখ মুছে বললে, এখন যাচ্ছি কিন্তু জানবেন কোথাও আপনাকে আমি যেতে দেবো না। আমাকে ছেড়ে যাবার শক্তি আপনার নেই।—ব'লে সে বেরিয়ে চ'লে গেল।

তৃতীয় দিন দুপুরবেলায় মাষ্টারমশায় তাঁর ডায়েরীর শেষ পৃষ্ঠায় লিখছিলেন। দরজাটা বন্ধ।

‘একে তুমি কি বলবে বিজয়া? কি আখ্যা দেবে? চিরকাল দারিদ্র্য ছিল, মরবার সময় পেলুম ঐশ্বর্য্য। কিন্তু আমার নিজের


তরুণী-সভা

কথাটাই যে বড় এখানে। চল্লিশ পার হয়ে পঞ্চাশের দিকে
চলেছি হাঁপিয়ে হাঁপিয়ে, পথ আর বাকি নেই। আমার সমস্ত
আয়ুটা কেটে গেল উপবাসে। কী দিতে পারি মৃগালকে? কি
আছে আমার? সে এল মৃত্যুর মতো, নিয়তির মতো।’

আবার তিনি লিখতে লাগলেন, ‘কোথায় গেল আমার বাইশ
বছরের তারুণ্য? কোথায় গেল পঁচিশ বছরের যৌবন! আমার
বুকে ছিল অনন্ত আশা, অপরিমেয় প্রেম, সে-জীবন আমার
কোথায় গেল? এই মৃগালের পায়ের শব্দের দিকে কান পেতে
ছিলাম, মৃগাল আসে নি।

‘কিছু মনে ক’রো না তোমরা। এ জন্মের মতো আমি
অপারগ। আবার কিরে এসে পথের ধারে দাঁড়িয়ে চিনে নেবো
মৃগালকে। ‘সেদিন থাকবে নতুন জীবন, নতুন দেহ আর নতুন
হৃদয়। আমার সর্বশ্রেষ্ঠ সম্পদ হারিয়ে গেছে, সে আমার
যৌবনকাল। শ্মশানের ওপর কি কেউ বাসা বাঁধে মা?’

‘শেষের দিকটা সংক্ষেপ করব। তোমার হাতে যখন এই
ডায়েরী পড়বে তখন আমি অনেক দূরে। আর কি বলি না
কোনোদিন, কারণ মৃগালের সঙ্গে আর আমার দেখা হওয়া সম্ভব
নয়। সে যেন আমাকে ক্ষমা করে। এই ডায়েরীর পাতাতেই
তোমাদের জন্ত শেষ আশীর্বাদ রেখে গেলাম। ইতি—তোমার
কাকাবাবু।



তরুণী-সজ্জের সভা যখন ভাঙল তখন কিছু রাত হয়েছে। কেউ হেঁটে যাবেন, কেউ বা যাবেন গাড়ীতে। বাঁদের স্বামীরা এসে বাইরে অপেক্ষা করছেন তাঁদের আছে মোটর; যারা কুমারী তাঁদের পৌছে দেবার জন্য ভূতা মোতায়েন রয়েছে। ভূতা সঙ্গে নেই এমন মেয়েও অনেক আছে, তাঁদের পৌছে দেবার ভার ললিতার উপরে। বাস্তবিক, আয়োজন করে মেয়েদের আনা এবং যথাস্থানে পৌছে দেবার মধ্যে রয়েছে তাঁদের একটি অসহায়তা; তখন মনে হয় তাঁরা মানুষ নন, বোঝা। যাক সে অপ্রিয় মন্তব্য। ললিতা হাসতে হাসতে বললে, আনুন আপনারা।

অগিমা বললে, তুই ফিরবি কেমন করে ?

একাই ফিরব দিদি।

একা ?

মৈত্র্যেয়ী বললে, শুণ্ডারা যদি পিছু নেয় ?

মন কি, চাকরের কাজ করে দেবে !

তারপরের মন্তব্যটা শ্রবণযোগ্য নয়। মেয়েরা হাসলে, হাসলে অগিমা। ললিতা বললে, তবে বাবার মোটরটা বার করতে হয়।

এমন সময় একটি সুশ্রী স্বাস্থ্যবান যুবক দরজার কাছে এসে

তরুণী-সভা

দাঁড়াল। তার দিকে চেয়ে অনিমা বললে, আরে, রূপেনবাবু যে।
আসুন। প্রত্যেকে নিতে এলেন বুঝি ?

ছোট একটি নমস্কার বিনিময় করে রূপেন হেসে বললে, প্রভাত
আর দাদার তোয়াকা রাখে না, আমি এসেছিলাম আপনাদের
এই ব্যাপারটা উকি মেরে দেখে যেতে।

দেখে কি মনে হচ্ছে ?

ওপরটা ত ভালই লাগছে। কাজ হোক চাই না হোক,
আন্দোলনটারও দাম কম নয়।

মৈত্রেয়ী হেসে বললে, পুরুষের সাহায্য কিন্তু আমরা নেবো না
রূপেনবাবু।

প্রভা এসে ওদের মাঝখানে দাঁড়াল। রূপেন বললে, তাতে
পুরুষের ঝগাট কমবে, তাদের অনেক কাজ।

অনিমা বললে, এক জায়গায় কিন্তু আপনাদের বাদ দেওয়া
চলবে না। ডোনেশনটা আদায় করতে একদিন যাচ্ছি আপনাদের
ওখানে।

মৈত্রেয়ী বললে, সেদিন এসে মিটিংয়ের আইটেমগুলো সাজিয়ে
দেবার কথা ছিল, আপনারা এলেন না কেন ?

রূপেন বললে, আমার সাহায্যটা যে পুরুষের।

আপনি কি বাইরের লোকের মতনই ব্যবহার করবেন ?—
মৈত্রেয়ী বললে।

তরুণী-সভ্য

ভেতরের লোক আমি, এমন প্রমাণ ত এখনো পাই নি !

সবাই সকৌতুক জানন্দে হেসে উঠল। বিক্রপের খোঁচা নেই, এমন নিশ্চল পরিহাস মেয়েদের বড় প্রিয়। অগ্নিমা অলক্ষ্যে একবার তাকাল মৈত্রেয়ীর দিকে। রূপেনের সঙ্গে কথা বলতে গেলেই মৈত্রেয়ীর মুখের উপর আলো জ্বলে ওঠে। এটা অগ্নিমার পছন্দ নয়।

রূপেন বললে, আপনাদের মিটিংয়ের কি সাবজেক্ট ছিল আজ ?

মৈত্রেয়ী বললে, আমাদের সজ্জের সঙ্গে রাজনীতির সম্পর্ক থাকবে কিনা, এই আলোচনা হচ্ছিল।

কি ঠিক হোলো ?

অগ্নিমা বললে, রাজনীতিটা বাদ দেবো। তবে যদি কেউ বিশেষ কারণে ব্যক্তিগতভাবে পলিটিক্‌সে নামে, তবে সজ্জ তাকে বাধা দেবে না।

পরের দিন বিকালে আবার সজ্জের বিশেষ অধিবেশন। সজ্জের কর্তৃত্বাধীনে একটি বালিকা-বিদ্যালয় খোলবার আয়োজন চলছে। সেদিন কলেজের ছুটি। নন্দরানী হুপুর থেকেই চঞ্চল হয়ে উঠেছে। কিছু একটা কাজের মধ্যে নিজের উত্তমকে ঢেলে দিতে না পারলে তার আর স্বস্তি নেই। হাতের কাছে ছিল একখানা ইংরেজি

ভরুণী-সভা

সংবাদপত্র। সেখান। তুলে নিয়ে পাতা ওলটাতেই চোখে পড়ল।
আজ শহরের উত্তরাংশে এক বিরাট সভার আয়োজন হয়েছে।
সভাপতি হবেন দেশবীর হরিহর নাগ। কাগজখানা রেখে
নন্দরাণী উঠে দাঁড়াল। এমন ছুটির দিনটাকে সে কোনোমতেই
ব্যর্থ হতে দেবে না।

ঘণ্টাখানেক আগে থাকতেই সে বেরিয়ে পড়ল। উত্তর দিকের
পথ ধরে বাস-এ চড়ে কিছুদূর যেতেই দেখা গেল, 'বিরাট সভার'
আয়োজনটা সামান্য নয়। খুসি হয়ে নন্দরাণী সেই দিকে চলল।

পার্কের কাছাকাছি এসে সে দেখলে, ইতিমধ্যেই লোকে
লোকারণ্য। হরিহর নাগের বক্তৃতা স্মরণে বেলা দুটো থেকে
কাতারে কাতারে স্ত্রী পুরুষ। পার্কের চারিদিকে পুলিশ মোতায়েন
হয়েছে, পতাকা হাতে নিয়ে স্বৈচ্ছাসেবকের দল, অভ্যর্থনা সমিতির
লোকজনের ছুটোছুটি। মাঝখানে একটা মণ্ডপ বাঁধা হয়েছে,
তার আশে পাশে পতাকার উপরে নানাক্রম প্লোগান্ সকলের
দৃষ্টি আকর্ষণ করছে। মাঝে মাঝে বিদীর্ণ জনকণ্ঠের 'বন্দে মাতরম্'
তরঙ্গিত হয়ে উঠছিল।

হরিহর নাগের বক্তৃতা হবে। যে হরিহর নাগ দেশের অন্য
সর্বস্ব বিসর্জন দিয়েছেন, যার ত্যাগ বাংলাদেশের একটা উদাহরণ
স্থল, যিনি হাসিমুখে কারাবরণ করেছেন অসংখ্যবার—সেই
হরিহর নাগের বক্তৃতা।

তরঙ্গী-সভা

দূর দূরান্তর থেকে দেবদর্শনার্থী নরনারীর সমাগম হয়েছে। আশ্চর্য্য হরিহর নাগের জনপ্রিয়তা, পার্কে তিলধারণের আর ঠাই নেই। উত্তেজনায় উল্লাসে আবেগে সকলেই অধীর উৎসুক— আজ হরিহর নাগের দর্শন পাওয়া যাবে। মোটরের শব্দ, বন্দে মাতরমের তরঙ্গ, অথরোহী পুলিশের ছুটোছুটি, সার্জেন্টের লাঠি, স্বেচ্ছাসেবকের জটলা—এদেরই মাঝখান দিয়ে আসবেন হরিহর নাগ। ধনু, ধনু হরিহর নাগ!

দেশ সেবিকাগণের ব্যস্ততার আর অন্ত নেই—অগণ্য অসংখ্য অমৃত্যুস্পঞ্জার ভিড় হয়েছে। বিখ্যাত নেত্রীস্থানীয় ধারা, তাঁরা আছেন পুরোভাগে। হরিহর নাগ তাঁদের নিকট দেবতা। দেবতার পূজার উপকরণস্বরূপ তাঁরা যেন পুষ্পস্তবকের মতো এই উদ্ভানের পুষ্পপাত্রে সুসজ্জিত হয়ে বসেছেন। নানা বর্ণচ্ছটায় বিচিত্র সমাবেশ। ধনু, ধনু হরিহর নাগ।

অকস্মাৎ জনসভা শুরু হোলো। হরিহর নাগ মণ্ডপের উপরে উঠেছেন, এবার তিনি বাণী উচ্চারণ করবেন। শুরু, প্রশান্ত জনসাধারণ, অচপল, উদ্বিগ্ন। পক্ষশব্দ, বিরাটমূর্ত্তি হরিহর নাগ বহুজনের দৃষ্টি আকর্ষণ করলেন। ঋষির মতো রূপবান, উজ্জল। সাহসসিকতায়, বিক্রমে, ওজঃশক্তিতে ও ত্যাগে তিনি জদগণের প্রাণপ্রিয়।

মেয়েরা আনন্দোজ্জল অপলক চক্ষে তাদের দেবতার দিকে চেয়ে

ভরসী-সভা

রইল। হরিহর নাগ হস্ত প্রসারিত ক'রে হাসিমুখে দাঁড়ালেন। তিনি যেন বিধাতার আশীর্ব্বানী বহন ক'রে এনেছেন। মুখের কাছে তাঁর লাউড-স্পীকার বসানো। তাঁর উদ্ভাত কণ্ঠের বক্তৃতা অতি সহজেই সেই বিপুল জনসাধারণের কানে ধ্বনিত হতে লাগল।—

‘দেশের নারীগণকে আজ অসীম উৎসাহে জেগে উঠতে হবে। সমাজের দুর্গম অন্ধকারের তিতর থেকে বন্ধনজাল ছিন্ন ক'রে ছুটে আসতে হবে মেয়েদের। পুরুষের পাশবিক শক্তির কাছে তারা চির অবনত, চির শৃঙ্খলিত। হে মাতা, হে ভগ্নি, শক্তির অধিকারিণী তোমরা, দাঁড়াও নিজের পায়ে, তুচ্ছ করে দাও বত শাস্ত্র আর আচারের বন্ধন, দাঁড়াও ওঠো সমাজের নাগপাশ ছিঁড়ে, ধর্ম্মধ্বজীর অল্পশাসন অস্বীকার ক'রে ছুটে যাও সব দিকে দিকে, বিরুদ্ধবাদের কর্তরোধ ক'রে দাও—’ করতালির শব্দে গগন পবন মুখরিত হোলো। অস্থির চাঞ্চল্য মেয়েরা আনন্দধ্বনি ক'রে উঠল। বর্তমান যুগের আত্মার বাণী হরিহর নাগ প্রকাশ করেছেন।

‘হে পদদলিতার দল, আলোকের পথ তোমরা খুঁজে বা'র করো, স্বাস্থ্য ও শক্তিতে তোমরা উজ্জীবীত হয়ে ওঠো, মুক্ত পক্ষ বিস্তার ক'রে দিগন্তের প্রতি প্রান্তে স্বচ্ছন্দচিত্তে তোমরা উড়ে চলো, শেষ ক'রে দাও পুরুষের দাসীবৃত্তি—’

আবার উদ্ভাত করতালির শব্দে কর্ণ বধির হয়ে এল।

সত্যশেষে হরিহর নাগের পদধূলির নেবার জন্ত মেয়েদের মধ্যে

ভক্তগণ-সভা

হেঁড়োছড়ি প'ড়ে গেল। হরিহর নাগ নির্লিপ্ত উদার দৃষ্টিতে সকলের দিকে চোখ বুজিয়ে সম্মুখে আশীর্বাদ করলেন। এত নির্লিপ্ত বলেই তিনি এত পূজা পান।

তাঁর জন্ম মোটর দাঁড়িয়ে ছিল। ভক্তগণের ঠেলা-ঠেলির ভিতর দিয়ে মোটরে উঠে তিনি যখন বললেন, কোথা থেকে তাঁর সঙ্গে নন্দরাণীও প্রাণপণ চেষ্টায় গাড়ীর ভিতরে উঠল। ভক্তের দল বিস্ময়াবিষ্ট, মেয়ের দল কৌতূহলাক্রান্ত। প্রথমটা মনে হোলো সে বুঝি পায়ের ধুলোই চায় কিন্তু দেখা গেল, পা ধরেই সে বসল, পা আর ছাড়ে না। স্তম্ভিত বটে!

তুমি কি চাও মা?

উচ্ছ্বসিত আবেগে রুদ্ধকণ্ঠে নন্দরাণী বললে, আপনার সঙ্গে—
আপনার সঙ্গে আমি যাবো।

বোঝা গেল মেয়েটি তাঁর বক্তৃতায় অনুপ্রাণিত হয়েছে। হেসে তিনি বললেন, কোথায় যাবে মা?

নন্দরাণী তাকাল তাঁর প্রশান্ত ও প্রশন্ন মুখের দিকে। একান্ত নির্ভরশীল একটি সুন্দরী কুমারীর বড় বড় চোখের কালো কালো তারা। হরিহর নাগ বললেন, বলো মা, কোথায় যাবে?

আপনার আশ্রয়ে।—নিবিড় উত্তেজনায় নন্দরাণীর গলার স্বর শুভে পড়েছিল।

তরুণী-সভা

আমার আশ্রয়ে ?—শ্রিতহাস্তে তিনি বললেন, আমার আশ্রয়ে
সে দেশে দেশে যা, কোথায় তোমাকে নিয়ে যাবো ?

নন্দরাণী বললে, আমি আপনার সেবা করতে চাই। যে পথ
আপনি দেখিয়েছেন আমি সেই পথে—

গাড়ী দাঁড়াবার আর উপায় ছিল না। দর্শনার্থী জনতাকে
সামলানো কঠিন, এর পরে হয়ত পুলিশের আশ্রয় নিতে হবে।
নন্দরাণী কিছুতেই নামতে চাইলে না দেখে হরিহর নাগের
সেক্রেটারী মোটর চালাবার ইচ্ছিত করলেন।

গাড়ী চলতে লাগল। হাত ধরে নন্দরাণীকে তুলে হরিহর নাগ
পাশে বসালেন। সম্মুখে তার মাথায় হাত রেখে বললেন, তোমার
নাম কি মা ?

নন্দরাণী।

এবং তারপর পরিচয় নিয়ে জানা গেল সে এক বিশিষ্ট সম্ভ্রান্ত
পরিবারের মেয়ে। বাড়ী এই কাছাকাছি, সংবাদপত্রে নোটিস
দেখে এসেছিল আজকের সভায়। এমন হৃদয়গ্রাহী বক্তৃতা সে
নাকি জীবনে শোনে নি। হরিহর নাগের কথাগুলি তার মনে
অধির অক্ষরে লেখা হয়ে গেছে। সে বড় হবে, কাজ করবে,
নিজের পায়ে দাঁড়াবে, অস্বীকার করবে সব। দেশবীর হরিহর
নাগের বক্তৃতা তার জীবনে নূতন আদর্শের পথ নির্দেশ করে
দিয়েছে।

তরুণী-সভা

হরিহর বলিলেন, নিজের পথ তুমি নিজে খুঁজে নিতে পারবে ত মা ?

নন্দরাণী পুনরায় তাঁহার পায়ের ধূলো নিয়ে বললে, আশীর্বাদ করুন তাই যেন পারি। আমাকে কি করতে হবে বলে দিন।

কি করতে হবে সেই ত তোমার চিন্তা; তোমার ব্যক্তিত্ব আর আত্মশক্তি—এদেরই প্রেরণায় তুমি চলবে ছুটে। যে যুদ্ধে আজ তুমি নামলে, পরিশ্রম আর উৎসাহ, এরাই তোমাকে জয়ের পথে নিয়ে যাবে মা। প্রাণের ঐশ্বর্য তুমি ছড়িয়ে দেবে দিকে দিকে। এই তোমার কাজ।—স্মিতহাস্তে হরিহর তার দিকে তাকালেন।

কোন পথ কোথায় দিয়ে ঘুরে গাড়ী এসে এক জায়গায় দাঁড়াল। সবাই নামলেন, নন্দরাণীও নামল। সম্ভবত তার বাড়ীর লোকেরা এতক্ষণে উদ্ভিন্ন হয়ে উঠেছে। তরুণী-সভ্যের আফিসে হয়ত লোক গেছে খুঁজতে। কিন্তু যাক সে কথা। আজ তার রক্তের মধ্যে যে প্রবল চাঞ্চল্য জেগে উঠেছে, আত্মীয় পরিজনের বন্ধন তাকে আর শাস্ত রাখতে পারবে না। সে হরিহর নাগের পিছনে পিছনে কটকের ভিতরে প্রবেশ করল। যেন একটা অন্ধ নেশায় সে আত্মহারা।

বাড়ীতেও লোকের ভিড়, স্ত্রী ও পুরুষ জটলা পাকাচ্ছে। নিভৃত জায়গা কোথাও নেই। রাজনীতিক বক্তা, নেতা, স্বেচ্ছা-

তরুণী-সভা

সেবক, উক্ত দর্শনার্থী, সাহায্যকারী, সংবাদ পত্রের প্রতিনিধি, সম্পাদক—চারিদিকে পরিপূর্ণ। হরিহর অন্তর মহলে গিয়া প্রবেশ করিলেন। তাঁর অসাধারণ ব্যক্তিত্বে সবাই মন্ত্রমুগ্ধ।

অনেকক্ষণ পরে আবার তিনি বেরিয়ে এলেন। দেখলেন নন্দরাণী তখনো একইভাবে দাঁড়িয়ে। কিন্তু তাঁর বক্তব্য আর কিছু ছিল না। প্রসন্ন উদাস দৃষ্টিতে তিনি চারিদিকে একবার তাকালেন। অনেকে গিয়ে তাঁর পায়ের ধূলা নিলে। নন্দরাণীর প্রতি তাঁর কোনো বিশেষ আগ্রহ নেই, আকর্ষণ নেই—তাঁর কাছে যেন সকলেই সমান। তিনি সকলেরই শুভাকাঙ্ক্ষী অর্থাৎ কেউই তাঁর অন্তরঙ্গ আপন নয়।

অত্যন্ত অশোভনভাবে দাঁড়িয়ে থাকা, অত্যন্ত অর্থহীন প্রতীক্ষা। * যথেষ্টই সে শুনেছে, আর কিছু জানবার তার নেই। নন্দরাণী এক সময় ধীরে ধীরে পথে নেমে এল। আজকের মতো তাকে কিরে যেতে হবে। আদর্শটাই পাওয়া গেল, অক্ষীলনের পথটা জানা গেল না।

কিন্তু এ কোথায় সে এসেছে? পথের দিকে সে তাকিয়ে দেখলে, এ পথ সে চেনে না। ফুটপাথ ধরে সে মন্থরপদে হাঁটতে লাগল। হরিহর নাগের কথাগুলো তার মনের তারে তারে এখনো ঝঙ্কত হচ্ছে। তার ভিতরে এসেছে জয়ানক একটা বস্তার বেগ, সব ভাসিয়ে দিতে পারলে তার মন খুসি হয়। জীবনকে সে বড়

তরুণী-সজ্জ

করে ডুলবে, অস্বীকার করবে সব, প্রতিষ্ঠা অর্জন করবে আপন
শক্তিতে, মানবে না সে কোনো শাসন ও বন্ধন ।

কিছুদূর এসে নন্দরানী একবার এদিকে ওদিকে তাকাল । ট্রাম
চলছে, মোটর বাস চলছে কিন্তু সে যাবে কোন্দিকে ? এ পথটা
নতুন । এ পথ তার কলেজেরও নয়, তরুণী-সজ্জেরও নয় ।
বাস্তবিক, এই উনিশ বছরের জীবনে আজকের মতো সমস্তা তার
কোনোদিন দেখা হয় নি । আপন ব্যক্তিস্বাতন্ত্র্যের কথা তার
কল্পনাতেও ছিল না । বৃহৎ পরিবারের ভিতরে সে মাহুষ, বাহিরের
জগতের সহিত পরিচয় তার সামান্যই । স্কুলে গেছে, কলেজে
পড়েছে, তরুণী-সজ্জের জন্ম চাঁদা তুলে বেড়িয়েছে—বিবাহের চেষ্টা
চলছে সম্প্রতি । অন্তর মহলের সঙ্কীর্ণ পরিধির মধ্যে নিতান্ত
চোখের আড়ালে সে বড় হয়ে উঠেছে । কিন্তু আজ দেশনেতার
কয়েকটা কথার আঘাতে তার সেই বাঁধ গেল ভেঙে—তরুণী-সজ্জের
সহস্র বিবাদ-বিতর্কে যা সম্ভব হয় নি । বাহিরের বস্তার জল তার
প্রশান্ত গৃহাঙ্গনে ঢুকে বাঁধা জলকে আনুল টেনে । এবার তাকে
পরিচয় করতে হবে বৃহত্তর সঙ্গে, উজ্জ্বল ভবিষ্যতের আহ্বানে তার
প্রাণ উঠেছে জেগে । ঘরে আর তার মন বসবে না ।

পথে পথে ইতিমধ্যে কখন সন্ধ্যার আলো জলে উঠেছে
চলতে চলতে সে একবার থমকে দাঁড়াল । না, এ পথ নয় ।
এদিকে কোনোদিন এসেছে বলে মনে হোলো না । তার

ভরুণী-সভা

কলেজের পথটা পেমেরই মে সোজা চলে যেতে পারবে। পাশ কাটিয়ে যাবার সময় প্রত্যেক লোক তার দিকে তাকাচ্ছে, কারো চোখে বিশ্রী কৌতূহল, কারো চোখে কুৎসিত লুক্কতা নন্দরাণী সঙ্কচিত হয়ে কুণ্ঠিত হয়ে আবার চলতে লাগল। আপন রূপের খ্যাতি শুনেছে সকলের মুখে, আজ সেই খ্যাতিই যেন তার পক্ষে অত্যন্ত পীড়াদায়ক মনে হতে লাগল। রূপ না থাকলে আরো দুঃসাহসের সঙ্গে সে এগিয়ে যেতে পারত। আত্ম-প্রতিষ্ঠা অর্জনের পথে চেহারাটা যে কিছু সুবিধাও আনতে পারে, কিছু দুঃখও দিতে পারে—এই কথাটাই সে বিশেষ করে ভাবতে লাগল। কিন্তু রূপের সুবিধা নেবার কথাটা তার মনেই এল না। পৃথিবীর সম্বন্ধে কোনো অভিজ্ঞতাই তার নেই।

অনেক খোঁজাখুঁজির পর কিছু রাতে সে বাড়ীতে এসে পৌঁছল। বড় ক্লান্ত, এসব তার অভ্যাস নেই। তাকে যে আবার কোনোদিন পারিবারিক প্রথা ও রীতি অস্বীকার করে ভবিষ্যৎ জীবন সম্বন্ধে সজাগ হতে হবে এ কোনোদিন তার জানা ছিল না, এ তার নতুন। কিন্তু ভিতরের উদ্দীপনা তার কিছুমাত্র গ্লান হয় নি। অন্তর মহলে ঢুকতেই সবাই উঠল চৌচিয়ে; উদ্ভিগ্ন হয়ে ইতিমধ্যে অনেকেই তাকে খুঁজতে বেরিয়েছে।

বাবা বসলেন, তুমি কি আজকের মিটিং শুনে গিয়েছিলে নন্দরাণী ?

ভরসী-সত্য

আজ্ঞে হ্যাঁ ।

কেমন লাগল ?

আমার ভ খুব ভালই লেগেছে ।

বাবা কিছুক্ষণ নীরব রইলেন । পরে বললেন, না গেলেই ভাল হতো । অত ভিড়...তুমি একা—কিন্তু ফিরতে এত দেরী হোলো কেন ?

নন্দরাণী হকচকিয়ে গেল । মাথা হেঁট করে বললে, একটু বিশেষ কাজে যেতে হয়েছিল ।

• • কাকা বললেন, লোক সঙ্গে নিয়ে গেলেই পারতিস । এত রাত পর্যন্ত কাজ ?

দাদা বললেন, এঃ, স্বদেশি মিটিং শুনতে যাওয়া ! স্বাধীন হচ্ছেন মেয়ে ! সেই কখন থেকে আমরা খুঁজে খুঁজে হায়রাণ । গরু হারালেও এতক্ষণে পাওয়া যেত ।

নন্দরাণী জলন্ত দৃষ্টিতে একবার দাদার দিকে তাকাল । দাদা পুনরায় বললেন, আঁচলে বেঁধে স্বরাজ্ঞ আনতে যাওয়া হয়েছিল ! বলে, হাতী ঘোড়া গেল তল, মশা বলে কত জল ! গা জ্বলে যায় ।

নন্দরাণী সোজা গেল নিজের ঘরে । এরা সবাই পুরুষ, এদেরই নিকট নারীর দাসীত্ব, এরাই তাদের বাধা । নারীর স্বাভাব্য দেখলে পুরুষ মাত্রই বিদ্বেষভাবাপন্ন হয় ! নন্দরাণী মনে মনে প্রতিজ্ঞা

তরুণী-সভ্য

করলে, প্রতিশোধ নিতে হবে। একথা মাহুঘ হয়ে উঠে জানাতে হবে যে, সে কেবল মাত্র মেয়েমাহুঘ নয়।

মা এসে বললেন, কোথায় ছিলি মা সারাদিন?

চুলোয়। চূপ ক'রে থাকো, ভালো লাগে না তোমাদের কথা। থাকব না আমি তোমাদের কাছে। এত বিদ্বেষ, এত অপমান?

তার চোখে জল এস।

মা চিন্তিত হলেন। কিন্তু হেসে কাছে এসে নন্দরানীকে টেনে নিলেন। তার জামার বোতামগুলি খুলে দিতে দিতে বললেন, মুখ যে শুকিয়ে গেছে। কেমন দেখলি রে মিটিং?

আঃ ছাড়া, আমি খুলছি। জানিনেক' কেমন মিটিং। আমি চাকরি করব মা কাল থেকে।

ও মা, সে কি কথা! চাকরি কেন?

মায়ের গলার ভিতরে মাথাটা ঘষে' নন্দরানী আদরের সুরে বলতে লাগল, দাঁড়াব নিজের পায়ে।

পিতামাতার একমাত্র মেয়ে সে। চোখ কপালে ভুলে মা বললেন, এই জন্মেই তোকে যেতে মানা করেছিলুম। লক্ষীছাড়ার দল, কানে তোর বীজমস্তুর দিলে ত? ওরা গাছে চড়িয়ে মই কেড়ে নেয়। যারা কথা বেশি কয় তাদের ওপর নির্ভর করিস নে। এসো মা, লক্ষীটি, থাকে এসো।

নন্দরানী স্তম্ভিত হয়ে মায়ের দিকে তাকাল। চক্ষু বিস্ফারিত

তরুণী-সঙ্গ

ক'রে বললে, তুমি কিছু জানো না মা, তুমি মোটে চেনো না হরিহর নাগকে। তিনি মানুষ নন, দেবতা, তাঁর কথা, তাঁর উপদেশ, তাঁর ত্যাগ—

বিহ্বল হয়ে সে জানুয়ার বাইরে তাকাল। মা তাকে হাত ধ'রে নিয়ে যেতে যেতে বললেন, দেবতা বলেই ত ভয়। বেশ, চাকরি করবি কাল থেকে; এখন খাবি আয়।

আহারাদির পর নিজের ঘরে এসে নন্দরাণী বসল। আজ তার ঘুম পাবে না। নিত্য পরিচিত জীবন-ধারা থেকে সে উত্তীর্ণ হয়ে এসেছে। কাল যা ছিল, আজ তার সঙ্গে অনেক প্রভেদ। তার ঘরে দো'রে, বিছানায়, গৃহ সজ্জায়, তার ভিতরে ও বাইরে যেন একটা ঝড় ঢুকেছে, তাই এমন ওলোটপালট। অনেক কিছু ভাঙল, অনেক কিছু স্থানচ্যুত হলো। ছবির মতো কখনো তার চোখে ভাসছে সব। বিরাট জনতা, পথের উত্তেজনা, যান বাহনের জ্রুততা, বন্দে মাতরমের চীৎকার—এখনো তার বুকের ভিতরটা আন্দোলিত করছে। তার পর হরিহর নাগের বক্তৃতা, অগ্নিসঞ্চারিণী ভাষা—এখনো তার রক্তের মধ্যে পাক খেয়ে খেয়ে ঘুরছে। এই ঘর, এই পরিবার, এই সমাজ—এ সমস্তই মিথ্যা, এই তার পরাধীনতা, এই তার অভিশাপ।

ঘরের আলোটা নিবিয়ে দিল বটে কিন্তু অন্ধকারে তার বড় বড় চোখের তারা বিন্দ্র হয়ে জেগে রইল।

তরুণী-সম্বন্ধ

রাতটা কোনো রকমে কাটিয়ে সকালে নন্দরাণী তরুণী-সম্বন্ধ নাম করে বেরিয়ে পড়ল, সকলের অমুমতি নেবার আর তার অপেক্ষা সইল না। দিনের বেলায় পথের দিকে সে চেয়ে দেখল। কৰ্মব্যস্ত কলিকাতা শহর। কারো দিকে কারো তাকাবার সময় নেই। এই বিপুল ব্যস্ততার ভিতর দিয়ে তাকে অবলীলাক্রমে চলে যেতে হবে। পিছন ফিরে তাকাবার সময় নেই, অগ্রপশ্চাৎ বিবেচনা করবার প্রয়োজন নেই, তাকে ছুটতে ছুটতে এগিয়ে যেতে হবে।

কাল রাতে রাস্তাঘাটের অনেক সন্ধান সে এনেছিল। অনেকক্ষণ ঘুরতে ঘুরতে এসে সে হরিহর নাগের ফটকের কাছে পৌঁছল। ভিতরে স্ত্রী-পুরুষের সংখ্যা কম নয়। কিন্তু খবর নিয়ে জানা গেল, হরিহর নাগ কনগ্রেসের কাজে বেরিয়ে গেছেন। হাওড়া ময়দানে আজ জনসাধারণের পক্ষ থেকে তাঁকে অভিনন্দিত করা হবে। নন্দরাণী ফটকের নিকট থেকে আবার পথে নেমে এল। বোঝা গেল, হরিহর নাগের তরফ থেকে আর কোনো কিছু সুবিধা পাবার আশা কম।

ঐশ্বৰ্যের মধ্যে সে লালিত কিন্তু সেঐশ্বৰ্য্য পুরুষের সৃষ্টি,বেধানে তার অধীনতা। সে দাঁড়াবে নিজের পায়ে, সৃষ্টি করবে সে নতুন জীবন। নন্দরাণী পথের চারিদিকে চেয়ে চেয়ে চলতে লাগল। প্রথমে সে চাকরি করবে, আর্থিক স্বাধীনতা আনবে সে সর্বপ্রথমে। হরিহর নাগের প্রত্যেকটি কথা তাকে উদ্বুদ্ধ করেছে,

তরুণী-সভা

উজ্জীবিত করেছে। বন্ধন সে মানবে না, ভাঙবে চিরাচরিত রীতি। কিন্তু কোথায় চাকরি? কে দেবে? কেমন করে সে তার আপন দাবি পৃথিবীর কাছে পেশ করবে? সংগ্রাম করে সে দাঁড়িয়ে উঠবে, কিন্তু সুযোগ কই?

পথে একটা প্রকাণ্ড আপিস বাড়ী দেখে সে অতি সঙ্কোচে-ভিতরে ঢুকল। চারিদিকে কেরাগি চাপরাশি নানা কাজে ব্যস্ত। একটি তরুণীকে দেখে তারা সবাই চকিত কৌতূহলে কানাকানি করতে লাগল। সুমুখেই একটা কাউন্টারের কাছে গিয়ে নন্দরাণী পা শক্ত করে দাঁড়িয়ে গলা পরিষ্কার করে জিজ্ঞাসা করলে এখানকার কর্তার দেখা পাওয়া যাবে?

কি চাই আপনার?—সবাই খুসি হয়ে সাহায্য করতে ছুটে এল। সে যে স্ত্রীলোক, সুন্দরী! সাহায্য করতে পারলে সবাই খুসি হয়।

নন্দরাণী চোক গিলে বললে, তাঁকে বলব। একটা ধবর দিন্ না।

ধবর দেবো? আচ্ছা, তাঁর নাম কি বলুন ত?

আরে তুই থাম্। আমি জানি কা'কে উনি চান্। শৈলেন-বাবু ত? শৈলেন ঘোষ?

নন্দরাণী বললে, এখানকার বড়বাবুকে।

বড়বাবুকে? ও। রাখানাথবাবুকে। আচ্ছা, আপনি বসুন,

তরুণী-সভা

এই যে—এই চেয়ারটার বসুন, আনছি তাঁকে ডেকে।—এই ব'লে একটা লোক ছুটল।

একটা লোক নেপথ্যে বসলে, রাধানাথবাবুর কপাল ভালো।

আপিসের মধ্যে একটা চাঞ্চল্য দেখা দিল। নারীর আবেদন স্তূতরাং একটা ছড়োছড়ি পড়ে গেল। নন্দরাণীর মুখ রাঙা হচ্ছে, পা কাঁপছে, কায়া পাচ্ছে। কর্তার সঙ্গে দেখা হ'লে কী যে বলবে কিছুই সে ঠিক করতে পারছে না, সমস্ত গোলমাল হয়ে যাচ্ছে।

ধবর পেয়ে বড়বাবু এলেন। প্রবীণ লোক। নন্দরাণী আরো নাভীস হয়ে গেল। কিন্তু ভেঙে পড়লে আজকে আর কিছুতেই চলবে না। সবিনয়ে নমস্কার ক'রে সে বললে, আপনার সঙ্গে বিশেষ কারণে দেখা করতে এসেছি।

কাজের সময়, স্তূতরাং অভ্যর্থনা না করেই বড়বাবু বললেন, কি বলো ?

আশে-পাশে সবাই কানাকানি করছে। মুখখানা তার রাঙা হয়ে উঠল। তবু সে স্পষ্ট কণ্ঠে বললে, যদি আপনার এখানে চাকরি করি তবে কত টাকা মাইনে দেবেন ?

ভক্তলোক আপাদমস্তক তার দিকে তাকালেন, তারপর ভ্রুকুঞ্জন ক'রে বললেন, তুমি কাদের মেয়ে মা ?

গগার আওয়াজ শুনে নন্দরাণী কণ্টকিত হয়ে উঠল, লোকটা কী নির্দয় ! কিন্তু প্রশ্নটা যে কিছু অপমানজনক তা'তে আর

তরুণী-সজ্জ

সন্দেহ নেই। নন্দরাণী আত্মসম্বরণ ক'রে বললে, চাকরি কি আছে ?

ভদ্রলোক বললেন, তোমার বাড়ী কোথায় ?

নন্দরাণী বললে, বিশেষ দুঃস্থায় পড়েছি তাই চাকরির জন্তে আপনার কাছে—

রাধানাথবাবু উদ্ভিগ্ন কণ্ঠে বললেন, তুমি ভদ্রঘরের মেয়ে, এমন ক'রে বেরিয়ে আসা উচিত হয় নি। লোক দেবো সঙ্গে, বাড়ী যাবে ?

সকলের সম্মুখে নন্দরাণীর কর্ণমূল পর্য্যন্ত জ্বালা ক'রে উঠল, ঠোঁট কেঁপে উঠল। কথা বেরুল না।

বিয়ে হয় নি দেখছি। তোমার বাবার নাম কি মা ?

কার্না পাচ্ছে, এইবার আত্মগ্লানিতে নন্দরাণীর চোখে জল এসে পড়বে। চোক গিলে মাথা হেঁট ক'রে সে বললে, আমি চাকরি করতে এসেছি, একটা চাকরি দিন।

রাধানাথ বললেন, কা'র সঙ্গে তুমি এসেছ শুনি ? একলা আস নি মনে হচ্ছে।

ইঙ্গিতটা খুব আপত্তিকর, অপমানে নন্দরাণীর মাথা আরো হেঁট হয়ে এল। ভদ্রলোক পুনরায় বললেন, ভদ্রঘরের মেয়ে তুমি, লোকে যে তোমার নিন্দে করবে ! তুমি বাড়ী ফিরে যাও মা ! কলকাতা শহর ভালো জায়গা নয়—

ভরসী-সভা

চারিদিকে লোক জমে গেছে। বিব্রী একটা আন্দোলন চলছে, জবস্ত একটা জটলা। চাকরি খুঁজতে আসা ঘেন একটা ভয়ানক অপরাধ। কেউ দেবে না তাকে নিজের পারে দাঁড়াতে, সবাই তার শত্রু। এরা সবাই পুরুষ, এরাই আপন শক্তিতে নারীকে পঙ্গু করে রেখেছে, এদের হাতেই আইন, পৃথিবী এদেরই করতলগত।

নন্দরানী মুখ তুলে বললে, দেবেন না চাকরি ?

ভদ্রলোক হেসে বললেন, কা'র জন্তে তুমি চাকরি করবে মা ?
নিজের জন্তে করব।

নিজের জন্তে ?—হো হো করে হেসে উঠে ভদ্রলোক ঘেন তার সমস্ত উচ্চাভিলাষ চূর্ণ বিচূর্ণ করে দিলেন।

কি অপমান, কি লাঞ্ছনা! এই কি তার কপালে ছিল ? এই আত্মঘাতের নাম কি জীবন সংগ্রাম ? আহত এবং অসম্মানিত হয়ে নন্দরানী ধাবার উদ্যোগ করতেই বড়বাবু পুনরায় বললেন, আচ্ছা আচ্ছা হবে, তুমি এখন বাড়ী যাও মা। ছি, ঝগড়া করে কি পথে বেরিয়ে আসতে হয় ? এমন কাজ ভালো নয়। কত কষ্টে মা বাবা তোমাকে মানুষ করেছেন বলা ত ?

নন্দরানী আর দাঁড়াল না, কোনোক্রমে একটা নমস্কার জানিয়ে সে পথে বেরিয়ে এল। কলিকাতা শহর কি ভয়ঙ্কর ! আত্মপ্রত্যয়ের কোনো মূল্য নেই, পরিশ্রমের কোনো প্রতিদান নেই। কোনো উপায়ই যদি তার চোখে না পড়ে, কোনো সুযোগই

তরুণী-সত্ত্ব

যদি সে না পায় তবে সে দাঁড়াবে কি নিয়ে ? এমনি করেই কি তাকে মিথ্যার পিছনে ছুটোছুটি করতে হবে ? তবে কি হরিহর নাগের বক্তৃতা কেবলমাত্র কথার স্তূপ, কেবলমাত্র প্রেরণা ? ওই দেশনায়কের কথার আঘাতে আরো কি কোনো ঘরের ঘরের আগল ভেঙে গেছে ?

সন্দের দোলায় ছলতে ছলতে নন্দরাণী বাড়ীর দিকে চলতে লাগল। এ তার জীবনে ভয়ানক একটা অভিজ্ঞতা ! বাড়ী থেকে সে যে পালিয়েছে, এখন কী বলে কৈফিয়ৎ দেবে ? বিক্রপ কী সেখানেও নেই ? কিন্তু এখন থেকে ঘরের ভিতরে অকর্মণ্য হয়ে থাকতে তার আর ভালো লাগবে না ; তার সমস্ত স্বপ্ন যে দেয়ালে দেয়ালে প্রতিহত হবে, চুরমার হতে থাকবে যে তার সকল সম্ভাবনা—এ তার পক্ষে অসহনীয় বেদনা ! কিন্তু পথেই বা তার কী মিলবে ? কোন্ আদর্শের পিছনে ছুটবে ? পথে নেমে সে পথ খুঁজবে কোন্ দিকে ?


অনেকক্ষণ থেকে একটা লোক তার পিছু নিয়েছে। সে যেন খাণ্ড, সে যেন ভোগ্যবস্তু। এ সংসারে নারী হয়ে জন্মগ্রহণ করাই যেন একটা পাপ। তাদের সমস্ত যোগ্যতা যেন পুরুষের যোগ্য হয়ে ওঠার একটা সাধনা। অপমানে নন্দরাণীর দৃষ্টি ঝাপসা হয়ে এল। পা চাণিয়ে সে চলতে লাগল। তার চেয়ে সর্বস্বাস্ত যেন আর কেউ নয় !

তরুণী-সজ্জা

গত হই দিন আগে তার এই চাকলা ছিল না। কল্পনাও করে নি এমন একটা বিপ্লব অবিলম্বে ঘটবে তার মনে। এখন থেকে ভয়ানক একটা অতৃপ্তি আর অস্থিরতার তার ঘর ও বাইরের জীবন দু'য়ের আশ্রয়ের মতো জগতে থাকবে। সমস্তার দোলায় সে দুলাতে লাগল। একদিকে বন্দিনীর জীবন যাপন, অন্যদিকে মরুভূমির মধ্যে বিচরণ—কোনটা তার বরণীয় ?

পথ ঘুরে সে এসে পৌঁছল তরুণী-সজ্জা। তার যেন আর মন নেই। সবাই অনেক প্রশ্ন করলে, অনেক কথা জানালে, নানা আলোচনার টেউ তুললে। কিন্তু এসব যেন ছায়া, এবং যেন প্রাণহীন। মেয়েদের এড়িয়ে নন্দরাণী আবার বেরিয়ে পড়ল।

সকল পথই যেন তার জটিল হয়ে উঠেছে। তবু বাড়ীর দিকে না গিয়ে আর উপায় নেই। অশান্ত মন, সমস্ত শরীর ক্ষুধায় ও ক্লান্তিতে অবসন্ন, পা দুখানা কাঁপছে, মুখে একটি গভীর ব্যর্থতার ছায়া—এমন অবস্থায় নন্দরাণী সেদিন অপরাহ্নে চিন্তাক্রিষ্ট করুণ দৃষ্টি নিয়ে ধীরে ধীরে তার বাড়ীর দরজায় এসে উঠল। তার আর দাঁড়াবার শক্তি নেই !



মেয়েদের মধ্যে ঝাঁরা উল্লেখযোগ্য পরিমাণ চাঁদা দিয়েছেন, মৈত্রেয়ী ও অণিমার বিশেষ বন্ধু—ছোড়দি তাঁদের মধ্যে একজন। ছোড়দি নামেই তিনি সকলের নিকট পরিচিত। বাড়ী তার এই কাছাকাছি।

বাড়ীর ছেলেমেয়ে ও পাড়ার মেয়ে পুরুষের কাছেও তিনি ছোড়দি নামে পরিচিত। বয়সের পার্থক্যটায় কিছু আসে যায় না। তিনি স্বপদবীথিকা। বৈদ্যাতিক শক্তি যেমন মেসিন্ ঘরের সকল যন্ত্রগুলিকে নিরন্তর সচল ক'রে রাখে তেমনি ছোড়দির গোপনসঞ্চারিণী প্রেরণায় পরিবারের সকল খুঁটিনাটিগুলি অবিশ্রাম সক্রিয়। তাঁর শাসন ও বিলিব্যবস্থায় সবাই খুসি।

অণিমা বলে, ছোড়দি একজন বিশিষ্ট ছন্দ-শিল্পি, ওই অত বড় পরিবার একটি ছন্দে বাঁধা। ছোড়দির সংসারটা তাঁর একটি কবিতা।

মণিকা বলে, ছেলেমেয়েকে সুশিক্ষিত ও ভদ্র ক'রে মানুষ করতে ছোড়দি অদ্বিতীয়। যাই বলে 'তরুণী-সজ্জ'র কপাল ভালো, অমন একজন মেঘার পাওয়া গেছে।

অণিমা বলে, আহা, ছোড়দিকে সেদিন কী ভালোই

তরঙ্গী-সঙ্গ

সেগেছিল। সকাল বেলা গিয়ে দাঁড়িয়েছি, ছোড়দি পুজোর ঘর থেকে বেরিয়ে এল। পরণে তসরের ধুতি, গলায় সোনার চেন-এ বাধা রুদ্রাক্ষের মালা, প্রসন্ন উদাস ছটো চোখ—

মণিকা মৈত্রের গা টিপলে। অর্থাৎ ছোড়দির কথা উঠলেই অণিমার কবিত্ব জেগে ওঠে।

রূপ বটে!—অণিমা বললে, পাকা সোনা, খাদও নেই, পালিশও নেই। সত্যি ভাই, আমি পুরুষ হ'লে ছোড়দিকে নিয়ে কী যে করতুম বলা যায় না।

মণিকা বললে, ওমা, ছোড়দি যে বিধবা রে।

হোক না, ইলোপ করে নিয়ে যেতুম। জেলে যেতে ভয় পেতুম না।

মৈত্রের মুখ টিপে হেসে বললে, ওকে সঙ্গে নিয়ে ত আর জেলে যাওয়া যেত না!

সবাই হাসতে লাগল। সেদিন কথায় কথায় স্থির হোলো, আজ ছোড়দির বাড়ী একবার বেড়াতে গেলে মন্দ হয় না। সোসাল ওয়েলফেয়ার সম্বন্ধে ছোড়দির পরামর্শটা অমনি নিয়ে জালা যাবে। সবাই রাজি হোলো। স্ত্রীলোকের দলের ভিতর কোনো বিশেষ স্ত্রীলোকের পক্ষে প্রিয় হয়ে ওঠা বড়ই কঠিন। ছোড়দি সেই কঠিন পরীক্ষাতেও উত্তীর্ণ।

চার পাঁচ জন মিলে সেদিন ছোড়দির কাছে এসে বসন

ভরসী-সভা

উপস্থিত হোলো তখন অপরাহ্ন। তারা একেবারে অন্যর মহাল
গিরে হাজির। ছোড়দি কলঘরে গেছেন, 'তারা বসে' রইল
প্রতীকার। চারিদিকে চকচকে আসবাবপত্র, রগরণে ঘর দালান,
পরিষ্কার বেলা ও তুলসীতলা, ঠাকুর ঘর, সুসজ্জিত বাথরুম—ওদের
দিকে চাইলেই ছোড়দি সকলের চোখে স্পষ্ট হয়ে ওঠেন। এরাও
যেন নীরবে তাঁর প্রশংসা করতে থাকে।

কিছুক্ষণ পরে ছোড়দি এলেন বেরিয়ে। তাঁর মাথার চুলে লাগল
অপরাহ্নের লাল আলো, তা'তে দেখা গেল চুলের ভিতরে বিচিত্র
রুমধনুর খেলা। বললেন, অনেকক্ষণ বসিয়ে রাখলুম, কেমন?

অগিমা বললে, তোমার কথা উঠলে তোমাকে না দেখে আর
আমরা থাকতে পারি নে।

ছোড়দির সুন্দর মুখখানি ঝিক, কিন্তু আপন গাঙ্গীর্ষ্যে কেমন
একরকম নির্লিপ্ত। হেসে বান্ধবীদের হাত ধরে উপরে নিয়ে
গেলেন।

আসবাবপত্রের সজ্জা ঘরের মধ্যে প্রচুর; সেগুলি সৌধীন
এবং আধুনিক। পাশেই বড় একটা কাঁচের পাত্রে জলের মধ্যে
কতকগুলি নানা রঙের মাছ খেলা করছে। ছোড়দি প্রথমেই
সুইচ বোর্ডে রেগুলেটর ঘুরিয়ে মন্দগতি পাখা দিলেন ধুলে, তারপর
একটি সাদা ব্লাউস ও ধবধবে সাদা ধুতি নিয়ে পাশের ঘরে কাপড়
ছাড়তে গেলেন।

তরুণী-সভ্য

যখন পুনরায় এলেন তখন কিছু পরিবর্তন। তাঁর রূপের বর্ণনা করতে সঙ্কোচ হয়। প্রথমেই নজরটা গিয়ে পড়ে তাঁর দেহের বয়সটার দিকে। কুড়ি থেকে পঁচিশের মধ্যে কোন একটা অঙ্কে গিয়ে হঠাৎ যেন তাঁর কোমল ও দীঘল দেহখানি থমকে দাঁড়িয়েছে। রূপ দেখলে ওদের মুখে আর কথা ফোটে না, ওরা যেন সবাই ম্লান হয়ে যায়। কখনো দেখা যায় তপস্বিনী অপর্ণার মতো তাঁর দীর্ঘায়ত চোখে সন্ধ্যাতারার গভীরতা, কখনো আবার সে চোখে নামে বুদ্ধি এবং জীবনচেতনার দীপ্তি—তখন সে দৃষ্টি উজ্জল, অস্তুর্তেদী।

বছর দশেকের একটি মেয়ে এসে তাঁর পাশে দাঁড়াল। ছোড়দি বললেন, খুকি, তোমার গানের সুর মুখস্থ হয়েছে ?

খুকি বললে, হয়েছে ছোড়দি, শুনবেন ?

মৈত্রেয়ী বললে, এখানেই গাও, আমরা শুনি।

ছোড়দির ঘরের টেবুল হারমোনিয়ম খুলে খুকি গান গাইলে। তারপর যথারীতি বান্ধবীদের জলযোগের আয়োজন।

মৈত্রেয়ী বললে, ছোড়দি, তুমি যে পাকা অভিজাত তা'তে আর সন্দেহ নেই।

ছোড়দি ওদের দিকে তাকিয়ে হেসে বললেন, এই কথাটা বাড়ী বয়ে এসে না বললে মৈত্রেয়ীর আর ঘুম হয় না। পাকা অভিজাতের মানে ?

তোমার কাছে এলে সবাই আড়ষ্ট হয়ে উঠি।

তরুণী-সঙ্ঘ

সেটা ত আমার সুনাম নয়।

তোমার দোষ এমন বল না। তোমার চারদিকের 'এয়ারটাই' এমনি। বেশি বললে অগ্নিমার গায়ে লাগবে তাই, ও তোমার অন্ধ ভক্ত। ভক্ত হনুমান।

অগ্নিমা হেসে বললে, পুরুষ হলে আরো বেশি ক'রে ভক্ত হতুম, তা'তে ছোড়দির জন্তে যদি মুখের চেহারাটা হনুমানের মতন হোতো লজ্জা পেতুম না, সরে যেত।

কথায় কথায় আবার হাসির পালা।

মৈত্রেয়ী বললে, তোমার হোমিওপ্যাথী কেমন চলছে ?

মণিকা বললে, সে আবার কি রকম ?

ছোড়দির দাতব্য চিকিৎসালয় খোলা থাকে দুপুরবেলায় একঘণ্টার জন্তে। পাড়ার লোকেরা ওষুধ নিয়ে যায়।

ছোড়দি মধুর হেসে বললেন, প্রশংসায় লজ্জা পাবার বয়সটা এখনো আছে মৈত্রেয়ী।

আচ্ছা, এই চুপ করলুম। কিন্তু এবার যদি তোমাকে নিয়ে হাসি, তবে কিছু মনে করবে না ত ?

না। ছোড়দি বললেন।

মৈত্রেয়ী বললে, শোনু, তাই অগ্নিমা, বাড়ী মধ্যে কোথাও হাসিতামাসা হ'লে ছোড়দি উঠে চ'লে যায় সেখান থেকে।

সামান্য মিথ্যেকথা কেউ বললে রাতে ওর ঘুম হয় না।

তরুণী-সঙ্ঘ

তারপর ?—ছোড়দি বললেন ।

মৈত্রেয়ী বলতে লাগল, আরো আছে । খবরের কাগজের মারফৎ যদি নারীহরণের খবর কানে আসে এই ভয়ে ও খবরের কাগজ আনা বন্ধ ক'রে দিয়েছে । কি অগ্নিমা, তুই না ওর ভক্ত ? আরো শোন, বাড়ীতে তরুণ লেখকদের বই ঢোকবার হুকুম নেই, হুকুমটা ছোড়দির । চরিত্র খারাপ হবার ভয় । মণ্টু কোথা থেকে একদিন একটা অশ্লীল কথা কুড়িয়ে বাড়ীতে এনে ছেড়ে দিয়েছিল ব'লে ছোড়দি তিনদিন কেঁদেই খুন । কেউ কোথাও অন্তায় করেছে শুনলে ছোড়দি ঠক ঠক ক'রে কাঁপে !

মণিকা বললে, কাঁপে কেন ?

মৈত্রেয়ী বললে, ভয়ে । পৃথিবী বুঝি রসাতলে গেল ।

এমন সময় বাইরে থেকে ডাক পড়ল, ছোড়দি ?

ছোড়দি বেরিয়ে আসতেই ছোটভাই বিজু এসে তাঁর কাছে দাঁড়াল । বললে, কাল আমাদের ম্যাচ খেলা হয় নি, জানো ত ছোড়দি ?

ছোড়দি বললেন, হয় নি ? কেন রে ?

আমাদের বন্ধু শ্রীমান্ বাদলবাবু এসে জুটতে পারলেন না ।

তার বলবার ভঙ্গি দেখে ছোড়দি হেসে উঠলেন । বললেন, বর্ধমান থেকে না তার আসবার কথা ? বোধ হয় সময় মতো ট্রেন ধরতে পারে নি ।

তরুণী-সত্ত্ব

ঠিক তাই। অতএব খেলা বন্ধ রাখতে হোলো। ও খুব ভালো খেলে, না ছোড়দি? শটগুলো ভারি য়াকুরেট, স্মার্ট। পড়া-সুনোতেও ভালো, এবার বি-এতে ফলারশিপ পাবে। একটা চিঠি দিয়েছে, এইমাত্র পেলুম।

ভালো আছে ত? কি লিখেছে?

কাল এসে বেলা তিনটেয় পৌছবে। আমাদের এখানেই থাকবে, কেমন ছোড়দি?

বেশ ত, ওদিকের বারেন্দার ঘরটা তাকে দিও। ঘরটা ভালো। বাদল বুঝি তোদের হাফ ব্যাকে খেলবে?

হ্যাঁ ছোড়দি, সেন্টার হাফ। ও শিগ্গিরই মোহনবাগানে ভর্তি হবে।—বলতে বলতে বন্ধুর গোরবে গর্কিত মুখখানা নিয়ে বিজু বেরিয়ে চ'লে গেল।

ছোড়দি একবারটি রান্নাঘরে গিয়ে ঠাকুরকে রান্নার উপদেশ দিয়ে আবার উপরে উঠে এলেন। তারপর ঘরের ভিতরে উঁকি মেয়ে বললেন, যেয়ো না ভাই, একটু বসো তোমরা, সন্ধ্যা আহ্নিকটা সেয়ে আসি; অনেকক্ষণ গল্প করব।

পরদিন বেলা সাড়ে তিনটে বাজে। ছোড়দি বারান্দা থেকে নিচে তাকিয়ে দেখলেন, একটি বর্গিষ্ঠ স্ত্রী তরুণ যুবক বিজুর গলা

তরুণী-সঙ্ঘ

ধরাধরি ক'রে হাসতে হাসতে উপরে উঠে আসছে। তিনি সিঁড়ির দিকে ফিরে দাঁড়ালেন। তুই বন্ধুর পায়ের শব্দ উপরে উঠে এলো। পরিচয় আগেই ছিল স্ত্রীর তরুণী তার প্রয়োজন হোলো না। বাদল হেঁট হয়ে পায়ের ধুলো নিয়ে বললে, চিনতে পারেন ছোড়দি ?

ছোড়দি হেসে বললেন, না। অনেক বড় হয়ে গেছ।

বেশ লোক ত আপনি ? তু বছরে আমি এখানে আসেছি ?

জোরার আসে এক মুহুর্তে, নদীকে আর চেনা যায় না। আগে একটু রোগা ছিলে, রোগা আর ছরস্তু।

এখনই বুঝি খুব শান্ত হয়েছি ?—বাদল হা হা ক'রে হেসে উঠল। বললে, তা হলেই খুব আমাকে চিনেছেন দেখছি। আগে ইন্সপ পালাতুম, আজকাল কলেজ পলাই।

উত্তরে ছোড়দি বললেন, কলেজ পালিয়েও স্বলারশিপ ?

বাদল বললে, এই ষ্টুপিড্ বুঝি আপনাকে খবরটা দিয়েছে ছোড়দি ?

বিজু বললে, তুই পেতে পারিস আর আমি বলতে পারিনা ?

বাদল বললে, বাঁধাবাঁধি আমার ভালো লাগে না ছোড়দি। যাক সে কথা, আপনি কেমন আছেন বলুন।

বলো ত কেমন আছি ?

ছোড়দির জীবনে যে সাধ আফ্লাদ নেই, একথা সবাই জানে।

বাদল মাথা হেঁট ক'রে বললে, আমি কি ক'রে বলব ?

তরঙ্গী-সত্ত্ব

তার অপ্রতিভ অবস্থাটা উপভোগ্য। ছোড়দি বললেন, মাহুব কেমন থাকে তার মুখ দেখলে বোঝা যায় না ?

বাদল হেসে বললে, ধানিকটা বোঝা যায়, বাকিটা বুদ্ধির বাইরে।

সেই জন্মেই ত এত অশাস্তি। এস ভাই, এই তোমার ঘর। বিজু, বাদলের স্যুটকেসটা রেখে এস ওঘরে। ব'লে ছোড়দি আগে আগে গিয়ে ছোট ঘরটিতে ঢুকলেন।

বাদল বললে, আমি কিন্তু নিতান্ত অস্থায়ী লোক ছোড়দি। কাল সকালে গিয়ে আমাকে বর্ধমানের পৌছতেই হবে।

সে কি কথা ? হাওয়ার মতন এলে, ঝড়ের মতন যাবে ?

সে জন্মে নয়, কাল আমাদের কলেজে টাকা জমা দেবার তারিখ, তাই যেতেই হবে। আজ রাতে একবার যাব বৌবাজারে মেজদির কাছে। আমার বড়দা গিছিলেন হিমালয় ভ্রমণে, সেখান থেকে এনেছেন শিলাজিৎ, এক শিশি মেজদিকে দিয়ে আসতে হবে।

একটা চেয়ারে গিয়ে বাদল বসল, ছোড়দি সুইচ্ টিপে তার মাথার উপরে পাখা খুলে দিলেন। তার কপালের পাশ দিয়ে যে দুটি ধামের ধারা গালে নেমে এসেছিল ছোড়দি সেদিকে চেয়ে বললেন, বেশ ত, যাবার ব্যবস্থা আমার হাতে, তুমি এখন মুখখানা মুছে কেল দেখি। পাঞ্জাবীটা ধোলো। চান্ করবে ?

আগে চা খাবো।

তরুণী-সঙ্গ

আগে না, আগে চানু করো। তোমাদের খেলা ক'টার সময় ?
সাত্বে পাঁচটা ত ? অনেক সময় আছে। খোলো, পাখারী
আগে খুলে কেবো।

হ্যাঁ, এইবার খুলব।

এখনি খোলো, লজ্জা করবার মতন দেহ খোলার নয়। খুলে
চানু করে এসো। এই কাপড় রয়েছে টাঙা।

পায়ের জামা খুলতেই ছোড়দি সেটা হাত থেকে নিয়ে
আলনার তুলে রাখলেন। বললেন, শরীরটাকে একটু মজবুত ক'রে
গড়েছ, পুলিশে না বিপ্লবী সন্দেহ ক'রে ধরে নিয়ে যায়

বিজু নিচে থেকে বললে, ছোড়দি, খাবার তৈরি হয়ে
গেছে।

ছোড়দি গলা বাড়িয়ে বললেন, আচ্ছা, এসো ভাই, তোমায়
বাথরুমটা দেখিয়ে দিই। বলে বাদলের হাত ধরে তিনি বেরিয়ে
এলেন।

ছোড়দির এই সহৃদয় ও ঐকান্তিক আতিথেয়তা একটু
বিপর্যস্ত। তিনি তাড়াতাড়ি নিজের ঘরে গিয়ে সাঁত, গামছা,
তোয়ালে ইত্যাদি নিয়ে এলেন। বললেন, সব রইল ভাই এখানে।
তোমার জন্তে চা করতে চললুম।

স্নানের পর বাদল বেরিয়ে এলো, ছোড়দি চিকনি ও বুরুশ
দিয়ে তার মাথা আঁচড়ে দিলেন। নিজের হাতে নিয়ে এলেন

ভরসী-সঙ্গ

তা আর খাবার। বিছা এসে একবার তাজা দিলে গেল। ছোড়দি তাকে খাওয়াতে বলে বললেন, আমার দুঃখ এই যে, তুমি পর।

বান্দল হো হো করে হেসে উঠল। বললে, আমি পর, সে ত আপনার চোখের দোষ ছোড়দি।

চোখের দোষ হতে পারে, তবুও তুমি আপন নও। দাঁড়াও ভাই, ছেলের খাওয়াটা একবার দেখে আসি।—বলে তিনি বেরিয়ে গেলেন।

কিরে যখন এলেন, বান্দল তখন হাফপ্যাণ্টে দড়ি লাগিয়ে কোমরে বাঁধছে। ছোড়দি হেসে বললেন, ও কি হচ্ছে, চোরের মতন? দাঁড়াও, আমি বেল্ট এনে দিচ্ছি। আমার কাছে যা নেই তা বাজারেও নেই।

কিন্তু যা আছে তা যে কোথাও নেই ছোড়দি?

কী সে?—বলে তিনি উত্তর না শুনেই আবার বেরিয়ে চলে গেলেন।

কোমরে বেল্ট বেঁধে ছোড়দির কাছ থেকে দইয়ের টিপ নিয়ে দুই বন্ধু ম্যাচ খেলতে বেরিয়ে গেল। বারান্দায় দাঁড়িয়ে ছোড়দি তাদের পথের দিকে চেয়ে রইলেন।

তরুণী-সঙ্ঘ

বাদল বধন ফিরল তখন সন্ধ্যা উত্তীর্ণ হয়ে গেছে। আহাঙ্গাদি সেরে রাতেই তার চ'লে যাবার কথা। বৌবাজারে রাতটা কাটিয়ে সকালের গাড়ীতে সে বন্ধমান ফিরে যাবে।

বাড়ী ফিরতেই পরম্পরায় জানা গেল, খেলায় আজ তাদের হার হয়েছে। সংবাদ শুনে ছোড়দি বেরিয়ে এলেন। বাদল বললে, কি করব বলুন ছোড়দি, দশচক্রে ভগবান আজ ভূত হোলো। একা কি করতে পারি বলুন ত ?

ছোড়দি হেসে বললেন, আমার তিলক নিয়ে যারা যায় তারা কোথাও জয়ী হয় না। তারা ফেরে লজ্জা নিয়ে, তাতেই আমার আনন্দ।

কি বলছেন ছোড়দি ?

ছোড়দি বললেন, এমন নয় যে মানুষের অপমান দেখে আমার আনন্দ। আমার আনন্দ ভাই তাকে দেখে যার ভাগ্য সুপ্রসন্ন নয়, যে দুঃখ পেয়েছে, যে হেরেই এসেছে বার বার।—তার চোখ দুটো চকচক ক'রে উঠল।

বাদল একটু অধীর হয়ে বললে, আপনার চ'লে অত্যন্ত যাব্‌সার্ড।

তা হবে। তাই ত বলচি ম্যাচে যে ক্ষেত্রে তার সঙ্গে আমার ম্যাচ করে না।—মুহু মুহু হেসে ছোড়দি বেরিয়ে গেলেন।

যাবার একটা তাড়া ছিল। ছোড়দি আর অনুরোধ করলেন

তরুণী-সঙ্ঘ

না, কিন্তু বাদলকে খাওয়াতে বসলেন। বিজু বসল পাশে। সে আজ তার ছোড়দিকে দেখে ক্ষণে ক্ষণে বিশ্বয় বোধ করছে। ছোড়দির গাঙ্গৌর্য্য যেন আজ কোন্ অলক্ষ্য মুহূর্ত্তে ধসে গেছে। সর্ব্বদা ছাপিয়ে আজ যেন তাঁর বিপুল উৎসাহের জোয়ার।

আহারাদির পর তিনি ভিতর বাড়ীতে অন্ত্যন্ত বালক বালিকার আহারের তদ্বির করতে গেলেন। বাদল জামা-কাপড় প'রে নিলে। তাকে বাস-এ ভুলে দেবার জন্যে বিজু প্রস্তুত হোলো। কিন্তু ইতিমধ্যে হঠাৎ একটা অপ্রীতিকর ঘটনায় সে একটু চঞ্চল হয়ে বাদলের মুখ চাওয়াচারি করতে লাগল। বাদলের স্মৃটকেসটা খুঁজে পাওয়া যাচ্ছে না।

এই ত টিপাইয়ের ওপর রেখেছিলুম, তুই বুঝি কোথাও সরিয়ে রেখেছিস?—বিজু বললে।

না রে, আমি আর হাত দিইনি।—বাদল বললে।

তবে গেল কোথা?—বলে বিজু ছোড়দির ভয়ে ঘর্শ্বাক্ত কলেবরে খোঁজাখুঁজি করতে লাগল।

এঘরে আঁতিপাঁতি খুঁজে সে গেল পাশের ঘরে। সে ঘরে সমস্ত ওলটপালোট ক'রে খুঁজলে। ছেলেমেয়েদের ঘরে গিয়ে খুঁজে বেড়াল, নিজের ঘরে গিয়ে চারিদিক দেখল। শেষকালে বাড়ীর ভিতরে গিয়ে ছোড়দিকে সংবাদ দিতে বিজু বাধ্য হোলো।

তরুণী-সভা

ছোড়দি, আপনি এখানে ?

পিছন ফিরে তিনি তাকালেন। বললেন, কে, বাদল ? চলো ঘরে যাই, তোমার যাওয়া ত তাহলে হোলো না দেখছি।

ছাদের কোলেই তাঁর ঘর। ভিতরে ঢুকে বললেন, তোমার জিনিসটার কথাই ভাবছি। এ রকম কখনো হয় না। ভোজবাজীর মতন কোথায় যে... আশ্চর্য্য !

বাদল বললে, স্মার্টকেশটার জন্তে নয়, আমি ভাবছি মেজদির ওষুধটার কথা। শিলাজিৎ হিমালয় ছাড়া আর কোথাও পাওয়া যায় না। ওটা যদি ফিরে পেতুম।

তাই ত, তোমাকে তাহলে থেকেই যেতে হোলো !

না ছোড়দি, এ রাতে যাওয়া হোলো না, ভোর রাতে আমাকে চলে যেতেই হবে। মেজদির ওখানে না গিয়েই চলে যাবো, কাল আমাদের টাকা জমা দেবার দিন। যেতেই হবে।

তুমি ত ভারি একগুঁয়ে বাদল। যদি ঘুমিয়ে পড়ো তা হলে কেমন করে প্রতিজ্ঞা থাকবে ?

প্রতিজ্ঞা নয় ছোড়দি, প্রয়োজন।

প্রয়োজন ? আশ্চর্য্য তোমাদের শিক্ষা ! এ ছাড়া আর কোনো দাবি নেই ? কেন থাকতে চাও না তুমি এখানে ?—
ছোড়দি অধীর হয়ে প্রশ্ন করলেন।

বাদল দাঁড়িয়েছিল ঘরের দরজায়, মুখের ওপর তার বিদ্যুতের

তরুণী-সভা

আলো খেলছে। ছোড়দি ছিলেন খাটের বাজু ধরে দাঁড়িয়ে। বাদল হঠাৎ হেসে বললে, ওরে বাবা, খেত পাথরের মতন আপনার মুখ ছোড়দি, কথা কইতে ভয় হয়। আমার কিন্তু সত্যিই যাওয়া দরকার, আপনি একটু বিবেচনা করুন।

কি বলো?

বাদল একটু ধামল, তারপর ঢোক গিলে হেসে বললে, বলছি ওই স্যুটকেশটারই কথা, ওটা পেলেই আমি চ'লে যেতে পারি।

ছোড়দি তার মুখের দিকে তাকালেন। বাদল হেসে উঠে বললে, আমি দেখতে পেয়েছিলুম ছোড়দি, আপনি যখন ওটা নিয়ে বেরিয়ে এলেন।

ছোড়দি কেঁপে উঠে বললেন, কখন?

যখন আমি খেলার পর ফিরে ঘরে ঢুকছিলুম।

তার মানে বাদল? আমি চোর?—তিনি প্রায় চীৎকার করে উঠলেন।

কিন্তু দাঁড়ালেন না আর, ছুটে বেরিয়ে গেলেন ঘর থেকে। গেলেন বটে, আবার ঝড়ের মতো ফিরে এলেন তৎক্ষণাৎ। গায়ের রক্তে তাঁর ধরেছে জ্বালা। ধামিকক্ষণ ভিতরে ঘুরে বেড়ালেন, এটা ওটা নাড়লেন, তারপর চাবি খুলে আলমারির ভিতর থেকে বাদলের স্যুটকেশ বা'র করলেন। বললেন, এই নাও, আমিই চোর। আর তোমার চ'লে যাবার বাধা নেই, কেমন?

ডরশী-সত্য

স্ট্রাটকেস হাতে নিয়ে বাবল বেরিয়ে বাচ্ছিল, ছোড়দি পিছনে পিছনে এসে দাঁড়ালেন। বললেন, চুপ করে চলে যাচ্ছ বে ? চোর বলে নিশ্চয় ক'রে গেলে না ? আচ্ছা যাও, এক মুহূর্তও আর দাঁড়িয়ে না। তুমি গেলে দরজা বন্ধ ক'রে দেবো।

বাড়ীতে তখন সবাই নিদ্রিত।

বাদল নিচে নেমে এলো। পিছনে পিছনে নেমে ছোড়দি বললেন, আমাকে যেন আজ ভুতে পেয়েছে ! কী হয়ে বেঁচে আছি বলো ত ? সৎ, সচ্চরিত্র, ধার্মিক ! এর কি দরকার, এসব কি হবে আমার, বলতে পারো বাবল ?

বাদল সদর দরজার দিকে অগ্রসর হয়ে গেল। একটি কথাও সে বললে না। ছোড়দি গিয়ে দরজাটা খুলে দিলেন, তারপর অক্ষুঁত আর্ন্তকণ্ঠে বললেন, তুমি রইলে না, কিছুতেই থাকলে না একটা দিন, যাবার সময় চোর বলে আমাকে জেনে গেলে।

থেকে কি হোতো ছোড়দি ?

থাকলে তোমাকে বোঝাতুম, উঁচু আসন আর আমার ভালো লাগে না। শ্রদ্ধা আর সম্মানের ভার মাথায় নিয়ে নিরর্থক বাঁচা ... ক্লান্ত, আমি বড় ক্লান্ত বাদল।

দরজার চৌকাঠে পা দিয়ে বাদল হেঁট হয়ে তাঁর পায়ের ধুলো নিতে গেল, তিনি স'রে দাঁড়ালেন। বললেন, না না না, ছুঁয়ো না,

তরুণী-সভা

শুধু ছুঁয়ে চ'লে যেয়ো না বাদল । তখন আমার পা ছুঁয়েছিলে
তুমি—জানো না, তুমি ছুঁলে আমার কী হয়, কী বঙ্গায় আমার
চোখ বুজে আসে । তুমি যাও বাদল, যাও স্মৃথ থেকে ।

বাদলকে একরূপ বা'র ক'রে দিয়ে ছোড়ি সদর দরজাটা
সশব্দে বন্ধ ক'রে দিলেন ।

*
* * *

অনেকদিন ধরেই 'তরুণী-সভেব'র চাকাটা ঠিক মতো ঘুরছে। কাজ এগিয়েছে অনেকখানি। বালিকা-বিদ্যালয় প্রতিষ্ঠার কাজ চলছে। অনেকের অনেক স্বার্থত্যাগ সার্থকতা পেলে। মেয়েদের পরিচর্যায় কোনো প্রতিষ্ঠান টিকে যাওয়া—এটা নতুন। এটা কম বাহাদুরি নয়।

সেদিন ঘটনার মোড় একটু ঘুরে গেল। মৈত্রেয়ী একটু দেরিতে এসে হাজিরা দিলে, অগ্নিমা জিজ্ঞাসা করলে, বসেই আছি তোমার জন্তে, মনে আছে ত আজ রূপেনবাবুর ওখানে যাবার কথা ?

মৈত্রেয়ী কয়েক মুহূর্ত ইতস্ততঃ করলে। বললে, আরে, ভাই ত দেরি হয়ে গেল ভাই, রূপেনবাবুর ওখান থেকেই ত আমি এখন এলুম।

আহত বিষয়ে অগ্নিমা বললে, তাঁর ওখান থেকে ? আমাদের একসঙ্গে যে যাবার কথা ছিল ?

আসছিলুম ওই পথ দিয়ে। ডাকলে প্রভা।

ওপথ দিয়ে না এলেই ত পারতে ? রূপেনবাবুর রাস্তা দিয়ে যাতায়াতটা তোমার আজকাল বেড়ে গেছে মৈত্রেয়ী।

খোঁচা খেয়েও মৈত্রেয়ী উত্তর দিলে না, তার মনটা যেন কোথায় অপরাধ করেছে। বললে, প্রভার ডাকে ভেতরে যেতে হোলো।

তরণী-সভা

তার সঙ্গে রূপেনবাবুর ঘরে ঢুকে দেখি, ভদ্রলোক কাজে ব্যস্ত।
নতুন আই-সি-এস কিনা, কাজে এখন অথও মনোযোগ। ছুটি
ফুরোলেই চাকরি স্থানে যাবেন।

অণিমা চেয়েছিল সোজা তার মুখের দিকে, মৈত্রেয়ীর মুখের
রাঙা আভা তার দৃষ্টি এড়াল না। কোথায় সে যেন একটা গভীর
বিরক্তি বোধ করছে। কিন্তু উন্মা প্রকাশ করা তার শিক্ষাবিরুদ্ধ।
নীরস কণ্ঠে একবার বললে, আমাদের চাঁদাটা পেলেই হোলো
মৈত্রেয়ী। অন্তত আমার স্বার্থ ওইখানেই।

মৈত্রেয়ী বললে, আমরাও ত তাই ভাই।

তোমার তাই কিনা জানিনে, কিন্তু আমি এটা বুঝতে পেরেছি,
কোনো প্রতিষ্ঠানকে নির্দোষ ক'রে দাড় করাতে গেলে জীবনের
অনেক দিকের অনেক আশাকে নিস্কূল করতে হয়।—বলেই
অণিমা মুখ ফিরিয়ে লাইব্রেরীর দিকে চ'লে গেল।

মৈত্রেয়ী রইল তার দিকে চেয়ে। আবালা তাদের বন্ধুত্বের
ভিতরে ভুল ত্রুটি, সন্দেহ সংশয় কোথাও নেই। একজন আর
একজনের জন্ত অনেক কিছু জলাঞ্জলী দিতে পারে এই ছিল তাদের
ছেলে বয়সের প্রতিজ্ঞা। দিয়েছেও কম নয়। কিন্তু নতুন বটে
তাদের ভিতরে এই বিসদৃশ ব্যবহার। হঠাৎ মনে হোলো কোথায়
যেন একটা ফাটল ধরেছে। সম্ভবত সে ফাটল মনে, যেন
শরীরের নায়ুতন্ত্রীর ভিতরে এই চিড় খাওয়ার টনটনানি; পরস্পর

ভরুণী-সত্ত্ব

পরস্পরকে যেন আহত করেছে। হয়ত সে অস্ত্রার করেছে একা সেই আই-সি-এম রূপেনের কাছে গিয়ে। কিন্তু প্রভা ত ছিল সঙ্গে তার! মনস্তত্ত্বের শাস্ত্রটা তার কিছু আলোচনা করা আছে। রূপেনের কাছে একা যাবার প্রলোভন কি সে মনের গোপনে লালন করেছিল কিছুকাল থেকে? কিন্তু তার জন্ত রাগ কেন অণিমার? নীতির দিক থেকে সন্দেহ, না স্বার্থের দিক থেকে ঈর্ষা?

মৈত্র্যেয়ী বাড়ী ফিরে গেল তখনকার মতো।

অপরাত্তের দিকে এসে হাজির হোলো রূপেন আর প্রভা। প্রভা এলো তার এক বছরের শিশুকে নিয়ে। বললে, মৈত্র্যেয়ী কোথায় রে অণিমা?

অণিমা বললে, এখনো আসেনি। তাকে কেন?

জবাব দিলে রূপেন। বললে, নাগরমলের ওখানে তাঁকে নিয়ে আমার যাবার কথা। আসবেন কখন?

অণিমা মুখ কালো ক'রে বললে, এর মধ্যে সে বন্দোবস্তও হয়েছে নাকি আপনাদের?

হ্যাঁ, আপনার বান্ধবী খুব কাজের লোক, ঠিক পারবেন চাঁদা আদায় ক'রে আনতে।

অণিমা বললে, সে কখন আসবে বলতে পারিনে ত। চাঁদা আদায় কি কেবল সেই করতে পারে রূপেনবাবু? আমরা কি নিতাস্তই অকেজো?

ডরশী-সজ্ব

রূপেন হেসে বললে, তা বলছিনে অগ্নিমা দেবী। তাঁর সঙ্গে স্যাপরেণ্ট্‌মেন্ট্‌ হয়েছিলো তাই বলছি। আপনি গেলেও হয়। চলুন, আপনিই চলুন। আপনি আর তিনি একই কথা। আসুন, দেরি করবেন না।

প্রভা গিয়ে ঢুকল অফিস-রুমে। রূপেনের সঙ্গে গাড়ি ছিল, অগ্নিমা গিয়ে গাড়িতে উঠল। রূপেন ষ্টার্ট দিলে। গাড়ি ছুটল।

মিনিট তিনেক পরে ছুটতে ছুটতে মৈত্রেয়ী এসে হাজির। এসেই শুনল এইমাত্র রূপেন আর অগ্নিমা বেরিয়েছে গাড়ি নিয়ে। শুরু হয়ে কয়েক মুহূর্ত মৈত্রেয়ী দাঁড়াল। পরে মূছকণ্ঠে বললে, আমি ত ঠিক সময়েই এসেছি, ওঁরা আগে থাকতে বেরিয়ে গেলেন কেন প্রভা ?

প্রভা বললে, দাদার একটা নেমস্তন্ন আছে ডিনার খাবার, বোধ হয় তাই জন্তে—

তা ছাড়া অগ্নিমারও আগ্রহ, তাই না?—বলে মৈত্রেয়ী সম্বন্ধে একখানা চেয়ার টেনে নিয়ে বসে মুখের উপর একখানা কাগজ ভুলে নিয়ে মুখের চেহারা গোপন করবার চেষ্টা করলে। চেষ্টা হোলো তার ব্যর্থ, বিস্কুক চোখ ছোটো তার জালা ক'রে উঠল একটা নিখিল উদ্ভেজনায়। এমন ভাবে তাকে প্রবঞ্চনা ক'রে রূপেনকে নিয়ে চলে যাওয়া অগ্নিমার ভালো হয়নি। কী মনে করেছে সে ?

তরুণী-সভা

তার সম্বন্ধে রূপেনের পক্ষপাতটুকু অগ্নিমার গায়ে লাগে কেন ?
তরুণী-সভেষ্ণর মতো প্রতিষ্ঠান যারা গ'ড়ে তুলেছে তারা যদি আজ
এত নিচে নামে তবে মানবতার আদর্শ-টা রইল কোথায় ?

তাদের অতীত জীবনের বন্ধুত্বটা আজ সুস্পষ্ট মনে পড়ছে ।
যেখানে তাদের বন্ধুত্বের উপরে কোথাও কালো দাগ নেই । তাদের
সবল চরিত্র, স্বচ্ছ ও সুন্দর । তাদের পরম্পরের পরিচয় ছিল
মৌখিক বোঝাপড়ায় নয়, পরিচয় ছিল অন্তরে । আজ এই
অপ্রত্যাশিত সংঘাতের মধ্যে তার পরীক্ষা শুরু হোলো কেন ? কেন
আজ এই সন্দেহের মালিন্য স্পর্শ করে সেই বন্ধুত্বকে ?

মৈত্র্যে নীরবে ব'সে রইল ।

নাগরমলের দেখা পাওয়া গেল না । যারা ধনী তারা চাঁদার
খাতায় সই করে মুক্ত হস্তে, টাকা দেবার বেলা তাদের দেখা পাওয়া
কঠিন । দেউড়ীর দারোয়ান দেয় হাঁকিয়ে ।

দেখা যখন পাওয়াই গেল না, তখন আর উপায় কি, রূপেন
আর অগ্নিমা আবার উঠল গাড়িতে ।

ফিরেই যাবেন ত অগ্নিমা দেবী ?

অগ্নিমা হেসে বললে, যদি না ফিরি ?

না ফিরলে আপনার লাইব্রেরীর কাজ করবে কে ?

তরুণী-সভ্য

একদিন না হয় কাজ বন্ধই রইল।

তাহলে কি ইচ্ছে বলুন ?

অনিমা বললে, স্কুলটার সম্বন্ধে আপনার সঙ্গে একটু পরামর্শ
করবার ইচ্ছে আছে।

রূপেন হেসে বললে, আমার সঙ্গে ? আমি ত চলতি পথে, আজ
আছি কাল নেই। তার চেয়ে মাঠের ধারে। গিয়ে একটু হেঁটে
বেড়াবেন ?

হেঁটে কি হবে। তার চেয়ে গাড়িতে বেড়ানোই ভালো, হোক
আপনার একটু পেট্রল খরচ।

বেশ ত, হোক না, সে ত আমার সৌভাগ্য।

অনেক পথ ঘাট ঘুরে অনেকক্ষণ পরে গাড়ি এসে পৌঁছল
গড়ের মাঠের ধারে রূপেন এবার স্পীড কমিয়ে দিলে। আশু
আশু গাড়ি চলছে, দক্ষিণের বাতাস লাগছে। দূরে দূরে ফুলের
মালার মতো শহরের আলো দেখা যাচ্ছিল। ঠিক এইটি বোধ হয়
চেয়েছিল অনিমা।

রূপেন হেসে বললে, অনেকদিন থেকেই আপনাকে একটা কথা
বলব ভাবছি অনিমা দেবী।

হঠাৎ রক্তের একটা উচ্ছ্বাস অনিমার মুখের উপর উঠে এলো।
জীবনে অনেক বস্তুর সঙ্গেই তার পরিচয় নেই। পাশে বসে শরীরটা
তার কাঁপছে। বললে, অনেকদিন থেকে ভাবছেন, বলেননি কেন ?

তরুণী-সভা

গাড়ির স্পীড্‌ ক্রপেন আরো কমিয়ে দিলে। বললে, বলতে সাহস হয়নি।

আজকে হচ্ছে ?

আজো না।

অগ্নিমা চুপ করে রইল। ক্রপেন বললে, আপনি পাছে কিছু মনে করেন এই ছিল ভয়। শুধু মনে করা নয়, হয়ত অফেন্স নিতেন। বিলেতে অনেকদিন কাটিয়েছি, কিন্তু সেখানকার মতো সমাজ এখানে নয়। সেখানে অনেক কথাই সহজে সকলকে বলা যায়, কিন্তু এখানে ঠিক সেই কথাগুলোই বিচার করে দেখতে হয়, সেগুলো সত্য কি অসত্য, ভালো কি মন্দ। সেখানে পুরুষের চেয়ে মেয়েদের সঙ্গে কথা বলা সহজ।

ভার কারণ ?

যে কথার এখানকার মেয়েরা আর্জুনাদ করে ওঠে, সে কথার ওখানকার মেয়েরা ওঠে হেসে।

আচ্ছা, কি বলছেন বলুন।

বলবার আগে একটু তরসা দিন। বসুন, চোখ রাঙাবেন না? মোটর থেকে নেমে পুলিশ ডাকতে বাবেন না?

অগ্নিমা কম্পিতকণ্ঠে বললে, আপনার কথা আমি বুঝতেই পাচ্ছি।

ভরুণী-সভা

বলবার আগে কেমন ক'রে বুঝবেন ? ব'লে কলে যদি বিপদে পড়ি ? আপনার মেজাজ ত আর আমি জানিনে ।

অনিমা চিন্তিত হয়ে বললে, এমন কী কথা বলবেন রূপেনবাবু ?

সে কথা কুমারী মেয়েকে পথে নিয়ে এসে বলা বোধ হয় উচিত নয় ।—রূপেন বললে ।

এবার কিন্তু সত্যিই ভয় করছে আপনার কথা শুনতে ।

তবে থাক, বল না ।

অনিমার মনটা ধারাপ হয়ে গেল । বললে, আচ্ছা শুনব, বলুন ।

রূপেন হেসে বললে, কথাটা এই যে, আপনার বিয়ের নেমস্তম্ব খাচ্ছি কবে ?

একটা গভীর দীর্ঘশ্বাস ধীরে ধীরে অনিমা ফেললে । তার মধ্যে স্বস্তিও ছিল, ব্যর্থতার আভাসও ছিল । হঠাৎ রাগ ক'রে সে বললে, আপনি আমাকে ঠকালেন । এ আপনার রসিকতা নয়, ছুঁটু মি ।

গিয়ার ছইলটা ধ'রে রূপেন হো হো ক'রে হেসে উঠল ।

রাগ ও হাসির ভিতর দিয়ে দুজনের ঘনিষ্ঠতা একটু বেড়ে গেল । অনিমা এবার আসল কথাটা পেড়ে বসল । বললে, সকাল বেলা মৈত্রেরী গিয়েছিল আপনার কাছে ?

তরুণী-সভা

সে ত আপনি জানেন ।

তুনে আমি অবাক হয়েছিলুম । আমারো যাবার কথা ছিল ।
আপনি কি বললেন ওকে ?

রূপেন বললে, বলেছি ত অনেক কথা । নি কোন্টা
শুনতে চান ?

অনিমা প্রথমটা লজ্জার চূপ ক'রে গেল ; এ কৌতূহলটুকু তার
প্রকাশ না করলেই ভালো হতো । কথাটা তাকে ঘোরাতেই
হোলো । বললে, তা নয় । আমাদের ক্লাব সম্বন্ধে কোনো
আলোচনা হয়েছে কি না তাই বলছি ।

রূপেন গাড়িতে আবার একটু স্পীড দিলে । তারপর হেসে
বললে, না, ক্লাব সম্বন্ধে কথা হয়েছে সামান্যই । পরে তিনি তর্ক
তুললেন একস্‌পেরিমেন্টাল সাইকোলজি নিয়ে । তারপরেই
স্বভাবত যে-আলোচনাটা এসে পড়ে, অর্থাৎ নরনারীর প্রেম—
দেখা গেল, আপনার বাকুবীর পড়াশুনা কম নয় । বেশ পরিচ্ছন্ন
দৃষ্টিশক্তির পরিচয় পাওয়া গেল ।

ঈষৎ রুদ্ধকণ্ঠে অনিমা বললে, যাক, আপনার প্রশংসাটুকু তুলে
দেওয়া বাবে মৈত্রেরীর কানে, খুসিই হবে সে । চলুন, আর নয়,
আমার আবার রাত হয়ে যাচ্ছে ।—মৈত্রেরীর মুখ্যাতিতে কোথায়
যেন তার আত্মসম্মান বিপর্যয় হয়ে উঠেছিল । আর ঘাই হোক
সুকুমার সেনের মেয়ে সে, সেও কিছু কম নয় ।

তরুণী-সঙ্ঘ

রূপেন রসিকতা ক'রে বললে, হাওয়াটা ঘেন বদলে গেল অগ্নিমা
দেবী, মনে হচ্ছে ?

হ্যাঁ, উত্তরে হাওয়া ।

হুজনেই নীরবে রইল । গাড়ি ছুটে চলেছে । রূপেনের কাছে
আর কিছুই অস্পষ্ট নেই ; বন্ধুর প্রশংসায় বন্ধু ওঠে কুক হয়ে একথা
সে আজ ভালো করেই জেনে গেল ।

এক সময় সে বললে, কিন্তু আপনার সঙ্গে আমার আলাপ
অনেক আগেকার, মৈত্রেয়ী দেবীর অনেক আগে ।

সে জন্তে আমি বাধিত ।

রূপেন তার খোঁচায় হাসলে । বললে, আপনি রাগ করছেন,
কিন্তু আপনি হয়ত জানেন না, হয়ত খোঁজও পাননি, আমি
আপনাকে কতখানি সম্মান ক'রে এসেছি মনে মনে ।

নিশ্চয় সম্মানের যোগ্য আমি ।—অগ্নিমা তীক্ষ্ণ হাসি তার
গায়ে ফুটিয়ে বললে, শুনেছি ছেলেরা সকল মেয়ের কাছেই ওই কথা
বলে । আপনার এ বাক্যসুধা মৈত্রেয়ীর জন্ত তুলে রেখে দেবেন,
তার পাত্রটা ভালো ।

রূপেন এবার একটু আহত হোলো । বললে, কিন্তু যারা সত্যিই
সম্মানের যোগ্য—অনেকেই ত—

অনেকের সঙ্গে আমি পংক্তি ভোজনে বসিনে ।

এবারে নিশ্চয় আপনি রাগ করেছেন মনে হচ্ছে ।

তরুণী-সজ্জ

অগ্নিমা এবার হঠাৎ হাসলে। রূপেনের মুখের দিকে চেয়ে বললে, বারা ছেলেমানুষ আই-সি-এস তারা বোধ হয় সবাই আপনার মতন ?

কেন বলুন ত ?

তাদের বুদ্ধিটা প্রথমে কিছু জ্ঞান কম।

রূপেন আবার হো হো ক'রে হেসে উঠল।

হাওয়ার উড়ছে চুল, হাওয়ার উড়ছে মন। কেমন ক'রে না জানি আজকের রাত্রিটা ভালো লাগছে, জীবনের সকল রাত্রির সঙ্গে আজকেরটির ঐক্য নেই। অগ্নিমা চেয়েছিল রূপেনের মুখের দিকে। রাত্রির আলোয় আর ছায়ায় আর মায়ায় সে মুখ বড় ভাল লাগল—তরুণ যুবকের মুখ অপকল্প !

কিয়ৎকাল পরেই গাড়ি এসে দাঁড়াল 'তরুণী-সজ্জ'র দরজায়। বিচ্ছিন্ন হতে আর ইচ্ছা ছিল না, তবু হতে হোলো। কিন্তু একটা আবেদন অগ্নিমা না জানিয়ে থাকতে পারল না। গাড়ী থেকে নেমে মুহূর্তের মধ্যে বললে, একটি অনুরোধ আপনাকে রাখতেই হবে রূপেনবাবু।

নিশ্চয় রাখব, বলুন ?

আমাদের কথাবার্তা যা হোলো, মৈত্রেরী যেন শুনে না পায়।

এইমাত্র ? অবশ্য পালন করব আপনার হুকুম !

তরুণী-সভ্য

নমস্কার বিনিময় ক'রে রূপেন গাড়ি হাঁকিয়ে চ'লে গেল।

সে রাতে নিজার আভাস দেখা গেল না অণিমার চোখে।
মৈত্রেয়ীর গোপন উচ্চাশার খোঁজ পেয়েছে সে। রূপেন কেবল
রূপবান নয়, সে আই-সি-এস, এবং আই-সি-এর প্রতি মৈত্রেয়ীর
আকর্ষণের কথা কলেজের বন্ধুমহলে কে না জানে! নিজের কথা
থাক, কিন্তু কিছুকাল থেকে সে লক্ষ্য করেছে রূপেন সম্বন্ধে
মৈত্রেয়ীর দুর্বলতা।

রাত্রি জেগে সে মৈত্রেয়ীকে একখানা চিঠি লিখলে।
সকাল-বেলা পিয়নের হাত দিয়ে পাঠাবে। এমনভাবে তাকে
প্রশ্রয় দেওয়া আর সমীচীন নয়। এরপর দেরি হয়ে যাবে।

সকাল বেলা উঠে চিঠি পাঠাবার বদলে সে ডাকতে পাঠাল
মৈত্রেয়ীকে। কিন্তু মৈত্রেয়ী এলো না। বলে পাঠাল, তার শরীরটা
ভালো নেই। এই প্রথম তার শরীর খারাপ হওয়ার অভূহাত।
আজ দেখা যাচ্ছে তাদের মধ্যে ব্যবধান কতখানি। স্বার্থবুদ্ধির
সঙ্গে স্বার্থবুদ্ধির বাধল সংঘাত, আজকের এই মনোমালিন্যকে
ভব্যতার আবরণ দিয়ে আর ঢেকে রাখা চলে না। মানব চরিত্রের
এই শ্রীহীন প্রবৃত্তিটুকু মানুষের সহজাত। আজ পরম্পরের প্রতি
পরম্পরের মন নিঃশব্দে প্রচণ্ড হয়ে উঠছে, ভালোবাসার ক্ষেত্রে
তারা ত্যাগ স্বীকার করতে রাজি নয়। ঈর্ষার মধ্যে জন্ম ভালো-
বাসার এ কথা সাইকোলজি-পড়া ওরা কি বুঝতে পারল?

তরুণী-সঙ্ঘ

দিন কয়েক পরে আবার এই গল্পের মোড় ঘুরল। জীবনের
সেবতা সোজা পথ দিয়ে হাঁটেন না।

দুই বছর মধ্যে আজকাল দেখা-শুনো হয় কম। তাদের মনের
বিশৃঙ্খলা ফুটে উঠেছে 'তরুণী-সঙ্ঘ'র আপিস ঘরটার। বর
বিদায়ের পর বাসর-ঘরের অবস্থাটা যেমন, সেই দশা। শুধু কেবল
শুষ্ক কর্তব্যের তাগিদ তাদের এই ঘরটার মাঝে মাঝে টেনে আনে।
কথা কয় কম, কাজ হয় সামান্য। কেবল ফন্টি বজায় রাখতে
পারলেই তাদের ছুটি। একজনের গতিবিধির কৈফিয়ৎ আর এক-
জনকে দেবার আজকে আর প্রয়োজন নেই; সেটা ব্যক্তিগত।

সন্ধ্যার প্রাক্কালে সেদিন দেখা গেল প্রভা এসে বসেছেন
অনিমার পাশে, গল্প চলছে। কোন্ মেয়ে যে কখন কোন্ মেয়ের
প্রতি অসুরক্ত বলা কঠিন। প্রত্যেকেই এক একটা দল। এখন
বন্ধুত্ব আর সৌহার্দ্যটা বড় নয়, এখন কেবল প্যাঙ্ক্। লম্বিষ্ঠ ও
গরিষ্ঠ সম্প্রদায়ের ভিতরে এখন কেবল চুক্তির কানাকানি চলে,
কর্তৃপক্ষের গোপন ক্রিয়া-কলাপে মেয়েদের ভিতরে দাপ্তরিক
সমস্যাটা জটিল হয়ে ওঠে।

প্রভা গল্প করছে কিন্তু অনিমার সেদিকে মনোযোগ নেই,
উদ্বিগ্ন দৃষ্টিতে চাইছিল দরজার দিকে, এখনই রূপেনের আসবার
কথা। সন্ধ্যার সময় তাদের কোথাও কোথাও ডোনেশন্ আদায়
করতে বেরতে হবে।

তরুণী-সত্ত্ব

সন্ধ্যা প্রায় সমাগত। বাগানের দেবদারু গাছের আশ্রয় পাখীর কাকলী শোনা যাচ্ছে। লাল হয়ে উঠেছে পশ্চিম। প্রতীকার থেকে থেকে অগ্নিমা যখন ক্লান্ত, এমন সময় শোনা গেল বাইরে হর্নএর আওয়াজ।

প্রভা ব'লে উঠল, ওই দাদা এসেছে।

অগ্নিমা চাকিত হয়ে দরজার দিকে তাকাল, এবং প্রথমেই যে দৃশ্য তার চোখে পড়ল তা'তে দপ দপ ক'রে জ্বলে উঠল তার হৃদয়। রূপেনের সঙ্গে সঙ্গে হাশ্বমুখী মৈত্রেয়ী!

চা পানের একটা বিশেষ আয়োজন হয়েছে। পাশের লাইব্রেরী ঘরে ক্লাবের অন্যান্য মেয়েদের আলোপ আলোচনা চলছে। দুজনে এসে এঘরে ঢুকল। চেয়ার টেনে বসল রূপেন, মৈত্রেয়ী বসল প্রভার ওপাশে। চাকরটা টেবলের উপরে চা এবং জলযোগের আয়োজন করতে লাগল।

রূপেন প্রথমেই অগ্নিমার দিকে চেয়ে বললে, কথা ছিল আপনাকে নিয়ে বেরুবার, কিন্তু আজকে আর সম্ভব হচ্ছে না অগ্নিমা দেবী। পথে আসছিলুম, দেখি আমারই কুটারের দিকে চলেছেন মৈত্রেয়ী দেবী। কি আর করি, তুলে নিলুম গুঁকে গাড়িতে। প্রভা, কখন এলি রে?

প্রভা বললে, আমি এসেছি ষথাসময়ে। তারপর, কতদূরে তোমরা ঘুরে এলে দাদা? মৈত্রেয়ী, খুব বেড়ালি ত?

মৈত্রেয়ীর মুখ লাল হয়ে উঠল; অগ্নিমার মুখ হয়ে এলো

তরুণী-সত্ত্ব

শাদা, তার শরীরে বোধ হয় রক্ত চলাচল বন্ধ হয়ে গেছে। অলক্ষ্যে সে একবার তাকাল মৈত্রেয়ীর দিকে। মৈত্রেয়ী বললে, তুমি এমনি ক'রে যদি ঠাট্টা করো প্রভাদি তবে আমি উঠে যাবো।

অগ্নিমার আর সহ হোলো না। বললে, অনেক ঠাট্টা ভালোও ত লাগে মৈত্রেয়ী!

মৈত্রেয়ী বললে, তোমার লাগতে পারে, আমার নয়!—বলে সে মুখ ফিরিয়ে নিলে।

প্রভা বললে, যাক্ গে বাজে কথা। বলি দাদা, তোমার সুখবরটা আজ দেবো নাকি এদের? এতক্ষণ চেপেছিলুম, আর ভাই আমি পারিনে।

রূপেন একটু লজ্জিত হয়ে বললে, তুই যে বলবি আমি আগেই জানতুম। মেয়েদের পেটে কথা থাকে না।

প্রভা চায়ের পেয়ালায় চুমুক দিয়ে বললে, দাদা বড় চালাক, কিছুতে ভাঙবে না। তা ব'লে আমি শুন্ব কেন? সাতাশ তারিখে দাদার যে বিয়ে রে অগ্নিমা!

অকস্মাৎ নীল আকাশ থেকে যেন বাজ পড়ল।—বিয়ে? ক'র সঙ্গে?—অগ্নিমা মৈত্রেয়ী প্রায় একই মুহূর্তে প্রশ্ন করলে। যেন ফাঁসীর হুকুম শুনবে।

প্রভা বললে, অস্টিস্ মনোহর রায়ের মেয়ের সঙ্গে। আজ পাকা দেখা হয়ে গেছে সকাল-বেলা।

মৈত্রেয়ী বললে, কই, একথাটা ত আপনি বলেননি রূপেনবাবু ?

রূপেন বললে, বলতে একটা লজ্জা ছিল মৈত্রেয়ী দেবী ।

অনিমা বললে, আমার কাছেও ত বলতে পারতেন ? তার
চোখে প্রায় অশ্রু এসে পড়ছিল ।

মৈত্রেয়ী বসেছিল বজ্রাহত হয়ে । দুইজনেই যেন চূর্ণবিচূর্ণ ও
ব্যর্থ হয়ে গেছে ।

হঠাৎ উঠে দাঁড়িয়ে অনিমা বললে, ইস্কুলটাকে ভালো করে
গড়তে হবে, কি বলিস মৈত্রেয়ী ? এদের আগে সুশিক্ষিত করে
তোলা দরকার ।

মৈত্রেয়ী বললে, ছুটি এসে পড়েছে । এবার পূজায় কোথায়
যাবি রে অনিমা ? মেয়েদের ব্যক্তি-স্বাভাব্য সম্বন্ধে—

অনিমা হেসে বললে, আরে, আমিও তাই ভাবছিলুম । কোথায়
যাওয়া যায় বল ত ? শেষ পর্যন্ত পুরী ? মনে আছে মৈত্রেয়ী,
সেবার কনারকের র্যাড ভেঞ্চার ?

মৈত্রেয়ী সোৎসাহে বললে, খুব মনে আছে । চল্ ভাই, পুরীই
যাওয়া যাক্ ।

